


CASPARIS CON  
TARENI PATRICII VENE  
ti, De magistratibus, & repub.  
Venetorum libri  
quinque.



BASILEAE ANNO  
M D XLVII.

Cum priuilegio Imp. Maiestatis.

AD LECTOREM C. NV-  
cillani carmen.

Magnificos opibus Venetos belloq; potentes,  
Hic liber exiguus candide lector habet.  
Hos uada cœrulei concludunt undiq; ponti,  
Vlla haud quò ualeat densa nocere phalanx.  
Extendere suum tam latis finibus ingens  
Imperium, fœuit Mars ferus ille uiris.  
Consilijs sanis hi tanta trophæa tulerunt,  
Vt feriat summum sydera celsa decus.  
Quis bonus ordo tam claros afflarit honores,  
Hic liber exiguus lector amice docet.

CLARISSIMO AC DOCTISSIMO  
Iureconsulto, domino Viglio Zui-  
chemo, Cæsareo senatori apud  
Mechlyniam, Sigismun-  
dus Gelenius. s.

I huius commentationis au-  
tor ipse editionem matura-  
uisset, Vigli amicorum do-  
ctissime, quęcunq; eius in-  
scriptione dignatus esset, ei  
profecto haud mediocre ornamentum  
inde contigisset. Erat enim (ut constans  
fama est) Caspar Contarenius, si quis un-  
quam Veneti nominis, genere, opibus,  
prudentiali, literatura denique ornatissi-  
mus, ad summas dignitates & natus, &  
suis præcipue uirtutibus prouectus: ma-  
gnamq; de se spem concitauerat apud  
quotquot reipublicæ Christianæ tran-  
quillitati consultum cupiunt: eiq; satisfa-  
cturus uidebatur, modo licuisset nō per-  
fectorum malignitatem, ut isti loquun-  
tur, sed per quosdam qui nihil probant  
nisi quod ipsi faciunt, quum tamen nihil  
unquam boni faciant. Cæterum post ho-


minem magno bonorum dolore ne dicam indignatione sublatum, nactus hūc tam bene nati ingenij foetum, quasi suo parente orbatū ac per hoc nemini nuncupatum, arrepta tam parata occasione tibi gratificandi, nolui omni patrocinio destitutum in publicum emittere: sed tibi ex more iam peruulgato dedicandum duxi: non alio nomine mihi hoc uendicans, nisi quòd quantum in me fuit operam dedi, ne quid per operas typographicas detrimenti acciperet. Alioqui erat Contarenus suapte uel uirtute uel dignitate à Momorum genuinis sat tutus: apud nostrates tamen per quos publici iuris fit, aliquanto erit fauorabilior Virgilij calculo comprobatus, hominis non solum apud uniuersam Germaniam merito gratiosi, sed qui etiam de rebus Italicis æstimationem facere possit: ut qui olim in celeberrimo Venetorum ditionis gymnasio iuris interpretationem profectens, suam industriam magno auditorum applausu approbauerit. Spero itaque tuum uir doctissime nomen cum Contarenij æquè docti nomine coniunctum  
in eam



in eam expectationem lectores erecturum, ut nihil me amplius de lectionis fructu polliceri opus sit. Illud tamen non uane mihi præfagire uideor, unūquemque aut senatorem aut qui alioqui in parte reipublicæ administranda uersetur, non solum ex inclytæ huius urbis politiæ cognitione eximiam uoluptatem percepturum: uerum etiam ex tam absoluto exemplari, ceu Polycleti canone, aliquid excerpturum ad cōmodum suæ reipublicæ duntaxat pro ipsius ratione & natura: quandoquidem ex triplici administrandi publica genere talem mixturam hic agnoscere licet, quali nulla concinnior in hanc usque diem uel excogitari à sapientibus potuit, uel memoriæ prodita à scriptoribus reperitur. Vale & frue-  
re, meque amare perge. Basilie,

Cal. Ian. anno salutis

M. D. XLIII.



7

# CASPARIS CON=

TARENI PATRICII VENE-

ti, de magistratibus & repub  
lica Venetorū, liber  
primus.

s

AE P E N V M E R O  
animaduerti cōplu-  
res aduenas, pru-  
dētes homines, nec  
bonarum artium ig-  
naros: quum primū  
Venetias uenissent,

ac amplitudinem eius urbis contempla-  
ti essent, adeò sunt admiratione & ue-  
luti stupore quodam perculsi, ut nihil  
mirandum magis, aut illustrius se un-  
quam uidisse prae se tulerint, ac totius o-  
ris significatione ostenderint. Non ta-  
men omnes admiratio eiusdem rei ca-  
piebat. nam quibusdam mira quædam  
res, ac prorsus incredibilis esse uideba-  
tur, tam magnam mercium omnium co-  
piam, ex omnibus terrarum oris ac re-  
gionibus, perpetuo quodam ac cōstanti

tenore, in hanc unam ciuitatem inuehi  
indéque in longe diuersissimas gentes  
terra mariq; deduci. At alios detinebat  
urbis frequentia, & omnium propemo-  
dum gentium conuentus, ac si commu-  
ne orbis emporium, Veneta ciuitas es-  
set. Nonnulli mirabantur magnitudi-  
nem imperij, latamq; & terra & mari di-  
tionem. At pleriq; omnes politioris &  
acrioris ingenij homines, hanc nouam  
situm urbis rationem atq; adeò ad om-  
nia opportunam, ut deorum immortalium  
potius, quàm hominum opus atque  
inuentum fuisse putare soliti sint, ac ob  
hanc potissimum causam Venetam ur-  
bem omnibus alijs præstare, quæ usquã  
gentium sunt, aut unquam fuerunt. Ac  
nimium, si superiora perspexeris, etiam  
hac tempestate nonnullas urbes inue-  
nire facile poteris, quas cum hac no-  
stra conferas. Non paucas uero seculis  
retroactis, quæ & imperij magnitudine,  
& frequentia populi, rerumq; omnium  
copia & magnificentia urbi Venetæ lon-  
ge præstiterunt. uerum post hominum me-  
moriam, nulla unquam gentium ciui-  
tas

tas extitit, quæ tam opportuno, tam tuto, ac tandem tam alieno ab hominum fide, situ condita fuerit. Plerique in condenda ciuitate satis se fecisse arbitrati sunt si locum delegissent, ad quem difficilis & incommodus hostibus accessus esset ad inuadendam obsidendamq; urbem. inde euenit, ut complures ciuitates conditæ sint, aut in montium salebris, aspero difficiliq; accessu, aut locis palustribus. diuersa quadam ratione nonnulli nihil præferendum censuere commodo oportunoq; situi ad importanda exportandaq; omnia, sine quibus sufficere ciuitas sibi nequeat, tum ad necessitatem, tum ad molliorem quædam uitæ luxum. Qui uero utrique rei studuerint, paucos admodum inuenias, pauciores uero qui id præstiterint, nullos autem quos sciam, qui omni ex parte id fuerint assequuti. At Venetiârû situs diuino potius quodam consilio, quàm humana industria præter fidem eorum omnium, qui eam ciuitatem non uidere, & ab omni impetu terra mariq; tutissimus est, nec non etiam aptissimus omnium, ad cuiusq; rei

copiam, siue ex mari, siue ex continen-  
te ciuibus suggerendam, atque ad com-  
mercia omnis generis mercium, cum o-  
mnibus penè nationibus habēda. Nam  
in recessu penetraliq; Adriatici pelagi  
est sita, ubi quā mare attinet ad conti-  
nentem terram, magna æstuaria pan-  
duntur, miro artificio naturæ munita.  
Nam X I I. millibus passuum à cōtinen-  
te mare incipit esse uadosum, intra ua-  
da breuiāque littus assurgit ueluti agger  
quidam. Hæc fluctibus fremituiq; mari-  
no obsistentia, uniuersam eam stationē  
internam, longe lateq; fusam adeò tu-  
tam reddunt, ut non tantum maris impe-  
tus, quum assurgit etiam ualida tempe-  
state, ad interiora non nisi fractus pene-  
trare possit, uerumetiā neq; nauibus ad-  
uentatibus liber aditus pateat. Quin po-  
tius opus est, nisi leues admodū fuerint,  
ut his in locis, ubi uenientibus occurrūt  
uada, in anchoris consistent: naclæ de-  
inde tranquillam tempestatem à perī-  
tisq; gubernatoribus, seu potius uado-  
rum exploratoribus circumactæ angus-  
ta quadam & implicata uia, quā scilicet  
altior

altior est unda, (hæc uero singulis ferè diebus cœtu maris mutatur & uariat) tandem ad urbem perueniant. Littus illud quod assurgit post uada, sexaginta ferè milibus passuum extenditur, atq; interiora æstuaría concludit. Non ita tamen cōtinuum est, quin septem locis disruptum mari aditū ad internam stationē præbeat. Distat autem à continente sex millibus passuum. Hac ergo ratione Venetæ urbis æstuaría partim continente terra, partim littore ac uadis conclusa sunt, in quibus medijs, ea regione quæ Riualtus dicta à maioribus, in hūc usq; diem nomen seruauit, condita fuit urbs Veneta: quo tempore Hunni duce Attila totam oram Venetam, insignem Italiae prouinciā, quæ hisce æstuarijs finitima est, igne ac cædibus deuastabant. in qua calamitate Patauī, Aquileiæ, Opitergiī, Concordiæ atq; Altini illustrium Venetiæ urbium ciues, qui & nobilitate, & diuitijs alijs præstitere, primum se cū familijs recepere in nōnullas insulas, seu potius tumulos, qui in æstuarijs ijsce paululum è mari eminebāt: ibidemq;

demq; oppida extruxere in quibus tanquam in tutissimo portu turbulentissimam illam Attilæ tempestatem effugerent. necnon eodem tempore in litore ( de quo supra meminimus ) nonnulla oppida fuere, eò conuenientibus eiusdem oræ incolis, qui primas item sedes reliquerant, ab Hunnis direptas, ac dirutas: tutumque locum quæsierant uxoribus, liberisque, ac ( ut ita dicam ) dijs penatibus. Postmodum Caroli Pipiniq; regum temporibus communi cōsilio omnes in Riuaaltum cōuenere ueluti in locum omnium tutissimum, & maxime commodum: sicq; eo loci conuenientibus omnibus, quicunq; uexationem & deuastationem eam Italiæ illatam ab omni barbarorum illuue effugere potuerunt, in eam magnitudinem quam nunc cernimus excreuerunt Venetiæ. Urbis igitur Venetæ situm maxime tutum esse liquere omnibus potest, uel ex ipsa ratione eius urbis constituendæ, quum sibi homines illam condiderint, qui eam Italiæ cladem atrocissimam effugere: ibique incolumes cum fami-



familijs in tantis calamitatibus perstiteret. quin post ea tempora ( quod nulli unquam ciuitati legimus contigisse ) à prima urbis origine ad hæc usque tempora per mille ferè ac centum annos immunis semper ab hostili ui urbs Veneta perseuerauit, quum tamen opulentissima ditissimæque auri argentiq; ac rerum omnium ciuitas ab extremis etiam orbis regionibus barbaros ad prædam pouterit inuitare. Quo fit, ut non male sentire existimem eos, qui una hac ratione Venetias cæteris ciuitatibus præstare censuere. Verum aliud quiddam est in hac ciuitate, quod longe omnium præstantissimum censuerim ego: mecumq; omnes, qui ciuitatem, non tantum mœnia ac domos esse putant, sed existimant ciuium conuentum ac ordinem potissimum hoc sibi nomen uendicare: reipublicæ scilicet ratio & forma, ex qua beata uita hominibus contingit. hoc ego reor esse eximium illud ac præclarum, quo Venetiæ maxime eniteant, atq; omnem antiquitatem superare uideantur, nam & si compertum est, nonnullas respublicas

blicas extitisse, quæ imperio, ditione, necnon militiæ ac bellorum gloria rei publicæ Venetæ longe præstiterint, nulla tamen institutione ac legibus ad bene beateq; uiuendum idoneis, cum hac nostra conferri potest: quo effectum esse perspicimus, ut neque adeo diuturna ulla unquā perstiterit. Quam rem cum mecum ipse considero, magnopere mirari soleo maiorum nostrorum sapientiam, industriam, excellentem animi uirtutem, atque adeo incredibilem erga patriam charitatem. Fuere Athenis Lacedæmone ac Romæ nonnulli ciues uitæ probitate, atque in rem publicam insignes pietate uiri: sed adeo pauci, ut multitudine obruti non multum rei patriæ profuerint. At maiores nostri, à quibus tam præclaram rempublicam accepimus, omnes ad unum consensere in studio patriæ rei formandæ, & amplificandæ, nulla propè priuati commodi & honoris habita ratione. Huiusce rei coniecturam facere quiuis facile poterit, minime inquam ambitiosos fuisse Venetos homines, sed patriæ commodo tantum

tum studuisse: quòd nulla, aut admodum pauca, antiquorum monumenta Venetijs extant, alioquin domi forisq; præclarissimorum hominum, & qui de republica bene meriti fuerint, non sepulchra, non equestres statuæ, non rostra nauium, aut uexilla ab hostibus direpta, ingentibus prælijs superatis. Vnum ex innumeris gētilis mei Andreae Contareni Ducis exemplum adferam. Genuensi bello grauissimo ac longe omnium periculossimo, cū dux hic nostræ reipublicæ præesset, incredibili sapientia animiq; magnitudine singulari rem patriam seruauit, hostesq; iam uictores maxima clade illata profligauit: omnesq; ad unum, aut trucidauit, aut captiuos fecit. conseruata patria, re aucta firmataq; republika diem extremum clausit, ac testamento cauit, ne eius sepulchro, quod ad hunc usque diem uisitur iuxta templum diuo Stephano dictum, ulla ducis insignia, ullæue gētis nostræ affigerent. quin neq; tam magni ducis nomen inscriptū ibidem uideas: quin eius modestia effectum est, ut uiri celeberrimi

berrimi illustrissimiq; principis monumentum pleriq; omnes ignorent. certissimum hoc reor ego argumentum esse, non ambitionis uentosaq; famæ maiores nostros studiosos fuisse, sed patriæ tantum bono, communiq; utilitati consuluisse. hac ergo incredibili uirtute animi, maiores nostri hanc rempublicam instituere, qualem post hominum memoriam nullam extitisse, si quis hanc nostram cum celeberrimis antiquorum cõferat, meridiana luce clarius intueor: quum adserere ausim, neque monumentis insignium philosophorum, qui pro animi uoto formas reipublicæ effinxere, tam recte formatam atque effectam ullam contineri. Quamobrem putaui ego exteris hominibus rem minime ingratam me facturum, si tam præclare reipublicæ institutionem literis mandarem, quum præsertim nullum h̄sce temporibus uideam, ex quamplurimis doctissimis uiris, qui multum ualent ingenio, eruditione rerum omnium, ac eloquentia, hanc rem literis illustrauisse. Cui licet nihil luminis ex oratione nostra

stra afferri posse certò sciam, per se ta-  
men est adeò illustris, ut nō tantum si-  
bi, uerum etiā orationi alioquin te-  
nui multum splēdoris & dignitatis sit  
allatura. Quamobrem cum de hac no-  
stra republica scribere instituerim, ut  
quilibet facile dignoscere queat, rectē  
ne an perperā se habeat, hinc mihi po-  
tissimū exordiū sumēdum reor. Ho-  
minē scilicet à natura ciuile animal ef-  
fectū esse, solum uerò nē dum rectē ui-  
uere, sed nec uiuere posse: id quod quo-  
tidiana necessitas ac uictus uestitusq;  
ratio planē ostēdit: ac ob eam causam,  
& à principio homines conuenisse in  
hanc ciuilem societate, ac deinde per-  
seuerasse, ut bene beateq; uiuerēt, hoc  
est, ut mutuo adiumento ac ópera sum-  
mum hominis bonum assequerentur,  
quoad fieri potest, donec mortalē hāc  
uitam degimus. Quamobrem etiā unī-  
uersa ratio ciuilis institutionis eò per-  
tinet, ut qua faciliōri uia id fieri queat,  
ciues faciat felicitis uitæ cōpotes. At fe-  
lix beataq; uita usu uirtutis præcipue  
contineri à summis philosophis perhi-  
betur

betur, quod etiam probant certissimis rationibus, & argumentis euidentissimis. Verum usus uirtutis & in muneribus bellicis elucet, & in functionibus pacis. Atqui quamuis laus bellica, totaq; militaris ratio tum necessaria sit ciuitatibus pro cōseruanda libertate, ac finibus tuendis, tum etiā dignitatis & splendoris plurimū habeat, nihilominus respuīt communis hominū sensus officia bellica, quibus cædes ac mortaliū detrimenta imprimis procurantur, esse per se expetenda, atq; ad ea cætera omnia ciuilia munera esse referenda, ac quidē crudelis ingenij, quin potius ab humanitate abhorrentis hominis esset, optare prælia, cædes, incēdia, hæc duntaxat de causa, ut in re militari clarus sit, adde etiā si libeat, ut summi imperatoris laudem cōsequatur. Quare omnes philosophi insignioris notæ in hanc sententiam cōsensere, bellum propter pacem expetendum esse, omnemq; functionē uirtutis militaris atq; uniuersam laudē bellicam ad pacis officia esse referendam. Quamobrē is rei  
publicæ

publicę institutor, qui laude dignus haberi, & ut dici solet, omne punctū tu-  
 lisse uideri uult, eam moderationē ad-  
 hibeat, ac eum ordinem tueatur, ut ad  
 uirtutem accommodata tota reipublicę  
 institutio uideatur: ad idq̃, ut ad pacis  
 functiones magis q̃ ad bellica munia  
 spectare existimetur, bellicis interim  
 & militaribus nō neglectis. Nam ple-  
 runq̃ & finibus tuendis & propagan-  
 dis (dummodo id sine iniuria fiat) ne-  
 cessaria est militaris uirtus. Cæterū ijs,  
 quæ diximus, constitutis, illud statim  
 in cōtrouersiam reuocari solet, guber-  
 nationi ciuitatis unus rectiusne, an pau-  
 ci præsideant, an potius uniuersa mul-  
 tudo: qualem pleriq̃ effingūt statum  
 illius, quæ proprie respublica uocari  
 debeat. At quidē egregie statutū, sapi-  
 enterq̃ dictum mihi uideri solet, homi-  
 num gubernationem perperam homi-  
 ni cuipiam demādari, sed diuinius ali-  
 quid esse oportere, cui officium istud  
 incūbat: quod cognosci facile potest ex  
 plerisq̃ generibus animantiū. gregem  
 enim ouīū ouis nō regit, nec equorum

aut bonum armētum bos equusūe ali-  
quis moderatur, sed animal longe exi-  
mīum tuetur, ac regit brutas animan-  
tes: homo inquam, qui quātum brutis  
antecellat, est omnibus compertissi-  
mum. Itaq; non diuersa ratione homi-  
nem moderari ac regere debet quippi-  
am homine prāstantius & diuinius, si  
ex animi sentētia res successura sit. Sed  
cum in mūdānis rebus, quæ sensu per-  
cipiuntur, inueniri minime possit me-  
lius ac prāstantius homine, ac homo ua-  
rium quoddam sit animal, & longe di-  
uersis partibus cōstet: inferiorib. quip-  
pe animi uiribus cum belluis commu-  
nionē habet, at supremis quodammo-  
do deos immortales attingit: id rectē  
inter homines gubernatoris atq; mo-  
deratoris locum tenere debet, quod est  
in homine diuinum. id uero omnium  
consensu est mens, diuini tanquā splē-  
doris radius quidā à natura insitus ho-  
minum animis. Nō ergo satis reipubli-  
cæ consultum erit, si gubernatio homi-  
ni committatur, quem brutæ illæ uires  
sæpe perturbant, atq; à recta semita re-  
uocant



uocant rationis, sed menti puræ ac motionum animi immuni, id munus conferendum est. Quamobrē diuino quodam consilio cum alia ratione id fieri nō posset, inuētis legibus hoc assequutum humanum genus uidetur, ut menti tantum ac rationi nullis perturbationibus obnoxia hoc regēdi hominum cœtus officium demādatur sit. Quod sanè deorum munus, nescio an ullo inferius existimari debeat, si quis accurate secum putet legum cōmoda. Primo nanq; in sanciendo, plurimi sapientes uiri conueniunt, qui multarum rerum experientia docti inuētis aliorum, exēplisq; ueterum collatis, tandem post diuturnam consultationem decernūt id quod optimum uisum fuerit; neq; odio tūc, aut amicitia, aliāue animi perturbatione à uirtute deduci possunt, quum nullius priuati causa agat in legibus constituendis, quemadmodū in forēsis iudicijs semper accidit. Post uero leges sancitas, si quis contra eas fecisseprehendat, isq; pœnas dederit, quas leges iusserint, iure nullum ha-

bere odio poterit. Proindeq; metuen-  
dum non erit, ne qua seditio aut simul-  
tas inter ciues contrahatur, maxima &  
periculosissima rerum publicarum la-  
bes. Contrà plerunq; in iudicijs homi-  
num, ni uí legum quispiam plectitur,  
discordiæ inimicitiaq; graues proueni-  
unt. Nam est propè impossibile quin  
male affecti in eum simus, qui nobis  
detrimentum attulerit, quo fit ut nesci-  
am an à natura omnium parente homi-  
num generi maius quippiã concessum  
fuerit hac legum inuentione, quæ etiam  
iure dijs immortalibus fuit ab antiqui-  
tate consecrata. quin quod magis mi-  
rum uideatur, Aristoteles philosopho-  
rum facile princeps in eo libello, quẽ  
De mundo ad Alexandrũ Macedonũ  
regem scripsit, nil aliud reperit, cui si-  
milem deũ optimũ faceret, præter anti-  
quam legem in ciuitate recte instituta:  
ut id propemodum tam magni philo-  
sophi sententia sit, deus in hac rerum u-  
niuersitate, quod antiqua lex in ciuili  
societate. Ac in libris in quibus de re-  
publica tractat, legẽ inquit esse mẽtem  
fine

sine appetitu; ac si diceret mentem puram, lucidam, nullis affectuum morbis infectā. ex quibus effici illud, quod superius diximus maxime opportunum atq; optimum esse, quilibet perspiciat homo etiam tardioris ingenij, ut scilicet diuinius quippiā homine coetus hominū moderet ac regat. Quod si huic gubernationis muneri præficiatur homo, quū rari admodum sint & prudentia & probitate præditi, hiq; plerunque ob affectuū animi uim cum in iudicando errent, tum maxime à recta animi sententia dimoueantur, nō sineurbatione magna, ingētiq; periculo res processura sit. quod etiam si fieri posset, ut hominem inueniremus, adeo sapientem atq; probum, atq; adeo propositi tenacem, ut nulla animi perturbatione ab officio reuocaret; utiq; hac conditione minime optandus esset pro legū principatu hominis dominatus, qui mortali fragiliq; natura præditus, diutius eo munere fungi nequiret, quum leges æternitatem (ut ita dixerim) æquare possint. Ex his iam persuasum

esse reor, summam imperij cōmendan-  
dam esse legibus non homini: q̃ pau-  
cissima uero, quando legibus compre-  
hendi non possunt, hominis arbitrio  
permittenda. Verum necesse est, ut cu-  
stos quispiā ac ueluti uicarius & mini-  
ster legibus constituatur, qui pro legis  
imperio rempublicā regat: & quoniā  
neq; legibus comprehendī quæcunq;  
possunt, quæ in iudiciū ueniūt, tum  
quæ cōsultanda sunt, arbiter sit huius-  
modi omnium. Rursusq; eadem cōtro-  
uersia redit, quæ ex legū sanctione so-  
luta esse alicui uideri potuisset an scili-  
cet unus melius, an pauci, an potius  
multitudo tuendis legibus, & his dñu  
dicandis ad quæ satis esse leges nō pos-  
sunt, præferenda sit. At quamuis mul-  
torum sententia regius dominatus a-  
lijs habeatur præstantior, crediderim  
tamen ego, tametsi unius principatus,  
qui uere regiam dignitatē ac iure me-  
rito uendicaret sibi, si res per se consi-  
deretur, optimus omnium est: nihilo-  
minus propter sapius in deteriorē par-  
tem labile ingenium hominis ac uitæ  
bre-

breuitatem optimū omnium statum  
minime esse sub regio principatu, sed  
multitudinis gubernationem ciuili so-  
cietati magis conuenire: quod experi-  
entia rerum omniū magistra luculen-  
ter docet. Nam nullum regium princi-  
patum apud ueteres extitisse unquam  
legimus, neq; nostra tempestate con-  
speximus, qui nō breui in tyrannidem  
lapsus sit. Cōtrā plurimas respublicas  
multis seculis perdurasse ac pace et bel-  
lo floruisse. At quidem multitudo om-  
nis gubernationi per se inepta est, nisi  
in unū quodam modo coalescat: quan-  
doquidē neq; multitudo ulla esse que-  
at, nisi unitate aliqua cōtineatur. Qua  
de re ciuilis quoq; societas dissipabit,  
quæ unitate quadam constat, nisi qua-  
piam ratione multitudo unum efficiat-  
tur. Quo fit ut præclari philosophi, qui  
de reipublicæ institutione præclare ac-  
curateq; scripserunt, temperādā rem  
publicam censeant ex optimatium &  
populari statu, eo adhibito tempera-  
mento, ut incommoda utriusq; guber-  
nationis uitentur, cōmoda uero com-

parentur. Quo circa rempublicam Lacedæmoniorū summopere laudant, in qua reges & Ephori effecerint mixtionem quandā, ut bene dignosci nequeat, sub quanam gubernationis specie fuerit ea respublica collocanda. Id tamen reprehendunt, quòd duntaxat ad belli munera instituta fuerit, nulla interim habita ratione officiorum pacis, atq; ocij: indeq; effectum esse, ut q̃ primum in ocio esse cœperunt, respublica illa insignis in deterius labi cœperit: quod etiā Romanis accidisse eadē propè causā cōpertum est, nec euenturum latuit præcipuos Romanos senatores, ex quibus Nasica censuit Carthaginem, tametsi Romani nominis emulam, quin potius inimicam sempiternam, minime diruendam esse: ut semper Romanus hostem haberet, cū quo agendum armis esset: ne inimico atq; æmulo sublato ea respublica instituta ad bellum iuuentusq; in armis educata in sese arma conuerteret. Quod Nasicæ consilium, quāuis à senatu tunc repudiatum fuerit contraq; eius sententiam

tlam decretum, rerum tamen ipsarum  
euentus prudentissimum fuisse osten-  
dit. nam euerfa Carthagine continuo  
ferè bella ciuilia exarsere, quibus tan-  
dem florētissima ac potentissima om-  
nium quæ unquam fuerunt respubli-  
ca concidit, ac demum in Barbarorum  
prædam cefsit opulentissima, seu po-  
tius rerum domina ciuitas. Sed ut ali-  
quādo ad institutum opus ueniamus,  
maiores nostri qui Venetam rempu-  
blicam instituerunt, mira quadā sapiē-  
tia atque egregia probitate præditi ex-  
titere, à quibus nihil prætermis-  
sum sit, quod facere uideri potuerit ad rectam  
reipublicæ institutionem. Primum  
namq; ad usum muneraq; uirtutis in-  
stituere omnem uitam functionemq;  
suorum ciuium, semperq; eis fuere po-  
tiora studia pacis quàm belli. Et in e-  
am curam incubuere, ne qua ratione  
concordia ciuilis solui posset, non ne-  
glectis interea officijs bellicis, his in-  
quàm quæ nostræ ciuitati maxime con-  
uenirent, nam is est urbis situs, qui ual-  
de idoneus sit maritimæ militiæ, terre-  
stri

stri uero satis ineptus. Neq; enim huic urbī aliquo pacto accommodari queunt, aut equitum turmæ, aut peditū acies, ut ex his quæ supra de urbis situ à nobis accurate descripto diximus, perspicue conijci potest. Enimuero hac in re temperiem adhibuere, eāq; mixtionem omnium statuum, qui recti sunt, ut hæc una respublica, & regium principatū & optimatiū gubernationē, & ciuile itē regimen referat; adeò ut omnium formas parī quodam libramēto commiscuisse uideant, quod clare ex operis processu liquebit. Verū ut tandem reipublicæ Venetæ institutionē aggrediamur, illi apud quos summa est totius ciuitatis authoritas, & ex cuius decretis ac legibus pendet tum senatus tum etiam omnium magistratuū authoritas, consilium illud est, in quo nobiles ciues omnes conueniunt, qui annum XXV. excessere, aut pleriq; alij qui nondum id ætatis habent quum tamen annum XX. peregerint, quod ius fortis beneficio adipiscuntur: de cuius rei uniuersa ratione inferius dicemus.

Nunc



Nunc à nobis eius ratio est explicanda, probe à maioribus nostris cautum fuisse ne plebs admitteretur ad cōuentum hunc ciuiū, in quo est summa potestas reipublicæ. Deinde non minore prudentia factam fuisse ciuiū hanc definitionē generis nobilitate potiusquā facultatum censu, quemadmodū fieri cōsueuerat in priscis rebus, uti plerique ueteres philosophi præcipiunt esse faciendum. Ciuitas namque ciuium societas est: nec tamen omnes hi homines, quib. indiget ciuitas, aut qui intra mœnia urbis habitāt, sunt habendi pro ciuib. neque iure in ciuiū numero sunt collocandi. Opificibus enim cuilibet ciuitati est opus, necnō mercenarijs plurimis, ac priuatis demum seruis, qui operam locāt: at nullus horum ciuis uere dici potest, nam ciuis liber est homo: hi uero omnes seruitutem seruiūt, uel priuatam, uel publicam. Mercenarij nāque & opifices omnes ueluti serui publici haberi debent. Etenim non dissimili modo à natura constitutum fuisse animal putandum est, ac ciuitatem ab homi

hominibus constitui oportere. In animante uero multæ sunt partes, quæ animatæ non sunt, illis tamen indiget animal, ut uiuat: sic in ciuium cœtu multis hominibus est opus, qui tamē minime partes ciuitatis aut esse aut haberi debeant, nec in ciuiū numero collocari. Quamobrē sapienter à maioribus nostris cautum est, ne uniuersus populus summā potestatem habeat in hac republica, quam longe optimam uoluerūt. Summa nāq; turbatio popularesq; tumultus frequenter concitantur in illis ciuitatibus, in quibus summa rerū est apud populum: quod etiam à quibusdam rebus publicis obseruatū fuisse legimus, & à nōnullis philosophis præceptū. hoc tamen recte se posse assequi arbitrati sunt, si ius hoc administrandæ reipublicæ definiretur censu atq; copia rei familiaris. Verum in maximas difficultates nec mediocria incōmoda incidere. nam frequenter euenit, ut infimæ plebis homines comparent sibi ingentes facultates: quippe qui plerunq; sordidis artibus ac officijs minime liberis

libus

libus dant operam augendæ rei causâ,  
neq; unquam sibi parcūt, quin potius  
genium fraudāt, ut opes accumulēt.  
Cōtra ingenui ciues ac liberaliter edu-  
cati pauperes fiunt, seu aduersa fortu-  
na (ut frequēter accidit) seu quòd libe-  
ralibus studijs addicti uniuersam hanc  
augendæ rei familiaris operā negligūt.  
quâ ratione fit ut sordidi homines, qui  
nil aliud sapiunt quàm lucrum, bona-  
rum uero artium expertes sunt, paula-  
tim rempublicā capeffant: ingenui ue-  
ro ac liberaliter educati opibus sensim  
deficientibus à iure ciuium decidant.  
Inde maximas seditiones oriri ac rem  
publicā turbari necessum est. Ideo ma-  
iores nostri sapientissimi homines, ne  
sua respublica quandoq; in has calami-  
tates incideret, hanc definitionem pu-  
blici iuris, generis nobilitate lōge me-  
lius fieri censuerunt, quàm magnitudi-  
ne census: ea tamen tēperatione, ne tã-  
tum supremæ nobilitatis uirī hoc ius  
haberēt (illud enim paucorū potentiæ  
fuiſſet, non reipublicæ) sed etiam qui-  
cunq; alij ciues non ignobiles. Itaque  
omnes

omnes qui aut genere nobiles extiterent, aut uirtute insignes, aut de republica bene meriti, principio hoc ius ciuitatis regēde adepti sunt. Quod si post eū primum conuentum aliqui extiterint, qui tum opibus, tum strennuis gestis rempublicam auxerint, nimirum illis omnibus ius administrandæ reipublicæ cōcessum fuit, quod & temporibus nostris uidimus. nam nonnulli etiam aduenę, externiq; homines in hunc numerū ciuiū asciti sunt, uel ob eam causam, quod nobilissimi, uel quod officiosi erga rempublicā fuerint, eāq; insigni quopiā facinore honestarint. Vniuersus ergo hic ciuium conuentus, seu (ut dicitur) magnum hoc cōsiliū penes quod summū totius reipublicæ ius est, à quo etiam senatus magistratuumq; omniū autoritas, in republica uicem refert popularis status. Dux uero qui præfinitum imperandī tēpus non habeat, sed dum uixerit, præsideat, regiam præ se fert potestatem, præsertim cum regiam speciem habeat, ac grauitatem dignitatemq; regis seruet. Reliqui

qui uero ciues regia ueneratione du-  
cem prosequuntur, omniaq; decreta &  
legēs, tum etiā publicæ literæ, sub du-  
cis nomīne prōdeunt. At senatus, & ui-  
ri, seniorumq; seu præconsultorū colle-  
gium, qui apud nos uulgo sapiētes so-  
lent dici, eorum inquā qui præconsu-  
lunt, ac de republica ad senatū referūt,  
ostendunt quandam optimatium spe-  
ciem. Quæ cū sint præcipue reipublice  
huius partes, antequā ad inferiores  
magistratus deueniamus, de ijs primo  
sigillatim dicendū est. Maius ergo con-  
siliū est, à quo uniuersa pendet respu-  
blica. Omnes ordinis patricij iuuenes,  
qui XX annū exegere, ad magistratū,  
qui uulgo Aduocatorius dicitur, acce-  
dunt: cui præcipue legū tutela deman-  
data est, coram quo constituti cū patre,  
aut matre, si pater decesserit: aut pro-  
ximiore generis cognato, si utroq; pa-  
rente orbatī fuerint, adhibitis duobus  
testibus honestis uiris probāt senatos  
ex eo parentē, quem patrem profiten-  
tur, non spurios, sed matrimonio, legi-  
bus, & ex matre honesta muliere na-

ros. Testes uero in hæc uerba iurant, si  
ibi id compertum esse ex omniū quos  
nouere attestatiōe, atq; ex omniū assen-  
su. Deinde pater seu mater uel consan-  
guineus genere proximus, si fuerit is  
iuuenis utroq; parēte orbatus, iureiu-  
rando asserit adolescentem X X. an-  
nos excessisse. Quæ quum rite à scribā  
magistratus illius in codicē fuerint re-  
lata, diem quartā mensis Decēbris ope-  
riuntur: eadēq; die omniū horum ado-  
lescentū nomina, qui nondū sortis be-  
neficio ius ciuis adepti sunt, & uigesi-  
mum annū excesserunt, in urnam cō-  
mittunt, & ad principē adferuntur: ibiq;  
corā consiliarijs constituit. Penes quā  
est & altera, in qua tot sunt pilulæ seu  
globuli, quot nomina in priori fuerint  
suis quæq; notata syngraphis. Pilularū  
quinta pars aurea est, reliquæ omnes ar-  
genteæ. Extrahit princeps ex priori ur-  
na nomē, mox & ex altera pilulā: quæ  
si aurea fuerit, iuuenis is cuius nomen  
exierat, cōfestim publicę potestatis ius  
habet, et in maius consiliū admittit: sin  
argētea, sorte decidit, ac in sequētis an-  
ni

ni sortem operitur, nisi eo tēporis spā-  
cio XXV. annū exegerit. nam quicunq;  
patricius ad id ætatis peruenerit, conti-  
nuo ius habet ciuis, publicæq; potesta-  
tis est particeps. Hac igit̃ ratione quin-  
ta pars candidatorū iuuenum quoquo  
anno recipitur ad ius suffragij ferendi  
cum alijs ciuibus. Quòd si accadat ut  
cuiuspiam patricij pater atq; auus, uel  
propterea quòd absentes fuerint, uel  
ob aliam causam nunquā hoc iure suf-  
fragij ferendi sint usi, eorumq; nomi-  
na nunquam fuerint relata in publi-  
cos codices, in quibus patriciorū om-  
nium nomina sunt descripta: ne qua  
fraus cōfici posset, néue quispiam de-  
gener furtim obrepat in hunc nobili-  
tatis cœtum, noluerunt arbitrio tantū  
Aduocatorij magistratus eam rem cō-  
stitui ac decerni: sed lege cautum est,  
ut hi referentibus Aduocatoribus ad  
XXXX uiros agnitionem patritiā pro-  
bent, atq; testibus & scripturis publi-  
cis: sicq; causa cognita disceptantibus  
quadraginta uiris decernitur, an ad or-  
dinem patriciū admittendus sit. Ne au-

tem quispiā impune tentare huiusmodi iudiciū audeat, itidem quicumq; referre de nobilitate sua uoluerit ad eos iudices, prius ad magistratum deferat quingentos aureos: qui in ararium referuntur, si ille deciderit à causa. Ea fuit maiorum nostrorum diligētia, ne qua labe nobilium hic cœtus inficeretur, qua de causa etiam illi ciues, qui uigessimūquintum annum exceſſerūt, non prius adipiscuntur ius suffragij ferendi, quàm coram Aduocatoribus cōstituti iureiurando patris seu matris aut proximioris consanguinei probauerint, se ad id ætatis aduenisse: ac duobus item testibus, se ex eo patricio genitos quem parentem profitentur, nō spurios nec matre pudenda. Postquam omnis ferè ratio à nobis exposita est, qua ciuib. ad ius publicę potestatis adiutus fiat, illud animaduertendum existimo, maiores nostros sensisse plurimū ad amicitiam & unionem ciuium conciliandam & conseruandam conferre, si sæpius in unum conuenirent: quare ueteri consuetudine inoleuit mos ille, ut octa



ut octauo ferè quolibet die, interdum  
 etiam frequentius, cōsiliū magnum  
 cogeretur. Huius præcipuum munus  
 est, ut omnes magistratus creet, tū eos,  
 qui in urbe ius dicunt & alijs reipubli-  
 cæ muneribus funguntur, Senatum  
 quoq; & X uiros, tum etiam prætores,  
 præfectos, quæstoresq; oppidorū atq;  
 urbium quæ in societatem Veneti im-  
 perij sunt ascitæ, necnon custodes arci-  
 um, classis imperatorem, legatos, item  
 classis triremium præsides, ac demum  
 (ut uno complectar uerbo) quoscunq;  
 qui domi uel foris ius habeāt publicæ  
 potestatis. Leges item omnes quæ ad  
 constitutionem reipublicæ pertinent,  
 huius consilij authoritate sanciantur,  
 quod præcipue fieri consuevit tempo-  
 re interregni, cum scilicet mortuo du-  
 ce nondum alius ei suffectus sit, sed in-  
 ferius de interregno. Nunc omnis co-  
 mitiorum habendorum ratio à nobis  
 exponetur. Circa meridiem, quibusq;  
 ferè diebus festis cōsiliū hoc agitur,  
 sub amplo spaciosoque tecto, quod lice-  
 at appellare comitiū, in eo X sunt sedi-

lia lōgissīma, utpote quæ longitudinē  
comitij pene æquent. ciues omnes ut  
quisq; eō loci peruenerit, sessum eunt,  
ut cuiq; libuerit. nulli nanque statutus  
est locus, præterquam quibusdam ma-  
gistratibus, qui comitijs præsunt. ij ue-  
ro sunt dux, consiliarij, & XXXX uiro-  
rum præsides tres, qui in clariore sug-  
gestu sedent, atq; soli ius habent refe-  
rendi ad magnum consilium. Post hos  
in medijs ferè subsellijs, quæ paulo ela-  
tiora sunt ad parietes comitij posita,  
certis statutisq; sedibus, Aduocatores  
sedent, tresq; X uirūm præsides, ac de-  
num q̃ longissime à suggestu Ducis  
sunt subsellia Auditorū ueterum, ac re-  
centiū, de quibus omnibus magistrati-  
bus à nobis infrà dicet̃. cæteri uero ci-  
ues omnes (ut dicebā) promiscue pro  
animi arbitrio fedēt. statuta deinde ho-  
ra fores comitij clauduntur, ferunturq;  
clauēs ad suggestum principis, & ad e-  
ius pedes locātur. tunc scriba primus,  
qui honos est non patriciorum, maxi-  
mæ tamen dignitatis, assurgit, atq; ela-  
tiorē loco cōstitutus uoce magna pro-  
nun-

nūnciat magistratus, pro quibus sunt  
 eo die habenda comitia. pronuntiatis  
 magistratibus, cōtinuo ex eo loco con-  
 fert se ad suggestū in quo est princeps,  
 altaq; uoce citat magistratus, præsides  
 comitiorū quos supra memorauimus,  
 ut ad principē & cōsiliarios accedant.  
 iussi confestim accedunt, ibiq; iureiu-  
 rando interposito pollicentur operam  
 se duros, ut leges comitiorū seruen-  
 tur, non pronuntiuros ciuem eum,  
 qui contra decreta aliquid egerit, sed  
 pœna legibus cōstituta punituros. His  
 peractis ad sua quisq; loca reuertitur,  
 præter unum ex Aduocatoribus, ac u-  
 num ex præfectis X uirū, qui ad ex-  
 tremam partē atrij se conferunt aduer-  
 sam principis suggesto, ibiq; destinatis  
 sedibus confident. reliqui uero Aduo-  
 catores in dextro latere comitij, duo  
 uero reliqui X uirū præsides sinistro  
 latere e regione Aduocatorum se item  
 locant. Cōsimili ratione ueteres & re-  
 centes extremo loco comitij, quē dici-  
 mus lōgissime distare à suggestu prin-  
 cipis, oppositis lateribus confident,

dextro inquā ac sinistro; ut huiusmodi magistratum uniuerso ciuiū consilio omni ex parte oppositi custodes esse uideantur, ne quis impune quippiam agere possit, contra leges & comitiorum decreta. Magistratibus hūc in modum dispositis tres urnæ iuxta principis suggestum sarciantur, in quibus conduntur globuli aurei argenteiq; hocq; modo dispositæ, ut in medio suggestu una, ex utroq; latere itidē una, in quarum utraq; XXX. tantum sunt globuli aurei, innumeri uero argentei. ast in mediā urna LX. tantum globuli conduntur, quorum triginta sex aurei, argentei uero uiginti quatuor: suntq; aurei omnes globuli, certis literarum notis inscripti, quas singulis comitijs sorte educunt, ne qua posset subesse fraus. Locatis urnis tres consiliarij iuniores ceteris è suis sedibus surgunt, ac ad extremam partē suggestus iuxta tres urnas sessum eūt, ea ratione ut singuli singulis consiliarijs absideant. ijs ita actis & dispositis sortes ducuntur, ac is ordo ciuium, cuius fors exierit, consurgit ex utroq;

utroq; comitij latere. Per atrium nanq;  
q̃ longum est, decē sunt sedilium ordi-  
nes dispositi, in quibus pro cuiusq; ar-  
bitrio cōsidere ciues suprà diximus, u-  
naq; tantū fors duobus ordinibus in-  
seruit, his scilicet qui ex utroque latere  
comitij sibi respōdent. is itaq; ordo cu-  
ius fors exierit, magna præconis uoce  
citāt, & ex utroq; latere comitij, eo eti-  
am ordine quo sorti libuerit, consurgi-  
tur: ciuesq; eo quo sederint ordine, ad  
eas se urnas conferūt, quibus iuxta sug-  
gestum principis cōstitutis consiliarij  
assident: ac manu imposita quisq; glo-  
bulum unū educit: qui si argenteus sit,  
diuerso itinere ad sedile, unde surrexe-  
rat, reuertitur. at qui aureum eduxerit,  
confestim cōsiliario, qui urnæ illi præ-  
est, conspiciendum tradit: ille diligen-  
ter notā agnoscit. illa notæ inscriptio  
ea ratione est inuenta, ne quisquā affer-  
re domo secum possit aureum, quem  
manu furtim impositum uideretur ex  
urna eduxisse, sicq; per fraudē elector  
fieret. Is ergo cui fors aurei obtigerit  
continuo ad mediam urnam se cōfert,

indeq; globulum extrahit, qui si argenteus fuerit, inops uoti ad suum ordinē reuertit; sin uero aureus fuerit, suggestum ascendit, ac è regione principis destinato loco sessum it. secundus qui eadem sorte usus fuerit, eodem etiā se recipit, ac item tertius: sicq; deinceps ceteri, quousq; nouem fuerint qui optimum electorum ordinem complent, ac ita eo in ordine disponuntur, ut solius ætatis ratio habeat, præterea nullius rei. Hoc loco institutum illud minime prætereūdum est, illos qui sortis beneficio electores sunt facti, statim alta uoce à scriba pronunciarī solere, adeo ut omnes audiant: neq; amplius facultatem esse cuipiam eius consanguineo, aut affini arcta necessitudine iuncto tentandi sortem, qua elector fieri queat: neq; etiā pluribus q̃ duobus gentilibus aditus patet ad ordines electorum. quod summa prudentia maiores nostri instituere, ut scilicet ad plures agnationes ac familias hoc munus eligēdi perueniat, publicumq; hoc beneficium latius pateat inter ciues: satis enim

enim esse debet, si ex una familia fors duobus contingat, qua publicæ auctoritatis compotes efficiantur. Sed eò reuertat̃, unde nostra diuertit oratio. primus hic ordo electorius euestigio ut cõpletus fuerit, comitio egreditur, simulq; nouẽ illi se in certũ conclaue recipiũt. Hic scriba unus à secretis reipublicæ adest; primum electoribus nunciat ea quæ legibus præscripta sunt, & quæ in magistratibus eligendis seruari debeant. legunt̃ item senatusconsulta, quibus cauẽt̃, ne pecunia corrupti electores, seu quapiã mala arte & fraude eligant, uel, ut rectius dixerim, nuncupẽt eos, qui cõpetitores futuri sunt, ac consiliũ proponendĩ iudicio disponuntur. Deinde nouem illi electores, prout cuiusq; ætas fuerit, seniores scilicet digniori loco ac patrio sedent. nullum nanq; aliud discrimen præterquã ætatis inter ciues Veneti esse uolunt, quod nullius simultatis causa fuerit: neq; à summis philosophis, Aristotele inquã in Politicis, & Zenone in Cyri Persarum regis institutione opere longe

ge celeberrimo est prætermiſſum. Electoribus eo ordine diſpoſitis, nouem item globuli in urnam conijciuntur, numeris quiſq; notati, ab uno ad nouenarium. In pagina uero paululum longiore inſcripti ſunt magiſtratus, quorum habent comitia ſuo ordine. Maximus natu electorum, ex urna ſortem educit, numerus ſorti inſcriptus inſpicit, ac quotus fuerit numero deſcriptus, pronũciandi quem uoluerit ciuem ius habet. Idem contingit ſecundo, idem tertio, & ſic de cæteris, ut ſcilicet ducta ſorte quiſq; electorum priuati ac proprii magiſtratus beneficio & arbitrio ſortis ſit pronunciator effectus. Poſtmodum is, cui primi magiſtratus ſors obtigerit, eum ciuem pronũciat quem uoluerit. Itur in ſuffragia à nouem electoribus, ſi ſex ſuffragia uel plura tulerit electus ab eo electorum ordine, in eo magiſtratu renunciatur, ac eius nomen in pagina ea oblonga inſcribitur, in qua magiſtratus omnes, quorum habentur comitia, ſunt inſcripti, q̃ ſi pauciora quàm ſex ſuffragia tulerit, quod rarissi-



rarissime euenit, iterū alius ab eodem electore proponitur. Ad eādem rationem res deinde peragitur, & sic deinceps quousq; aliquis proponatur, qui approbetur sex electorū iudicio. Idem eligēdi modus in secūdo, tertio, omnibusq; alijs seruatur, quoad ille electorum ordo in singulos magistratus singulos ciues elegerit. Interim uero dum hæc in conclauī aguntur, reliqui ciues ordinem fortiū in comitio cœptū non intermittūt, sed ad urnas se conferunt, prout cuiq; ordinī fors contingit: deinde globulos educūt, donec nouem alij sortem utranq; auream ex urna extraxerint. & hi complent secundum electorum ordinem, qui habita (ut dictum est) ætatis ratione, & ipsi in conclaue destinatum seorsum secedunt: quo in loco adest & alius scriba à secretis, qui ratiōe in nullo dispari à priore, tum decreta ac senatusconsultum quæ seruanda illis sunt, recitat palām, tum suo quemq; loco collocat: pagināq; deferit eisdem magistratibus, eademq; serie, qua prior illa, quā in conclauī primi

mi electorū ordinis delatam fuisse suprà diximus. Itidem sortes ab electoribus educuntur: ut quisq; suam educit, à singulis pronunciantur ciues singuli in magistratibus quorū comitia fiunt, prout cuiusq; electoris fors tulerit. ac eodem ferme modo post hos tertij nouem eadem ratione tertium ordinem complentes, in priuatum quoq; cōclauē secedunt, in quo eadem adamussim obseruantur. Sic etiam quartij nouē in suum, atq; hoc pacto explent numerū triginta sex ciuium, totidem nanq; fuerant globuli aurei in urna medio suggestu constituta. Quamobrem ex sexaginta ciuibz quibus ex primis urnis sexaginta pilulæ aureæ contigere, triginta sex electores fiunt, in quatuor classes distributi: quatuor uero & uiginti, qui ex mediâ urna globulos argenteos eduxerūt, spe frustrati rediguntur in ordinem. Nō me latet, perquam arduum esse minuta hæc à ueterū Romanorum usu longe remota literis illustrare, sed potius inepti culpam mihi censeo subeundam, quàm parum diligentis

gentis. ideo quæcūq; etiā minutiora  
 accūrate sanē à nobis memorabuntur,  
 adeò ut nihil ampliùs etiā ab homi-  
 ne diligenti desiderari queat. Nunc re-  
 uertamur unde digressa est oratio. Cū  
 ergo in quolibet magistratu, cuius eo  
 die habent comitia, à classibus quatu-  
 or electorū quatuor item ciues electi  
 sunt, à singulis inquā singuli: nisi forte  
 contingat unum aliquē à duobus aut  
 tribus ordinibus electorum renuncia-  
 ri, quod interdū accidit, sed plerūq; cu-  
 iusq; magistratus quatuor fiunt cōpe-  
 titores: in nonnullis tamen parux di-  
 gnitatis ac inferioris notæ magistrati-  
 bus duo tantum fiunt competitores:  
 duæ nanq; priores electorū classes ius  
 habēt eligendi, ac pronunciandi com-  
 petitores, in illis minoribus magistrati-  
 bus, cū posteriores classes eo iure sint  
 priuatae. postquam magistratum om-  
 nium competitores electi fuerint, ea-  
 quam supra exposuimus ratione, con-  
 festim electores dimittuntur, neq; suf-  
 fragari ea die cuiuspiam possunt, nec etiā  
 comitijs interesse, ac scriba magnus  
 qui

qui (ut dixi) patricius honos non est, maxime æstimationis, ex suggestu magna uoce pronūciat competitores primi magistratus : ac sigillatim recitat, quis, & quo electorum ordine electus sit, necnon quo electorum authore, & in quo ordine unusquisque competitorum electorū fuerint. Quo mihi in loco illud nequaquam prætereundū existimo, legibus sancitū esse, ut elector ille, quo auctore quisque competitorum pronuntiatus ac electus sit, ueluti fidei iussor eius habeatur; ut si contingat pronuntiatum ciuem superatis competitoribus uoti compotem magistratum eum adipisci quē petebat, ac in eo magistratu pecuniæ publicę quippiam auerterit, ac damnatus fuerit peculatus, nec soluendo sit, is elector, quo autore pronuntiatus est, in ærarios referatur. Competitoribus igitur elata uoce à magno scriba pronūciatis, primi magistratus continuo pronuntiati, si adfuerint, cū gentilibus quisque suis ac maxime nece<sup>arijs</sup> cognatis e comitio egrediūtur, & in cōclauē destinatum se

confe

conferunt, ibiq; operiuntur donec illius magistratus habeant comitia. Post id item magnus scriba oēs admonet, diuinis atq; humanis legib. unūquemq; teneri, ut ei suffragetur, qui omnium optimus ac reipublicæ utilissimus fore videatur: deinde primum competitorem nominat, à primo scilicet electorū ordine electum, pro quo in suffragia eundum sit. cōtinuo iuuenes tot exurgūt, ut unicuiq; sedilium ordini bini inseruiant. Hi urnas quasdam manibus gestant, miro artificio coagmentatas: exterior pars est uiridis, interior alba, unico fornice superius tectę: in quem cum manum inieceris, liceat tibi in utrū uolueris suffragiū dimittere: cum tamen nullus, etiam si adsit ac diligenter inspicat, dignoscere queat in utram urnam suffragiū siue calculum ieceris. nec fabis suffragantur, sed pilulis quibusdam linteis, ne qua ratione ex sono, quę cadentes in urnā fabæ facturæ erant, dignosci possit, in utram urnam calculus sit iactus. nam maiores nostri maxime reipublicæ interesse existimauere, si li-

d      bera

bera iudicia fierent: idcircoq; summam operam dedere, ut suffragia quàm occultissima essent. Iuuenes ergo illi cum suis quisq; urnis inuicem coagmentatis ad sedile concedunt, ac cuiq; ciuium eo quo sederunt ordine, urnas offerunt. quilibet uero ciuis palàm ostenso calculo manum in fornicem imponit, ac in utram uoluerit urnam eum dimittit: si suffragari uelit, in interiorem albam: si uero refragari, in exteriorem uiridem. simul in unoquoq; sediliū hac ratione eo quo diximus modo in suffragia itur. Quo fit ut breuī admodū temporis spatio ab uniuerso conuentu ciuium suffragatum sit. tunc urnæ deferuntur ad suggestum principis, ibiq; collecta suffragia effunduntur in duo uasa patula, ea uidelicet quæ fuerunt in urnis albis, in uas candidū. at quæ in uiridibus urnis collecta sunt suffragia, itidem in uiride uas coniiciuntur. Deinde ad consiliarios numeranda deferuntur, inter quos medius sedet princeps. candidi uasis suffragia competitori fauentia ab eis consiliarijs numerantur, qui

qui dextro principis latere assident. At collecta in uase uiridi, quæ scilicet re-fragant, ab his qui ad læuam principis federint, recognoscuntur. scribæ publici consiliarijs adstant, statimq; scriptis mandant numerata suffragia. Interea dum primi suffragia recensentur, eadem fermè ratione pro secundo in suffragia itur, qui à secunda electorū classe fuerit electus. deferunt itidem suffragia ad consiliarios. numerant illi, ac numerum scribæ mandant in scriptis. sic pro tertio ac demum pro quarto si tot fuerint competitores, ad suffragia itur. Numeratis suffragijs, is qui plurima tulerit, dummodo dimidia excedant, pronuntiatur electus à magno scriba, quū peractis omnium magistratuum comitijs consilium dimittendum est. Sin autem eius magistratus competitorū nullus plura suffragia quàm dimidia omnium tulerit, præteriti hi omnes habentur, differturq; electio ad altera comitia. Post primi magistratus comitia peracta pronunciant nomina electorum in secundo; recedunt è concilio cōpetito

res cum gentilibus ac cognatis. At illi qui conclusi erant, primorum scilicet gentiles atq; cognati, in comitium recedunt. Eadem ratione in nullo dispari à priori, eodem ordine itur in suffragia pro secundi huiusce magistratus competitoribus. ac item numerantur à consiliarijs. is electus habetur qui suffragijs alios superauit, dummodo plura dimidijs sint. sic pro tertio, item deinceps pro quarto, hoc demum in omnibus alijs magistratibus seruatur. Post completa comitia electorum nomina magna uoce pronunciant à scriba magno, postea dimittitur consilium: non tamen ultra solis occasum protrahi comitia queunt. Quòd si ea solis occasus interceperit, statim renunciatur, qui ad eam horam fuerint electi: eorū, qui restant, nulla ratio haberi potest. Itaq; beneficio, quod eis cum sors, tum electorum classes attulerant, spe frustrati minime frui queunt. fuitq; hoc summa ratione decretum. nam facile admodū esset, si res in noctem protraheretur, ne tam magna ciuiū multitudo à magistratibus



tibus, qui comitijs præfecti sunt, in officio cōtineri possit, quin tenebris fauentibus aliquid contra leges agant. iccirco maiores nostri sapientissimi uiri, qui eximia prudentia & animi solertia omnia prospexisse uidentur, statuere ultra solis occasum comitia protrahi nō posse, neq; aliquo pacto lucernā ullam in atriū illud inferri, dum comitia habentur. Hæc est omnis comitiorū ratio, in qua minime est prætereundum, ita inter ciues distribui magistratus, ut tamē duo eiusdem gentis, aut etiam consanguinei maxime necessarij in eodē magistratu esse non possint. Quemadmodum neq; iisdem comitijs duo gentiles, aut agnati maxime necessarij, sortis beneficio electores esse nequeunt, ut supra ostendimus, quod summa quidem ratione statutum est, ut scilicet ius publicę potestatis ad plures pertineat, nō autem ad paucos contrahatur necessarios. nam hi potestatem adepti facile possent aliquid moliri, ac rempublicā turbare. præterea quum plurimi expertes fuerint honorum, necesse etiam est, ut

hi plurimī eam rempublicam oderint, ac rebus nouis studeāt. Eam uero rem publicā diutius consistere ferē impossibile est, quam multi ciuū nolunt. adde quòd propriū reipublicæ est, publicam potestatem ad plures pertinere: idq̃ æquisimū sit, ut consimiles inter se ciues, ex quibus respublica consistare solet, non dispares sint in honoribus consequendis. paucorum uero statum, quem Græci ὀλιγαρχίαν dicunt, facile constituunt, qui ius publicū contrahunt ad paucos necessarios. Quamobrem in republica Veneta ita magistratus inter ciues distribuunt, ut quoad fieri possit omnes familiæ agnationesq̃ honorū sint participes: ea tamen ratione, ut non quīuis, sed hi tantū uiri qui & probitate & prudentia excellūt, rempublicam administrant, ac muneribus publicis fungantur. Prior illa institutio populare quiddā sapit: altera uero optimatum gubernationē. quare luce clarius intueri licet, omnes rectas gubernationes ciuitatū in hac una republica esse cōmistas. nam quamuis hoc  
magnum

magnum cōsiliū speciem quandam  
 referat popularis status, nihilominus  
 in eo perspicitur cōmixtam esse ratio-  
 nem optimatiū gubernationis cum po-  
 pulari. nam sorte eligi magistratus po-  
 pulare est, in eo etenim statu ciuitatis  
 iustum atq; æquum æqualitate Arith-  
 metica metiuntur: ac reputant, quum  
 unusquisq; populi unus sit ciuis, & li-  
 ber, ac paribus paria debeantur, unum  
 quenq; ex populo pari iure ac commo-  
 do frui debere in republica, ut magi-  
 stratus cōsequi possit. & quum omnes  
 simul nequeāt imperare, sed per uices,  
 existimant æquam hanc esse diffinitio-  
 nem, inter ciues sorte fieri debere, ut hi  
 imperent, quibus fors fauerit. Contrā  
 in paucorum potentia, quæ aberrat à  
 republica optimatiū, arbitrantium æ-  
 quum, cū imparibus imparia debean-  
 tur, diuitesq; superēt alios ciues copia  
 rei familiaris, eis quoq; supremos ho-  
 nores deberi. In qua existimatione u-  
 trique longe à uera ratione recedunt,  
 licet uerisimili nitantur. nam quod in-  
 quiunt, paribus paria, aut imparibus

imparia deberi recte statuunt. In eo uero quod paritatē priores numero tantum, ac posteriores imparitatem solum diuitijs metiantur, hi nimirum utriq; egregie fallunt. Etenim qui numero pares sunt, aliqua in parte pares sunt, nō omnino pares. Et qui diuitijs impares, non omnino impares cēsendi sunt, sed aliqua tantū ratione impares. Verum cum ciuilis societas ad bene uiuendū sit instituta, uirtus sola discrimen hoc efficit. his ergo qui uirtute præstant, tanquam imparibus ac potioribus supremi etiam honores in republica debentur: æqualibus uero uirtute ac ciuili industria, æquales etiā honores. hic modus, hæc norma optimatum est. Si cuti ergo populare est, uti sorte in electoribus constituendis: ita est optimatum, ut is qui uirtute præstare iudicio cōsiliij existimatus fuerit, potior habeatur, ac reliqui repulsam ferant, qui indigniores habiti sint. Qua ex re facile perspici reor, in hac comitiorū habendorum ratione cōmixtam esse cum populari specie optimatum formā: eo tamen

men temperamento, ut id quod est optimatum superet rationē popularem: nam fors in electoribus tantum constituendis dominatur: cuius potestatis nequam etiam homines reipublicæ absque detrimento cōpotes esse queunt, parque ius habere cum optimis ciuibus, at in adipiscendis honoribus nil sortis est, totum in electione & existimatione positum est. Quo in loco non omittendum censeo illud institutū, in comitijs magistratum, qui exigunt uiros præcipua quadam bonitate ac solertia præditos, quatuor ordinibus electorum, de quibus supra memini, senatum uelut quintum ordinem explere. nam dum ordines illi in conclauius ad hoc munus destinatis eos pronuntiāt, quos uoluerint cōpetitores, si fiant comitia cuiuspiam horum, quos dixi, magistratuū, cogitur senatus in minus atrium: ibique unicuique senatori licet eum quem uoluerit in certis illis magistratibus nominare, pro quibus in suffragia itur. at is qui plura attulerit, pronuntiatur electus senatus scrutinio, fitque quintus cō-

d    §    petitor

petitor. quamobrem euidentissimum est, præstantiorem esse in nostra republica legem reipublicæ optimatium, ea quæ est popularis status. Cæterum huiusmodi comitiorum modus ac ratio satis hæcenus diligenter à nobis exposita est. Accedamus ad eam reipublicę partem, quæ ueluti in fidibus ad constituendam *σταπασδυ* consonantiã uox grauis acutæ proportionem quadam respondet, sic etiam specie quadam regia parti populari respõdeat, ac demum in unum concentum optimæ reipublicæ iniectis medijs magistratibus coalescat.

Libri primi finis.

## CASPARIS CON

TARENI PATRICII VENE-

ti, De magistratibus, & repub/  
lica Venetorum, liber  
secundus.

N

VLLVS est, qui ig/  
noret principē in  
urbe Veneta per/  
sonam regis ac spe/  
ciem regiæ guber/  
nationis præ se fer  
re. ideo non absq̃

ratione postquam is à nobis conven-  
tus civium est descriptus, qui populi  
formam habeat, & si non satis pro rei  
ipsius dignitate, pro tenuitate tamē no-  
stra non indiligenter: nunc à nobis ag-  
grediendum est, qua ratione ducti ma-  
iores optimi atq̃ sapiētissimi homines  
principem unum reipublicæ præesse  
uoluerunt: necnon etiam dicendum,  
quibus temporibus ac qualis fuerit hu-  
ius principis præficiendi origo. Nemi-  
nē puto latere, id quod à nobis sæpius  
hoc

hoc opusculo est repetendū, ciuitatem  
ciuilem quandam societatem esse, quæ  
per se sufficiat ad bene beateq; uiuen-  
dum. Omnem uero societatem unitate  
quadam contineri, quis ambigat? con-  
trà autē distractione dissolui. Quo effe-  
ctum est, ut discordia ciuiliq; dissidio,  
maximæ & opulētissimæ ciuitates bre-  
ui corruerint, funditusq; euersæ sint.  
unitas uero commodè contineri non  
potest, nisi ab uno, qui multitudinī ci-  
uium ac uniuersis magistratibus, qui-  
bus priuatae quædam functiones sint  
demandatæ, præsit, atq; multitudinem  
quodammodo diffluentem colligat, ac  
in unū conciliet. quod philosophi sum-  
mi ac præcipui naturæ indagatores, cū  
in uniuersi constitutione, tum etiam in  
microcosmo, id est animali, animadu-  
ertere. Nam prospexerunt in hac rerum  
uniuersitate multos ac diffformes, pro-  
ut scilicet uniuscuiusque natura fert,  
motus ab uno, cœlesti inquam, contine-  
ri, ac diuturno; omnes etiam causas ab  
una prima omnium causa; demum in u-  
no animali plurima ac lōge diuersa mē-  
bra



bra, quorum functiones uariæ difformesq; sint: una tamen anima & unico membro, corde scilicet, comprehendī, atq; in unitatem quandam colligi. parī propemodum ratione nī multitudo ciuū ita fuerit legibus instituta, ut unū quempīam præsīdem uelit, cui bonum commune omnium ac unionis ciuīlis cōseruandæ cura præcipue incumbat, quò uniuscuiusq; ciuis tum priuati tum magistratu fungentis actiones tanquā ad ultimum finem & præcipuum finem referri debent: nimirum diutius nō potest cōseruari, sed in diuersas partes distracta decidet. quod ut nullius ciuis culpa aut iniuria contingat, ex singulorum quīdem sedulitate circa propriū priuatūq; munus accidere necessarium erit, quum cōmune bonum nulli præcipue sit mandatū. Cape rei frumentariæ præfectos, hī potissimum in hanc curam incumbent, ut eorum opera magna frumenti copia ex omnibus partibus inuehatur in urbem, sitq; tritici annona uilis. At hoc fortasse publicis uectigalib. officiet. Naualis quoque

que rei præsidēs, quod pulcherrimum habemus, non dissimili ratione maxime studebunt, ut quamplurimas triremes edificent, omnibusq; bellicis & nauticis instrumentis exornēt egregie, atq; pecunias publicas undiq; coactas in eum usum expendant: ex qua forsitan sedulitate reliqui redditus publici, & reficiendis arcium & oppidorum mœnibus & custodibus regionum satis esse non poterūt. quamobrem solutis compagibus respublica distracta dilabitur, non culpa, sed studio civiū, dum quisq; perquam egregie munus suum obire studet. quod si hīsce incommodis effici videtur, ut operæ precium sit boni cōmunis curam alicui præcipue demandare, cuius officium nullum priuatum sit, sed solum moderetur & dirigat cuiusq; functionem ad cōmune bonum, & ad reipublicæ unionem: pluribus æquè hoc negotiū cōmitti non reor esse ciuitatis esse. Etenim id quod pariter plures curant, omnes pariter negligūt (quod inquit Aristoteles) dū nūlli præ alijs fraudi dari potest, si quid perperam

peram agatur : ut interim omittā æmulationem ac similtates, quæ inter pares plerunq; esse solent. sin uero unus huic rei præficiatur, qui temporaneum hunc magistratū gerat, ut puta annuū aut semestrem, non autem quoad uixerit : hic nimirum bene secum agi putabit, si tantisper respublica feliciter agat, donec defunctus fuerit magistratu, securus quid postmodum sit euenturum, ac quo res casura sit. Quare cōtingit, ut male plerunque res cedat. Id quod certissimo experimento comper tum esse potest, à plerisq; rebus publicis sumpto, quæ hoc gubernationis genere nostris temporibus usæ sunt. Ideo à nostra ciuitate sapientissime institutum fuit, ut in hac republica constitueretur quædam species regiæ gubernationis, adeo legibus temperata, ut quouis incōmodo ac periculo, quæ reipublicæ imminere possent, amotis, utilitate uero & cōmodo, quod regia gubernatio habere solet accito, nihil relictū esse uideretur, quod sit desiderandum, ac simul rempublicam liberrimam, &  
regem

regem præsidem haberemus. Vnus ergo princeps eligitur, qui etiam habeat ducis nomen. is quoad uixerit, reipublicæ præest, præcipue curam boni cõmunis habet, quo maxime ciuitates cõtineri superius à nobis efficaci ratione probatũ esse reor. Huius nulla est priuata functio, nulla etiã est in uniuersa republica, cuius expers esse debeat. hic cum unumquenq; priuatũ, tum etiam quoscunq; magistratus ita debet in officio continere, atq; ea ratione moderari, ut ueluti quadam harmonia omnia consonent cõmuni bono, atq; ad unionem ciuilem referantur: ne qua scilicet functio siue nimia sedulitate magis quàm opus sit intenta, aut negligentia remissa utilitati communi officiat, hoc igitur est principis munus, ut tanquam in quadam reipublicæ specula positus conspicietur, quid unusquisq; rerum agat, eorum præsertim qui fuerint præditi publica authoritate: ac si quem perspiciat qui officio suo desit, accersitum coram uniuerso collegio uerbis primũ castiget, ac si res ita tulerit, adhibitis

Aduo-

Aduocatoribus, seu Xuirûm præfectis, mandet culpâ eius dignosci, ac de consilij sententia puniri. Ipse quoque dux si uelit, cû Aduocatoris tum præfecti Xuirûm autoritate uti potest, atque de cuiusque crimine & de mulcta infligenda ad consilium referre. Id quod more fieri soleat, infra docebimus, quum de iudicijs criminum agemus. Eam enim princeps obtinet potestatem, ut in quo uis ciuium collegio sese adiungere collegam magistratui præsidî, parque cum alijs præfectis ius habeat: ut hac potissimum ratione omnibus cõsulere queat, uerû potestas hæc adeo est legibus contracta, ut nihil solus possit, alijs magistratibus adiunctis non amplius auctoritatis obtineat, quàm qui uis unus eorum, qui eo magistratu fungunt. Quin etiam magistratuû ius adeo modicum est, ut nullus tametsi summus quidquã statuere possit, quod alicuius momenti haberi debeat, nisi de consilij sententia. sed de his suo loco luculenter dicitur. In quo uis præterea consilio princeps tanquam illorum unus unus tantum

tum suffragij ius habet. in magno item consilio in conuentu omnium ciuium dum comitia magistratuum fiunt, neq; gentili, neq; consanguineo competitori suffragari potest, uerū eodem pariq; iure cum omnibus utitur. Ex his igitur puto quemcunq; facile intellecturum, Venetorū principi omnem ademptam esse facultatem principatu abutendi, & pro tyranno se gerendi. Quæ res diuturna, quin potius uetustissima cōsuetudine, uel à primis originibus urbis adhæc usq; tempora perducta adeo inoleuit, ac cōfirmata est, ut nihil minus urbi Venetæ timendum sit, quàm principem reipublicæ libertati ullum unq; negocium faceßere posse. Verū enim uero cum maximos labores ac ingentem sollicitudinem animi absq; mercede ulla uniuerſi reiecturi essent, potestatis dispendiū principi repensum est adhibitis honore, dignitate, ac specie regia. Nā ornatūs corporis regius est, purpurea enim ueste aut aurea semper utitur. Capite gestat uelamen linteum pro regio Diademate, supra quod & gestat

gestat capitium purpureum limbo aureo ornatum, cuius pars quæ occiputi tegit, in cornu formam assurgit. sedem in suggestu habet ueluti regiam. omnes ciues cū priuati tum magistratum gerentes detecto capite ac stantes sedentem principem alloquuntur: honoris id hac tempestate præcipuū signū. Nulli princeps assurgit. Cunctæ epistolæ reipublicæ sub nomine ipsius produnt ob signanturq;. Orator quiuis, prætor, præfectus, aut quilibet alius qui ad senatū scribere uoluerit literas, ad principem destinat: decretorum, legum, ac senatusconsultorū promulgationes nomine principis fiunt. Nummi oēs tam aurei quàm argentei cum nomine ac figura principis excudunt. Tandem ut paucis absoluā, ubiq; regis speciem intueri possis, potestatem uero nusquā. sapientissime & hoc quidem in republica Veneta, ut cætera omnia, constitutum fuisse, nullus sanæ mētis inficiari ausit. Nam hac honoris mercede laboriosum alioquin principis munus rependere, quod solum uirtutis præmiū

esse vulgus prædicat, & summi philosophi prodidere. Ex quibus Aristoteles in Ethicis inquit: Quū hi qui recte & sancte magistratum gerant, non suæ sed aliorum utilitatī consulant, nulla alia ratione æquum eis præmium tribui posse, præterquā ut honore alios antecellant. Præterea magnopere facit huiusce principis dignitas, ut quicumq; ciuis & castigationem eius maxime vereatur, & iniūcta munera maiori sedulitate perficiat. Adiuncti sunt principi sex cōsiliarij, ex senis tribubus in quas diuisa est uniuersa ciuitas, delecti ex singulis scilicet singuli. hi octimestrē magistratum gerunt, perpetuoq; principi assident, omnia cum principe audiūt, nullæ literæ publicæ exeūt, nisi ex sententiā quatuor consiliariorū, qui etiam nomina sua literis ascribunt: non his tamen quæ prodeunt, sed illis quas scribæ reipublicæ primum scripserunt, atque post exempla edita seruant. In qua quidē re illud haudquaq; est prætereundum, hasce literas, quæ non ex decreto consilij, sed iussu principis & consiliario



liariorum datę sunt ad quempia, ut res parui momenti & modicę esse auctoritatis. Illud nanq; sæpius est nobis repetendum, omne ius omnemq; potestatem consilijs esse duntaxat attributam: nullum uero magistratum per se amplam potestatem obtinere. sed de consiliarijs infra dicetur. Nunc ad principem, seu ducem malueris appellare, oratio redeat. Hac igitur specie regia principi adfixa, cum plerunq; priuatę opes satis futurę non essent ad tuendam eam dignitatem atq; ad eum locum honestandum, ex publico ærario constituta sunt in singulos annos duci triamilia & quingenti aureorū nummūm. ac ne fortasse quisquam paulo auarior in rem familiarem neglecta dignitate atq; utilitate publica, eam pecunię summam cōuerteret, iniuncta sunt illi munera quædā, quę suis impensis obeat, quibus & dignitati ipsius, & reipublicę usui cōsuleret. quę si ut pecunijs parcat, negligat, hæredibus adeo ingens pecunię mulcta est imposita, ut dum rei familiari augendę princeps stude-

re uoluerit, & hæredibus prodesse, magnam eius iacturam facturum sit, si ob avaritiam dignitati suæ defuerit: præterquam quod hæreditariã quandam ignominiã & dedecus posteris relicturus est. Complures stipatores alit, inermes tamen, sericis uestibus semper utitur. domum habitat aulæis mirifice instructam, supellectilis argenteæ copiam habet: cæteraq; id genus, quæ principi uiro conueniunt. Singulis annis quater prandium parat, sexaginta & amplius ciuibus, laute atq; opipare instructum, qua in re peruetustum Lacedæmoniorum morem atque Cretensium (quorū respublicæ illustres fuere) moderatū tamen maiores nostri in hanc nostram rempublicā transtulere. Nam cum summopere faceret ad beneuolentiam ciuiū cōciliandam cōuentus ciuium frequens, conuiuia quædam publica impensis ærarij fieri statuerunt tum Lacedæmonij tum Cretenses, ad quæ cum ciues conuenirent, & unusquisq; facile quemcunq; dignoscere poterat, & necessitudine quadam arctiori ex  
con/

consuetudine illa communi inuicem  
uinciebantur. uerum cum omnes pro-  
miscue conuenirent, necesse erat ple-  
runq; in conuiujs illis tumultus & tur-  
bationes suscitari: quumq; ij quoru ea  
cura erat, pro se quisq; ciues laute exci-  
pere uellet, pecuniæ publicæ magnam  
iacturam faciebant. Quapropter casti-  
gatione & modo adhibito uetus illud  
institutũ & ad Venetos deductum est,  
omneq; id negotium principi deman-  
datum. Quater ergo singulis annis ci-  
ues à principe adhibentur, lautis sanè  
sed nō inuidiosis epulis. nec unusquis-  
que promiscue accedit, sed hi tantum  
quos princeps asciuerit, præter cōsilia-  
rios & Aduocatores præfectos quadra-  
ginta uirũ ac xuirũ præsides, qui  
iure quodam eorum magistratuũ sem-  
per conuiujs principum intersunt. cæ-  
teri ciues omnes inuitati accedũt. Hac  
autem ratione quatuor hæc conuiuia  
distributa sunt, ut seniores dignioresq;  
ciues inuitati, circa brumam diē diuo  
Stephano protomartyri dicato sum-  
mo mane cōueniant in ædes publicas,

habitationi principū destinatas, ac solenni pompa domo principem deducant in ædem diui Marci: simulq; ibi sacris interfunt, quibus peractis ad ædes suas principem reducūt, ibiq; simul epulantur. Aprili etiā mense die Marci Evangelistæ, cuius numen Veneti precipuum habent, & quem patronum sibi asciuerūt, posteaquam eius reliquiæ ex Alexandria Aegypti ciuitate illustri Venetiās delatę sunt, ciues ætate & dignitate minores inuitati à principe eodē more ac pompa celebratis sacris ad principis prandiū se conferunt. Ascensionis quoq; festo, quo die nundinæ Venetijs fiunt, adhibentur à principe hi, qui uirilem ætatem attigerunt. Hi item summo mane deducūt domo ducem, simul conscendunt nauem q̃ ornatissime ad hos usus constructam, (quam Veneti Bucentaurum uocant) æstuarიაq; egressi cum primū liberum apertumq; mare intueri licet, antiquorum pontificū beneficio, qui hanc rem publicam pro rebus quamplurimis fortiter & egregie contra cōmunes nominis

nīs Christiani hostes gestis honestare uoluerunt, princeps iacto annulo aureo in mare, inquit, totidem ferè uerbis, se in signum ueri perpetuiq; imperij eo annulo mare desponsare. his adduntur ab urbis præfule cærimonie quædam, quibus peractis descendunt in ædem diuo Nicolao dicatam, uetustam sanè, & quæ in littore condita est, quod mare ab æstuarijs determinat. ibi sacra mysteria celebrantur, quibus rite peractis conscensa rursus nauī Venetias reuersi principem domum reducunt, simulq; conuiuantur. Quarto epulæ pertinent ad iuuenes ciues, qui duodecimo Calendas Iulias die dicata Vito & Modesto martyribus, sollenni pompa cum principe ad eorū templum accedunt, quod quidē templum ultra rium magnum, quī urbem mediā diuidit, est situm. quī quidem riuus iungitur ponte supra triremes ædificato, pro temporis ratione, ne immenso ferè circuitu iter illud conficiendū foret. Templum igitur inuisunt, sacris intersunt, ac demum à principe domum re-

e 5 ducto

ducto lauto sanè excipiuntur cōuiuio.  
Atq; conuiuio frequenter adhibentur  
& saltatores & mimi, nec non cantores  
egregij, qui conuiuas oblectant: inter-  
termiscuntur interdum ludi nonnulli,  
qui mirifice capiant spectatores. sic igi-  
tur uetus illud institutum in Venetam  
republicam concessit, moderatum ta-  
men. nam hac ratione cuiuscunq; ferè  
ordinis ciues, pares tamen cum pari-  
bus ad epulas accersuntur. sicq; cum di-  
gnitati principis, tum etiā maxime cō-  
ciliandis inuicem ciuibus egregie con-  
sultum esse uidetur. Cæterū quoniā ci-  
ues patricij singulo quoque anno hisce  
epulis honestari non queunt, ne ullus  
præteritus uideatur, ueteri instituto ac  
lege cōstitutum est, ut hyeme unicuiq;  
ciui, qui in maiori consilio suffragandi  
ius habeat, à principe mittantur quinque  
marinæ anates, ueluti conuiuij quædā  
publici portio, quod etiam ad concili-  
andos ciues duci nō parum facere cen-  
seri potest. hisce impensis insumitur ma-  
gna pecuniæ pars, quæ ex ærario prin-  
cipi quotannis numeratur. Quo fit, ut  
etiam

etiam si uelit dux auarus, nequeat tamen ullis auaritiæ sordibus fœdare dignitatem atq; amplitudinē loci quem tenet. Hoc loco quoniā ferē omnis potestas atq; authoritas principis est à nobis explicata, referre operæ precium est, quo initio quibꝯ sue temporibus ducis huiusce creandi Venetjꝯ consilium initum fuerit: ac demum, quænam sit ratio comitiorum in duce eligēdo. A prima statim urbis origine cū quicq; nobilissimi Venetæ prouinciæ ciues Aquileia, Altino, Cōcordia, Opitergio, Patauio ac plerisq; alijs ciuitatib. amplissimis atq; opulētissimis Hunnorū impetu euerſis, qui rege Attila duce maximā Italiæ cladē attulere, in ea æstuaria maris Adriatici cōuenissent, in quibus postea Veneta urbs cōdita est, ac in uicinioribus locis patriæ, quā liquerant, unusquisq; sedes suas posuissent, ædificata fuere circiter duo & uiginti oppida, partim in littore eo quod interiora æstuaria claudit, partim in tumulis quibusdam, qui ex æstuarijs eminebant. ac primis initijs cū ea oppida neq; per  
se sa-

se satis munita essent, neq; nauigiorū  
copiā alicui oppido tanta suppeteret,  
ut piratis ac prædonibus pro se quisq;  
obstistere posset, optimum fore censue-  
re, si de omnibus in communi consule-  
rent, cum omnium eadem etiam fortu-  
na esset: ac communi consilio prospice-  
rent, cum annonæ, tritici, uini, frugūq;  
omnium, quæ uictui necessariae sunt,  
tum maxime propriorum larium secu-  
ritati: ne quam iniuriā seu detrimentū  
acciperent à piratis, quibus oppidis  
nondum satis munitis expositi erant.  
Quamobrem cum prius unumquodq;  
oppidum præfectum ac præsidem sibi  
ex suis ciuibus delegisset, quē tribunū  
uocabant, cōstitutū est inter omnes, ut  
certis diebus tribuni hi cōuenirent, ac  
de re cōmuni decernerent. Paulo post  
experientia compertum est, cum nulli  
ex alijs præcipue cura hæc incumbere-  
ret, ac propterea multa incōmoda pa-  
terentur, cōmodissimā & utilissimam  
rem omnibus fore, si unī cuipiam præ  
cæteris communis boni procuratio de-  
mandaretur, quem omnes aliī uti prin-  
cipem



cipem agnoscerent. Itaq; decretum est  
omniū oppidorū consensu, ut dux seu  
princeps unus eligeretur: huic princi-  
pio cōstituta est sedes in oppido Hera-  
clea nūcupato. situm id erat in intimis  
æstuarijs, in insula quadam iuxta Pla-  
uis fluminis ostium, quæ nostris tempo-  
ribus alluvione fluviij continenti con-  
iūcta est. Postmodum uero cum locus  
is non satis idoneus uideretur: nā cum  
in recessu eo esset, sæpenumero priusq;  
mali fama eò peruenisset, piratæ iam  
intra æstuaria penetrarant, ac uel im-  
prudentes oppidanos oppresserāt, uel  
nauigia diripuerant: idcirco statuerūt  
satius fore, principem relicta Heraclea  
Melamocum concedere, oppidum in  
medio littore situm, ex quo dux facile  
præsentire poterat, si quid insidiarum  
à piratis strueretur, ac paruo negotio  
adesse ubicunq; opus fuisset. Demum  
quo tempore Pipinus cladem & serui-  
tutem elementis illis Venetæ urbis mi-  
naretur, omnesq; Riuaaltū, ex quibus-  
cunq; oppidis concessissent, principis  
etiā sedes eò loci translata est: quo cun-  
ctis

ctis oppidanis conuenientibus in eam  
amplitudinem quam cernimus Vene-  
tiæ excreuere. sic igitur perpetuo quo-  
dam tenore à primis statim urbis ori-  
ginibus unus princeps reipublicæ Ve-  
netæ præfuit . primi illi aliquàm ma-  
ioris authoritatis fuere, postea uero u-  
su docente paulatim institutis ac legi-  
bus potestas principis ad hanc quam  
cernimus temperationē deducta fuit.  
Ratio uero eligēdi ducis, qui priori ui-  
ta functo successurus sit , primum qui-  
dem simplex fuit, nam cū maiores no-  
stri singulari quadam bonitate prædi-  
ti fuerint, atq; ab ambitione penitus a-  
lieni, unusquisq; pro se eam solitudi-  
nem recusabat . quapropter acclama-  
tione populi , is qui omnium optimus  
ac prudētissimus haberetur, princeps  
renunciabatur . Post prima ea tempo-  
ra aucta ciuitate & populo ampliore ef-  
fecto, inutile fore reipublicę uisum est,  
si temeritati atq; aurgē populari res tam  
magna cōmissa esset. decretū itaq; est,  
ut eligerentur XII uiri omnium proba-  
tissimi , qui creandi ducis potestatem  
habe

haberent, demum quum aliquantum simul cum imperio etiam ambitio excreuisset, instituta sunt singularia quædam comitia, ac perplexa quædam ducis eligendi ratio inuenta, hanc nos ne quid incoepto operi desit, paucis exponemus. Defuncto principe ac iustis actis pie honorificeq; , consiliarij qui in terregni illius tempore se in sedes publicas habitationi principis destinatas continuo post principis obitum receperunt, magnum consilium uocant. in eo primo post interitum ducis conuentu ea ratione comitiorum quam supra narrauimus, quinque ciues creantur, qui defuncti principis res gestas diligenter scrutari debeant, ac de consilij sententia, si quid ab eo contra leges ac decreta sit factum, rescindant. si à quopiam etiam munus acceperit, ac statutæ percerit impensæ, ea hisce referentibus irrogatur hæredibus à consilio multa quæ leges iusserint. Pecuniaria ea est, eaq; summa æris de hæreditate principis publicatur, atq; in ærariū refertur. Eisdem comitijs eliguntur quinque alij  
ciues

ciues, qui eodem momento quo renuntiati sunt, recipiunt se in conclaue comitio adiunctum: neq; inde discedunt antequam inter eos re consultata, quid ipsis potestati principis immutandum, tollendum, aut addendum uideatur. Re inter eos discussa iterum cogitur consilium, quo coacto egrediuntur illi è conclauē (nam prius non licet) ac suam quisq; sententiam ad cōsiliū refert de principis iure: ac uniuersis ciuib; disceptantibus suffragiis decernitur, id quod maxime reipublicæ usui fore uisum fuerit. Id decretū inter leges, quas principes seruare debeant, statim constituta principis potestate reponitur. Postridie initur perplexa illa comitiorum ratio, quibus princeps creari solet. conueniunt itaq; ciues omnes, qui XXX. annos excefferint. nam iuniores eaq; ætate minores ueteri reipublicæ instituto ad ea comitia non admittuntur. numerantur deinde uniuersi ciues, ac totidem globuli in urnam coniiciuntur, quot ciues fuerint. ex his triginta sunt aurei, cæteri omnes argentei. ea

urna

urna statuitur ante suggestum comitiū  
 ubi consiliarij resident. astat urnæ pue-  
 rulus educendis fortibus: subsellia ciui-  
 um uocantur. ad eam urnam accedunt  
 omnes, eo quo sederunt ordine. nullus  
 autem, quod tamen in alijs comitijs fie-  
 ri consuevit, in urnam manum impo-  
 nit, sed puer qui astat pro singulo quo-  
 que globulum unum educit. si quibus  
 argenteus obtigerit, statim egrediun-  
 tur comitium. at is cui fors fauerit, edu-  
 cto aureo globulo, à scriba alta uoce  
 pronunciatur. Continuo ille in certum  
 conclaue secedit: eius uero gentiles &  
 consanguinei omnes arcta necessitu-  
 dine coniuncti ex suo quisq; loco assur-  
 git: confidentq; in partem atrij uniuer-  
 si. numerantur ibidem, ac totidem glo-  
 buli argentei ex urna extrahuntur: ex-  
 ceduntq; hi ex comitio, hoc pacto tri-  
 ginta, quibus sortis beneficio aureus  
 globulus obtigerit, deliguntur ex uni-  
 uerso ciuium cœtu. quo peracto consi-  
 lium dimittitur. Postquam omnes di-  
 scessere, triginta illi è conclaui egredi-  
 untur, ac coram consiliarijs denuo for-  
 tem

tem subeunt, ac ex triginta ijsce nouem quibus fors fauerit electores fiunt, cæterisq; dimissis in conclaue secedunt, huic muneri destinatum: ibiq; soli concluduntur nullo prorsus, nec ministro admissio: nulli copia fit eos alloquendi, neq; inde discedere possunt, priusquã XXXX. uiros elegerint: nullusq; referri potest ab eis electus, nisi sex suffragia tulerit. quo fit, ut quatuor refragantibus nullus electus pronũciari queat. quum primum quadraginta hosce uiros elegerint, per internuncium custodem ac ianitorem publicum certiores consiliarios faciunt, se munus suum obijisse. euestigio consiliarij nisi hora diei fuerit ualde intempestiua, consiliũ magnum uocant. Postquam ciues omnes in curiam cõuenere, profertur syngrapha ex conclaui, in qua nomina descripta sunt ciuium electorũ. Ac scriba primus ascenso suggestu magna uoce pronunciat XXXX designatos ciues. horum quisq; si interfuerit, cum primum audierit se pronunciarĩ, à loco ubi confederat surgit, & ad suggestum cõsiliariorum

riorum confidit, indeq; in cōclauē de-  
stinatum. sin autem eorum quīspīā ab-  
sens fuerit, confestim à consiliario uno  
ac item ab uno X X X X uirūm præfe-  
cto uel per totam urbem conquiritur.  
Inuentus ab īisdē magistratibus primū  
in comitium; ac deinde in conclaue ad  
collegas deducitur, nulla interius præ-  
stita facultate aliquem cōueniendi aut  
alloquendi, ne ulla ambitioni occasio;  
aut aditus in his comitijs concedatur,  
quæ sanctissima omnium maiores no-  
stri esse uoluerūt. hac ratione X X X X  
ciues designati improuisi conueniunt,  
cum primumq; id faciunt, euestigio di-  
mittitur consiliū. tunc quadraginta hi  
egrediuntur conclaue, ac in atriū comi-  
tij amplissimum consiliarios adeunt:  
ibiq; eodem sortiū modo quem suprā  
retulimus, X I I ex īpsīs decernūtur, ui-  
ginti & octo qui supersunt ex quadra-  
ginta uiris repudiatis. hi X I I. uigin-  
ti quinq; uiros eligunt, quorū quīsq; ne-  
cesse ut octo suffragia ferat, pauciori-  
bus namque nullus eligi potest. re ex-  
pedita consiliarios per internuncium

admonent, hi si tempestiua hora fuerit, consilium cogūt, modoq; in nullo à superiori dispari uiginti quinq; illi impro uisi coguntur. ac dimisso consilio eodem genere sortis nouem eligunt, sexdecim reliqui discedunt. nouem hi quadraginta quinq; creant, sex item suffragiis, qui pari pacto coacto cōsilio à scriba pronunciantur, & in conclaue coguntur. ij sortis eiusdem beneficio rediguntur ad undecim, qui eligunt quadraginta unū uiros ex primarijs senatoribus. qui continuo quum pronunciatī fuerint, secedunt in atrium destinatum: hiq; ducis deligendi facultatem obtinent. non tamen duos eiusdem familiæ aut arcta necessitudine coniunctos in hanc electorū classē admitti leges sinūt, qui mos perpetuus est apud Venetos in omnibus magistratib. Tam perplexam & multiplicem eorū comitiorum rationē maiores nostri sapientissimi atq; optimi homines esse uoluerunt, ne ciuium multitudo omnino expers esset potestatis ducis creādi. Nam primi ordinis electores sorte fiunt, que  
omni-



omnibus ciuibus par est: post eum ordinem miscuere sorti electionem, ita tamen ut electio sortem antecelleret. nulli namque fauere fors potest, nisi iudicio prioris ordinis fuerit comprobatus. at in postremo ordine nihil sortis esse sciuerunt: non enim putauere omnes qui principem electuri essent, sortium temeritati esse committendos. ideoque neque multitudo omnino expers est huiusce autoritatis, neque etiam omnino ius hoc tributum est multitudini imperitæ, apud quã plerumque inanis quædam aura plus potest, quam optimorum ac sapientissimorum iudiciũ. Preterea cum nulli certi sint principis electores, sed res omnis ex eorum sententia pendeat, qui sortis beneficio usi sint, nullus ambitioni est locus. nam fieri facile potest ut hi nullum ius sint habituri, quos tu egregie ambieris. Nunc ad rem redeo. Peracta tandem ratione comitiorum, quum iam creati fuerint quadraginta unus uiri principis electores, statim omnes nullo interea ciuium salutato, nedum compellato, conueniunt

in eam curiam, in qua cogi senatus so-  
let. ibi primū omnium sancte ac pie di-  
uina mysteria celebrant, uniuersiq; ta-  
ctis altaribus iureiurando Deo Opt.  
ac reipublicæ pollicentur, eum sese du-  
cem electuros, quem sanctitate, in pa-  
triam charitate, solertia, ac prudentia  
alijs præstantiorem esse duxerint. amo-  
tis deinde sacerdotibus soli in curia cō-  
cluduntur, neq; famulo, neq; quopiam  
alio ministro accito. tunc tres, qui cæte-  
ros ætate antecesserint, ueluti præfecti  
resident ad paratā mensam quandam  
ad hoc munus: super qua urna quædā  
est constituta, ac unusquisq; elector no-  
tat in syngrapha nōmen eius quem du-  
cem pronunciat, ac notatam syngra-  
pham in urnam iacit. iniectis omnium  
syngraphis una educitur, quæ sorte in  
manū uenerat extrahentis. lecta à præ-  
fectis syngrapha, is cuius nomen exie-  
rit, si præsens fuerit, ut plerunq; contin-  
git, continuo egreditur curiam. tunc si  
quis eorum existimauerit eum ciuem  
minus idoneum, qui tam magnam di-  
gnitatem sustineat, aut ob quampiam  
aliam

aliam causam, nō fore è republica eum  
 ducem esse, consurgit : ac primo mode  
 ste præfatus ingenue profert, quid de  
 eo ciue sentiat, & quāobrem putet nō  
 esse in rem patriæ, eum ducē fieri. cum  
 finem is fecerit, præfecti nuncupatum  
 adhibent : ac statim à seniore ei omnia  
 repetuntur, quæ ei obiecta fuerint, au-  
 ctore tamen suppresso. nam sacramen-  
 to antea omnes perpetuo se obstrinxer-  
 e silētio, refellit ille obiecta ut libuerit.  
 Deinde iterum recedit è curia. quòd si  
 prior aut alius quispiam nouis rationi-  
 bus adhuc arguere & accusare homi-  
 nem uelit, potestatem habet, nouis cri-  
 minationibus rursus accersitus ille re-  
 spondet, sicq; uicissim res tractatur, do-  
 nec accusatoribus nihil amplius reli-  
 ctum sit. tum demum in suffragia itur.  
 ante hæc tēpora, si is uiginti quinq; suf-  
 fragia tulisset, nulla amplius aliorū ra-  
 tio habebat, sed statim ille dux renun-  
 ciabat. nostra tempestate in comitijs,  
 quibus Andreas Gritus amplissimus  
 senator creatus est dux, hæc ratio im-  
 mutata est. nā licet nullus electus prin-

ceps habeatur, nisi suffragia uiginti-  
quinque tulerit, nihilominus non sistunt  
in eo qui primus eum numerum suffra-  
giorum explicauerit, ut antea fieri sole-  
bat: sed progreditur ad alios, ut si quis-  
piam eum numerum suffragiorum ex-  
cesserit, non prior, sed hic dux renun-  
cietur. Postquam itum est in suffragia  
pro primo cuius nomen exierat, alia  
item syngrapha ex urna educitur, ac o-  
mnia pari procedunt passu, quo in prior-  
i seruata sunt, sic in tertio, quarto, ac o-  
mnibus deinceps. quod si nullus ad eam  
summam suffragiorum peruenierit, nisi  
hora diei fuerit intempestiua, iterum ea-  
dem ratione comitia repetuntur. ac ut  
paucis res omnis expediatur, electori-  
bus inde haudquaquam exire licet, neque  
etiam ullam copiam habent conuenien-  
di, aut alloquendi extraneum, donec ui-  
ginti quinque eorum in principe eligen-  
do conuenerint, quo renunciato con-  
festim consiliarii in curiam uocantur:  
hi omnium primi nouum ducem salu-  
tant, ac uenerant. Post id fama per ur-  
bem uagatur, ubique discurretur, ciues  
gau-

gaudentes cōspicias : omnes supplices  
à Deo Optimo Maximo petunt, ut rei  
publicæ felix faustumq; id sit. familia-  
res ac consanguinei ducis in curiā pro-  
perant, nouo duci gratulantur. eodem  
temporis uestigio nummi cuduntur,  
cum facie ac nomine principis : paran-  
tur omnia quibus ad pompā opus est.  
interea dux electoresq; omnes ibidem  
operiuntur, instructis omnibus de-  
scendunt è curia, ædēque diui Mar-  
ci ei loco propinquam adeunt, augu-  
stum templum, magnisq; opibus orna-  
tum: Deum Optimum Maximum pri-  
mo uenerantur, & suggestum ex por-  
phyritide lapide confectum omnes a-  
scendunt. Electorū senior uerba ad po-  
pulum facit, denunciat creationem no-  
ui ducis, eumq; modeste laudat. Post  
illum item dux orationē habet, ac pau-  
ca de se pudēter præfatus, seruaturū se  
pollicetur omnia quæ bonū principem  
deceant, bonoq; reipublicę, nullius pri-  
uati commodi habita ratione consultu-  
rum: ac imprimis iustitiā curaturum,  
daturumq; operam, ut æquum ius om-  
f 5 nibus

nibus sit. non rei familiari, non labori ulli, non deniq; uitæ parciturum, si rei publicæ usui suis incōmodis prospici possit. demum Deum Optimum Maximum, diuum Marcum (sub cuius numine ciuitas Veneta est) atque diuos omnes precatur, ut sibi faueant aspirentq; læti, in tam magni muneris functione. Verba ducis uniuersus populus magno plausu excipit. Postq; dux perorauit, descendūt omnes ex eo suggestu, ducemq; ad aram maximā templi statuunt: ibiq; tactis euangelijis iure iurando dñs immortalibus ac reipublicæ fidem suam astringit, se nil eorum omīssurum, quæ legibus dux Venetus præstare teneatur. His actis electores, qui eatenus cū duce perstiterunt, discedunt omnes: at ipse ligneum pulpitem conscendit, adscito consanguineo quo piam imprimis charo. Nautæ qui in precio habentur, pulpitem humeris at tollunt, magnoq; plausu insidentē ducem per totum forum diui Marci deferunt. Dux uero ex pulpito pecuniā suo nomine excusam iacit: sūma nulla statuta est

ta est, sed pensatur rei familiaris copia, angustiaue, ac noui ducis liberalitate. iactā plebs studiose colligit. tandem circumacto foro cū ad scalas edium publicarum principis uentum est, pulpitum sistunt, è quo descendit princeps. mos inualuit, ut uestes quibus dux est indutus, uasq; argenteū, in quo populo effundenda pecunia cōgesta fuerat, nautis qui pulpitum humeris sublatum gestauerunt, concedantur. Dux scalis ascensis excipitur à cōsiliarijs, qui ibidē operiebantur, & caputio, quod principis insignie suprā esse diximus, coronatur. hæc series est totius pompæ. Postridie senatu in curiam coacto dux orationem habet, deo ac patribus gratias agit, quòd ad id munus euectus fuerit, simulq; operam suam pollicetur nullo reipublice commodo defuturam. eiusmodi ferè orationē habet corā uniuersis ciuibus, primis statim comitijs, quæ post se creatum ducem fiūt. Hactenus de principe seu duce reipublicæ nostræ dictum sit. Illud proximum est, ut de consiliarijs pauca perstringamus, quæ  
tamen

tamen satis exploratam faciēt omnem illius magistratus auctoritatem. assidēt principi cōsiliarij sex, quod suprā quoque diximus, singuli inquam ex unaquaq; urbis regione. in sex etenim regiones siue tribus diuisa est uniuersa ciuitas. harum tres sunt citra magnum riuum, qui mediam urbem diuidit, tres uero aliæ ultra. ex unaquaq; urbis regione consiliarius unus eligitur. Ea comitiorum ratione qua omnes magistratus creari suprā abunde satis explicuimus. magistratus iste octimestris: simulq; cum principe omnium quæ ad rempublicam rerum spectant curā habet. uerum ueteri admodum instituto uniuersa comitiorum ratio consiliarijs potissimum incumbit. si qua etiam de re ad magnum consilium referendum sit, eiusq; auctoritate fanciēdum sit, res tota consiliarijs referentibus decernitur, utpote qui soli id iuris obtineant. his tamen interdum adiunguntur quadraginta uirū præfecti, quibus tamē solis referendi ius nō esset. nulli prætereā magistratui, dempto duce quē semper



per excipio, concessa est ea potestas  
possunt etiam si eis libeat de re omni  
& ad senatum & ad decemuiros refer-  
re. Cæterum præconsultoribus ea præ-  
cipuè cura demandata est, ut & senatū  
cogant & ad senatum referant: quem-  
admodum & Xuirūm præfectorū offi-  
cium est & Xuiros cogendi & ad eos  
referēdi: de quibus à nobis infra tracta-  
bitur. At consiliarij ampliore autorita-  
te sunt præditi, utpote qui in senatu par-  
ius habeant cum præconsultoribus, &  
in collegio Xuirūm cum illius collegij  
præfectis. Octo mēlibus duci assident  
eoq; munere funguntur quod iam ex-  
plicui. Quatuor uero mēses intersunt,  
quin potius præfecti sunt quadraginta  
uiris quib. capitis grauiores causę sunt  
demandatę, eisq; decernentibus iudi-  
cantur, de quibus suo quoq; loco dice-  
tur. Nunc postquam de magno consi-  
lio quod popularem statum in hac re-  
publica refert, & de principe qui regiā  
personam gerit, si non eleganter satis,  
tamen diligenter tractatum est: institutū  
opus poscere uidet̃ ut de reliquis  
parti.

partibus huiusce gubernationis referamus, quæ optimatum regimen repræsentant. huiusmodi namq; gubernatio in Veneta ciuitate cæteris facile præstat, quam sequenti uolumine deo annuente integre explicabimus.

Libri secundi finis.

## CASPARIS CON

TARENI PATRICII VENE

ti, De magistratibus, & repub

lica Venetorum, liber

tertius.

O

OMNIS hominum  
institutio, ni præ  
postera futura sit,  
naturam optimam  
rerum omnium pa  
rentem imitari de  
bet : quæ cum ita

totius mundi ordinē disposuerit, ut res  
sensus intellectusq; expertes, ab his  
quæ mente præditæ sunt, gubernentur,

ac in

ac in hominum hoc cœtu, quem ciuitatem appellamus, seniores iunioribus prudentia antecellant, utpote qui neq̃ perturbationibus animi ita obnoxij sunt ut iuuenes, rerumq̃ plurimarum quas in longiori uita experti sunt peritiores existant: ideo, quod Aristoteles in Politicis ait, in unaquaq̃ republica quæ naturæ solertiam & sapientiã emulari uoluerit, senes præficiendi sunt summæ rerum; iuuenum uero officium esse debet, ea facere quæcunq̃ iusserint senes. neq̃, quando hoc institutum maxime secundum naturam est, seniorum imperium iuniores detractare possunt, aut ob hanc rem seditionem ullam concitare, quoniã in discrimine hoc quod ætas facit, nullus inuidiæ locus est nullaq̃ querela esse potest, quãdoquidem iuniores certò sperēt sibi à minoribus uicem repensum iri. Quamobrem in rebus publicis omnibus quæcunq̃ alicuius nominis unquam fuerunt, gubernationi ciuitatis, rerumq̃ omnium publicarum seniorum consilium præfectum est, quem senatum etiã à senioribus

ribus nominarūt. hac in parte adduce-  
rem Romanorū, Atheniensium ac rei  
publicæ Carthaginensium & Lacedæ-  
moniorū necnon plurimarū ciuitatum  
leges, nī res notior esset, q̃ ut ullius te-  
stimonio cōprobari egeat. Pari igit̃ ra-  
tione in nostra rep. institutus fuit sena-  
tus ac decēuiri; qui in Veneta ciuitate,  
cuius rēpub. mixtā esse dixi ex regio,  
populari & optimatiū statu, referūt op-  
timatum statum; ac mediā quēdā sunt,  
quibus extremæ partes, status scilicet  
popularis, magnum consilium, ac prin-  
ceps qui regis personam gerit, inuicem  
uinciuntur. Sic inquit Plato in Timæo  
extrema elementa, terram ac ignē me-  
dijs elementis uinciri; sic in diapasōn  
cōsonantia extremæ uoces medijs dia-  
tessaron ac diapente uocibus inuicem  
nectuntur. Vt ergo cœptum iter pera-  
gamus, senatus Venetus centum & u-  
ginti legitimos senatores habet, multi-  
tamen præterea magistratus obtinent  
ius senatoriū, adeò ut nostra tēpestas  
ducēti & uiginti & amplius ius habeāt  
ferēdi suffragium in senatu. Senatores  
legiti-

legitimi singulis annis ab uniuerso ciuium coetu (quē magnū consiliū nominari sapius est repetitū) creantur. Nec tamē hic honos uacationē ullā habet, quemadmodū omnes aliī magistratus, sed ijdē si ita fors tulerit, & magno cōsilio libuerit, quod plerūq; fit, singulis quibusque annis in eo munere uersari queunt. Modus & ratio electionis supra à nobis exposita est, cum formam omnē comitiorū explicaremus. Eo igitur pacto augusto ac septembri singulis comitijs sex senatores eligunt, quæ decies repetita summam sexaginta electorū explent. sexaginta reliqui adiuncti, seu adscripti sunt prioribus, omnesq; hi simul proprijs quibusdam comitijs eliguntur. Nam ad tertium Calendas Octobris cogitur senatus. Vnusquisq; senatorū & quiuis alius, cui suffragij ius est, in senatu unum ciuem nuncupat. Postridie uero illius diei mane ad horam diei tertiam conueniunt uniuersi ciues comitijs: prælectisq; à scriba magno omnium ciuium nominibus, quos pridie senatores nomina-

uerint, coniecta in urnam omnium nomina sorte educuntur. At in suffragia pro unoquoque itur ex omnibus his sexaginta: qui plura suffragia tulerunt quam ceteri, dummodo etiam dimidia excefferint, eo anno adscripti senatui sunt, ea tamen lege, ne plures quam duo gentiles in eorum numero sint: sicque tres tantum eiusdem gentis in numero legitimorum senatorum esse queunt, praeterea nullus. qua lege optime consultum fuisse reip. existimari debet. nam nulla perniciosior pestis in rempublicam obrepserit, quam si quapiam eius pars ceteris praeualuerit. sic namque, quoniam aequum ius non seruatur, impossibile est societatem inter ciues consistere: quod usu euenire solet ubicunque plura in unum conueniunt. sic soluitur mixtum, si quodpiam elementorum, ex quibus corpus constat, alia superauerit: sic omnis consonantia dissonans fit, si fidem unam seu uocem plus intenderis quam par sit. Non impari ratione, si ciuitatem aut rempublicam consistare uolueris, necesse est id imprimis seruari, ne qua pars  
aliqua

alijs efficiatur potentiôr, sed omnes quoad fieri possit, publicæ potestatis participes sint. Quocirca perquam egregie maiores nostri sancitum esse uolere perpetuum hoc ius in republica nostra, non tantum in senatu, sed neq; in alijs magistratibus pluribus gentilibus locum esse, quàm ad seruandam æqualitatē opus esse uideatur. Nec minus prudens institutio eligēdi senatus habēda est, ut scilicet sexaginta senatores more comitiôrū solito, sorte inquā electioni ac iudicio admixta eligerentur: sexaginta uero adiuncti ratione diuersa, in qua scilicet nil esset fortis. Etenim si in omnibus par sorti locus esset, facile accidere posset, ut aliquādo præcipuorum ciuium ratio nō haberetur, atq; in eligendo senatu præterirentur non sine reipublicæ detrimento. Idcirco sexaginta patres ascriptos nulla sorte singulis tamē annis eligi placuit. Senatus igitur primum ex hīsce centū ac uiginti constat, quorū sexaginta proprio uocabulo senatores appellantur, at reliqui adiuncti, quorū comitijs in-

tegra dies consumitur. præter hos centum & uiginti legitimos senatores pari iure in senatu cum senatoribus uiuunt (ut ducem & consiliarios præte-  
ream) decem uiri, quadraginta uiri iudices capitalium causarū & criminum grauiorum, salis & annonæ frumenta-  
riæ præfecti, diui Marci procuratores, multiq; præterea magistratus, adeò ut nostris temporibus summa omniū du-  
centos ac uiginti excedat. hi iure sena-  
torum funguntur, uniuersa gubernan-  
dæ reipublicæ ratio ad senatum perti-  
net. quicquid senatus autoritate decre-  
tum fuerit, id sanctum & ratum habe-  
tur. eo disceptante & decernente et pa-  
ces fiunt & bella suscipiuntur. pecu-  
nia etiam omnis reipublicæ eius iussu  
exigitur, & impeditur, si res postulat,  
noua etiam tributa & decimæ, tamen  
ex decreto senatus, tū imponuntur ci-  
uibus, tum etiam exiguntur: si quando  
etiam contingat è repub. esse ut nouus  
quispiam magistratus pro tempore in-  
stituatur, is à senatu eligitur. Præterea  
senatus quibuscunq; temporibus per-  
petuum



petuum ius obtinuit eligēdi oratores, qui ad principes exteros à republica destinātur, necnon etiam creandi collegiū eorum, qui ius habeant & cogendi senatum & ad ipsum referendi, hos Aristoteles præconsultores nominat, nostrates uero Sapientes uocant, arrogantiore uocabulo usi: quo interdum nobis quoq; utēdum esse duximus, ne à cōmuni loquendi usu penitus abhorere uideamur. Comitīa tamen hæc senatus, quibus & oratores & præcōsultores eliguntur, minus habent fortis, quàm ea quę supra descripsi, magni scilicet consilij uniuersiq; ciuium cœtus. unusquisq; enim senatorum nominat quem uoluerit, deinde pro singulis in suffragia itur: isq; cui plura cōtigerint quàm reliquis, dummodo dimidium totius summa excedāt, electus renunciatur. Quòd si quandoq; necessitas & usus reipublicę poposcerit ut inuito cuipiam munus aliquod publicum iniungatur, unusquisq; senatorum clām in syngrapha eius nomen notat, quem maxime idoneū duxerit: deinde in ur-

nam ad id paratam schedulam eam iacit. inde à scriba extrahuntur, palamq; leguntur omnes, ac demum pro quolibet itur in suffragia : isq; pronūciatur electus cui plures suffragati fuerint, dummodo etiam sint plures dimidijs. Hic schedularū modus inuētus est, ne quispiam ueritus inimicitias siue alterius ciuis odium comparare, qui maxime ei muneri fungendo aptus sit, nolit tamē, abstinēat ab eo nominādo : sicq; priuati cōmodi gratia respublica detrimendo afficiatur. Nūc is est à nobis recensendus modus quo senatus consultatur, eaq; decernat & sanciat quę facienda sunt : aut quonam modo senatus consulta fieri consueuerint. Non latuit maiores nostros, si unusquisq; senator promiscue tum referre ad senatum tum sententiam dicere posset, atq; hoc officiū propriū nullius esset, magnam semper in senatu turbationem fore. Pręterea ita usu compertum esse, ut id quod omnes pariter curant, omnes etiam pariter negligant. Ideo legibus nostris statutū est, ut à senatu sedecim  
ciues

ciues eligantur, quos uulgus propterea q̄ maxime omnium sapere uideant, Sapientes appellat. nos Aristotelē imitati, eo quòd præcōsultant illa de quibus consulendus est senatus, præconsultores merito appellare possumus. hi ius habent & cogendi senatum, & ad senatum referendi. magistratus hic semestris est. Cæterū hi Sapiētes in tres ordines sunt distributi, qui longissimo interuallo inter se differunt. In primo enim ordine sex sunt senatores primarij ciues, qui cum rerum experientia tum dignitate atq; æstimatione alios facile antecellunt. his præcipue id munus incumbit, ut de administranda re publica, de bello, de pace, atq; alijs maioribus, præconsultent atq; senatū consulant. In secundo autē ordine quinque sunt ciues, qui tametsi parē autoritatē referēdi ad senatū habeāt de omnibus cū illis qui sunt primi ordinis, nihilominus sunt dignitate atq; æstimatione superioribus longe inferiores. Officium horum præcipuum est, cura militū qui reipublicæ stipendio aluntur & merēt

sub Veneto imperatore. Tertij quoq;  
ordinis quinq; sunt quibus deman-  
data est rei maritimæ cura, neq; præterea  
de quacunq; re ius habent ad senatum  
referendi. hic ordo apud maiores no-  
stros in precio habebatur, quo tempo-  
re apud Venetos res maritimæ flore-  
bant. Verū re maritima diminuta, no-  
strorumq; studijs ad continentis impe-  
rium conuersis, cœpit hic quoq; magi-  
stratus in paruo precio haberi: adeò ut  
ætate nostra adolescentes ac primæ la-  
nuginis homines ad eum ordinem eli-  
gantur. hi ergo ciues sedecim quorum  
conuentus apud Venetos proprio vo-  
cabulo collegium appellari consuevit,  
summo mane conueniunt cum prin-  
cipe ac consiliarijs: primumq; ad ter-  
tiam usq; diei horā priuatos homines  
audiūt, quibus aliquid rei est, aut cum  
republica aut cum quopiam magistra-  
tu: easq; causas decernunt omnes si-  
mul, uel si ita res poscere uideatur, ad  
senatum de illis referunt. sub tertiam  
diei horā omnes priuati è curia dimit-  
tuntur, confestimq; ab aliquo scriba-  
rum

rum qui à secretis reipublicæ sit, leguntur omnes epistolæ ad senatum missæ. postmodum, nisi ab oratore alicuius principis, qui ad ducem & collegium admitti uelit, aut à quopiam maioris momenti negocio, quàm ut ad aliud tēpus differri possit, interpelletur, secedunt hi Sapientes, siue præcōsultores in certū conclaue cōsultaturi de publicis negocijs. Postquam cōuentum est, & cōfederunt omnes, is qui præfectus est (nam per uices eorum quilibet septenis præ cæteris agendorū curam habet) rem proponit, de qua sit cōsiliū ineundū. Deinde singulos sententiam rogat, eo seruato ordine, ut primæ classis consultores primarij ciues, primi etiam sententiam rogentur: dicantq; post eos, quinque illi quos in secundo ordine constituimus. Postremi, si res proposita maritima sit, sententiam dicunt tertiæ classis præcōsultores, quibus earum rerum cura demandata est. Quòd si res proposita ad maritimum negociū non spectet, hi postremi silent. in unaquaque uero classe primus

sententiã dicit, qui septẽ proximis diebus præfuit. Deinde maxime senex, deinceps aliĩ prout ætate præstiterint. Postremus omniũ, qui alios rogat, remq; deliberãdam proposuit, quicq; per eos septem dies præfectus fuerit, sententiã suam adfert. Re tandẽ inter ipsos propẽ discussa ac deliberata, siue omnes in eandem sententiã conuenerint, siue in duas aut tres, prout diuersa sunt hominum ingenia, diuisi fuerint, principem & consiliarios cõueniunt, priusquam senatum cogant. Ibiq; omnium sententiæ recitantur, quibus si princeps aut consiliarius quispiam adherere uoluerint, suacq; autoritate fauere, aut aliam nouã inuenerint, re iterũ inter eos tractata, tandem omniũ sententiæ scriptis mandantur. Id muneris est scribarum, qui sunt à secretis senatus. sic negocijs, quæ senatus autoritate decernenda sunt, consultatis, senatum cogunt, coram quo primũ recitantur omnes literæ, quæ alicuius sint momenti, quæue post dimissum proximũ senatum principi & præconsultoribus red-  
ditæ

ditæ fuerint. postea in his rebus, quæ à collegio præconsultorū deliberatę fuerint, primū sententiæ leguntur, siue illæ concordēs sint, siue inter se diuersæ, eodem ferè pacto quo Plato innuit apud Atheniēses rogationes populi fieri solitas fuisse. Nullus uero præter eos quos à Veneris Sapiētes uocari admodum, referendi ad senatum ius habet, suāq; sententiā illius ordinis autoritate cōfirmādi & sanciedī; semper ducē, cōsiliarios & quadraginta uirūm præfectos, de quibus infra dicemus, excipio. Lectis in senatu omniū sententijs, præfectus collegij ( si uoluerit) surgit. sin minus, maxime senex, aut is cui dicere uolenti, aliū cōcesserint. elatiorēq; suggestū ad id factum cōscendens uerba ad senatū facit: rationes omnes quibus sententiā suam adstruat, dissidentesq; refellat, in medium affert; modeste tamen & grauitē, ut senatorij ordinis uirum decet. qui postquam perorauerit, surgit præconsultor alius, qui à priori dissentiat, suamq; ipse sententiā cōfirmat, priorem uero confutat, aliasq;

aliasq̃, si quæ sunt præter priorē, quæ  
 à sua discrepant. surgit deinde tertius,  
 si tot sententiæ fuerint, eaq̃ in medium  
 adducit, quæ secum facere videntur:  
 sicq̃ deinceps res inter eos discutitur,  
 quoad nullus eorum sit, qui uerba face  
 re uelit: nulli namq̃ senatori locus di  
 cendi datur, quousq̃ præconsultores  
 omnes qui id muneris subire uolue  
 rint, dicendi finem fecerint. sed postq̃  
 ultro citroq̃ quantum libuerit, & ora  
 tionibus & argumentis hi contende  
 rint, alijs quoq̃ senatoribus dicendi fa  
 cultas datur. quòd si senatorū aliquis  
 cuipiam ex dictis sententijs contradi  
 cere, aut earum quampiam astringere si  
 ue etiam nouam adferre uelit, dicendi  
 copiam habet. nullus tamen senatorū  
 de noua sententia, quam ipse inuene  
 rit, & ad senatū proposuerit, ius ad se  
 natū referendi habet: sed plerūq̃ con  
 tingit, si consilium eius senatoris è re  
 publica esse uideatur, ut aliquis ex col  
 legio siue consiliarius siue quadragin  
 ta uirūm præfectus de ea sententia ad  
 senatum referat. Hoc ergo pacto re be  
 ne di-



ne discussa & deliberata, suffragiis uniuersis senatus decernit, quam nam sententiam potissimum probet. non tamen pedibus in sententiam eunt, aut recedunt, quem morem Romanos seruasse memoriae proditum est, neque palam sententiam dicunt: sed urnis ac suffragiis rem decernunt, non dissimili ratione ab ea quam in comitiis seruari supra docuimus. Scribae qui sunt a secretis senatus, ferunt totidem urnas quot fuerint sententiae, de quibus consulitur senatus: unamque uiridem quae eorum suffragia excipiat, qui sententias eas omnes repudiant. Praeterea una rubei coloris, in quam iaciunt suffragia senatores, quibus nondum liqueat. unusquisque autem senatorum suffragium in eius urnam demittit cuius sententiam praeter alijs probauerit: si uero omnes reijciat, in uiridem urnam. quod si nondum liqueat, ac dubitet, urna rubea praesto est. Consiliarii suffragia numerant. Id uero pro decreto habet, cui plures quam dimidii senatores fuerint suffragati. quod si nullius sententia dimidium summam exerceat.

excesserit, primum ea reiicitur, cui paucissimi fuerint assensu, repetunturque suffragia pro cæteris sententijs, eodemque modo postrema semper reiecta, controuersia ad duas deducitur, quarum altera necesse est ut plura dimidijs suffragia ferat, in quam senatusconsultum factum fuisse pronuntiatur. Re una expedita de alijs refertur, nisi hora diei intempestiua fuerit: idemque modus in alijs seruatur. Si uero cuiuspiam principis orator ad rempublicam Venetam accesserit, à principe, consiliarijs, uniuerso collegio excipitur, auditurque ab eis. deinde consultandi tempus petunt. quo dimisso, reque à præconsultoribus eo quem supra diximus modo deliberata, senatus consulitur. princeps primum senatui narrat, quæ petierit orator. deinde omnium qui ius referendi ad senatum habent sententiæ leguntur. eadem ratione fit senatusconsultum, quo petitioni oratoris respondet. quo accito legitur ei senatus decretum, sicque dimittitur. Hæc ferè summa eorum quæ tum ad senatusconsulta tum ad uniuersam

sant

ſam rationem atq; ordinem conſulendi ſenatum pertinere uideantur. Nunc & temporis & loci uidetur eſſe, ea de X uiris paucis recenſere, quę facere ad inſtitutum opus uideri poſſunt. X uirum hoc collegiũ apud Venetos ſummæ eſt autoritatis, & à quo non immerito quis aſſerat reipublicæ incolumitatem præſtari; cuius origo, ut eius ma- giſtratus ratio omnis facilius intelligi poſſit, longius à nobis eſt repetenda. Diuina quadam animi prudẽtia maiores noſtri perſpexere, quemadmodũ in corpore humano putreſcẽte humore quopiam innumerũ ac periculoliſſimi plerunq; morbi accidunt, qui ſæpe etiam interitum adferunt: ita etiam in rebus publicis inſurgere interdum improbos ciues, qui negotium reipublicæ faceſſant, dum potius praue imperare uolunt, quàm legibus parere, ſiue adducti ambitione ac regnãdi cupiditate, ſiue ære alieno grauati, ſeu etiam ſclerum conſciũ, ac metuentes ne poenas daturi ſint: quales Romæ legimus fuiſſe, Catilinã, Syllam, Mariũ, ac de-  
mum

mum Iulium Cæsarem, qui tyrannide  
 potitus rempublicā penitus euertit. In  
 Græcorū etiā rebus publicis alioqui il-  
 lustribus nōnullis eiusmodi ciues præ-  
 ditos extitisse memoriæ proditum est.  
 Nostris uero temporibus compertum  
 est omnibus, omnes ferè ciuitates Ita-  
 liæ quæ populari statu aut etiam opti-  
 matum utebantur, tandem in cuiuspi-  
 am suorum ciuium tyrannidem deue-  
 nisse. Quamobrē omnibus uiribus ma-  
 iores nostri nitendum statuere, ne pul-  
 cherrime instituta respubl. optimisq;  
 legibus confirmata, à quopiam huius-  
 modi monstro uexaretur. Nihil enim  
 magis sibi metuendum esse duxerunt,  
 quàm intestinū hostem & ciuiū inter  
 se simultatem. Cæterum cum animad-  
 uertissent in republica Lacedæmonio-  
 rū Ephoros summæ autoritatis fuisse  
 Romæq; X uiros, qui etiam leges con-  
 diderunt, opere præciū se quoq; factu-  
 ros crediderūt si horum exemplū imi-  
 tati, in dispari tamen causa magistratū  
 summæ potestatis in hac nostra ciuita-  
 te instituerent, cui prouidendi præci-  
 pue

pue cura esset ne qua inter ciues discor-  
dia, quæ seditionem faciat, oriatur: ne  
qua factio, aut ne quis perniciosus ci-  
uis reipublicæ insidias molíatur. quòd  
si quispiã huiusmodi morbus malo fa-  
to in ciuitatem obreperet furtim, sum-  
mam haberet authoritatem in eos ani-  
maduertēdi, ac procurandi ne respub-  
lica quippiam detrimēti patiatur. tam  
magna uero potestas, neq; paucissimis  
cōmitti poterat sine periculo: neq; for-  
midabilis si multis cōmitteretur, futu-  
ra erat. quocirca ut ab utroq; incōmo-  
do cauerent, instituerūt hoc decemui-  
rale collegium. annum hi gerunt ma-  
gistratum, eamq; uacationem habent,  
ut is qui uel per diem in eo magistratu  
fuerit, non tantum eo anno sed futuro  
etiam eius muneris uacationem habe-  
at, neq; fas sit de eo in comitijs decēui-  
ralibus mentionem haberi. quibus de-  
cemuiris principē quoq; & cōsiliarios  
adiunxere, ut uniuersum collegiū sum-  
mam decem & septem ciuium exple-  
ret, quibus hæc summa potestas tribu-  
ta sit. ex decē uiris, singulis mensibus

tres dicuntur ab illis quibus fors obtulerit, qui principes collegij sunt, quicquid materna lingua capita Xuirum appellari consueuerunt: & hi ius cogendi Xuirale collegium habent, referendi quod ad illud. priuatum conclaue habent, in quod quotidie conueniunt: priuatos etiam ministros habent, ianitores, apparitores ac stipatores, adeo ut nullius magistratus subsellia cum maiori obseruantia adeas. adeunt uero omnes illi quibus cum decemuiris negocium est. literas quoque ad collegium scriptas legunt, & de illis ad idem referunt. ne tamen temere senatus ille consulatur, unus tantum ex his principibus referendi ius nequaquam habet, sed duo sunt opus est, qui referre de eadem re uelint, seu quatuor consiliarij. ob eam etiam causam ne quid temere a paucissimis ciuibus immutari possit, illud institutum est, ne si quippiam quod iam sancitum sit abrogare uoluerint, decretum id haberetur, nisi duae collegij partes suffragatae essent. Hunc quoque morem obseruant, ne reum cum de eo iudicium

laturi

laturi sint, in iudicium admittant, neq;  
cognatum aut oratorem quempiam,  
qui eius causam agat: quod tamen ius  
reis cōcessum est, cū apud quemcunq;  
alium magistratū causam dixerint. Ve  
rum huiusmodi institutum in iudicijs  
seruant. à principibus collegij reus au  
ditur, eiusq; dicta omnia scriptis man  
dant. Cū aut causa ad collegiū defert,  
ipsi collegij principes alijsq; iudices qui  
interfunt, & accusatoris & rei uicē a  
gūt: resq; maxima semper adhibita iu  
dicij ratione decernit. Initio Xuirū huic  
tantum rei operā impendebant, ne sci  
licet reipublicæ ciuili concordie quic  
quam officeret. Postea uero grauissi  
ma quædam crimina & enormia faci  
nora huiusce iudicij seueritati ac censu  
ræ cōmissa fuere, ut hi qui rei facti es  
sent, quòd numos adulterinos cudis  
sent, uel quòd uenere mascula usi es  
sent. sed nostris temporibus Xuirūm  
autoritas lōgius serpsit. nam iam non  
nulla maxime arcana, quæ ad reipubli  
cæ gubernationē attinent, ad Xuiros  
deferuntur: licet nihil maioris sit mo  
menti

mēti, nisi è sententia totius senatus decernant, sed & iam pleræq; pecuniarię res ab ipsis administrantur. Quocirca ne in tot tamq; arduis negocijs paucissimis ius esset ciuibus, accersiti sunt in hoc collegiũ Sapientes primi ac secundi ordinis, Aduocatores quoq; & Procuratores sancti Marci, qui magistratus summę est ueneratiõis: suntq; præter hos huic collegio quindecim senatores, quos adiunctos uocant, ascripti. uniuersi tamen hi ius suffragij non habent, sed tantummodo decem & septem priores, & quindecim his adiuncti, adeò ut omnes summam expleant XXXII suffragantium. Ceteri hoc iure etsi omnibus negocijs intersint, priuati sunt, adiuncti quindecim neq; à senatu neq; comitijs magni consilij eligi solebant: sed X uiri quos uoluissent senatores, quindecim collegas sibi adiungere cõsueuerant, qui tamē neq; gentiles eorum, neq; arcta necessitudine coniuncti fuissent. Nunc uero hi comitijs magni cõsilij eliguntur. Maximam ex Xuirali collegio reipublicæ Venetæ utilita



utilitatem extitisse, ipsa experiētia expertum est. nam anno ab hinc decimo supra ducētesimum, Martinus Phaletrus dux, qui tyrannidem moliebatur magnamq; reipublicæ turbationē allaturus fuerat, continuo Xuirūm autoritate ac prudentia oppressus, temeritatis simul & sceleris pœnas dedit: disceptanteq; hoc collegio capite truncatus est, unā cum plerisq; nobilissimis ciuibus, qui cum eo in perniciē libertatis conspirauerant, perpetuaq; ignominie nota fuit affectus. Eo enim in loco in quo imagines omnium principum depictæ sunt, cum elogijs rerum quas optime pro republica gesserint, Martini Phaletri sedes imagine uacua, uersiculis quibusdā inscripta est, quibus legentibus significatur eum ducem pro criminibus (ut nihil immutem) securi percussum fuisse. Perniciosissima certe, & quæ facile perniciem & exitum reipublice allatura fuerat conspiratio, ni decemuiralis collegij autoritate oppressa fuisset. Nōnulli quoq; ciues, qui ambitione ducti periculosas quasdam

leges promulgauerāt, ut auram popularem aucuparentur, cōtinuo Xuirum authoritate compressi reipublicæ poenas temeritatis ac immodicæ ambitionis dederūt. Qua ratione effectum est deo Optimo fauente, ut nullus huiusmodi morbus in hac ciuitate nostra hoc pacto collegij huius autoritate cōfirmata inualescere possit. Iam præcipuæ reipub. Venetæ partes, quibus uniuersa ferè gubernatio continetur, à nobis expositæ sunt. Verū ut omni ex parte institutū à nobis opus perfectū sit, de reliquis quoq; magistratibus docebimus, à quibus tum iura dicuntur, tum pecuniæ publicæ administrantur: necnō de gubernatoribus ciuitatum, quæ sub Veneta ditione sunt, deq; classium, exercituumq; præfectis. Postremo nonnulla instituta exponā quibus optime meo quidem iudicio cautū est, ne populus & plebs minutior ægreferat nullam sibi in hac republica gubernationis partē esse. Docebimus item haudquaquā omissam fuisse, ut pleriq; existimant, publicam ad remp. iuuen-

tutis

cutis institutionem. Verum anteq̃ ad hanc rerum institutionē explicandam ueniam, nō ab re esse existimo, si lectorem admonuero, in ea ratione, qua supra dixi senatum consuli solere, necnon & xuirū collegiū, apparere perspicue mixtionem quandam legū popularis status, & reipublicę optimatiū. Nam quod nihil possit senatus decernere nisi prius de eo ad ipsum senatum à præconsultoribus relatum sit, status optimatiū est. Quod uero præconsultores nullam habeāt potestātē, nisi consulant senatum, eorumq̃ sententia illius autoritate cōfirmata sit, est utiq̃ popularis gubernationis institutum. Itaq̃ non tantū in uniuersa hac nostra republica, uerumetiam in quacunq̃ eius parte, qui recte perpēdet, inueniet hanc quam dixi, mixtionem & temperiem, cum qua rectæ illæ gubernandi rationes, in unam formam atq̃ speciem reipublicæ nostrę coaluerint. sed nostra unde egressa est reuertatur oratio. Omnium ergo prima nobis ea pars sit exponenda, quæ ad ius pertinet.

Vniuersum igitur ius, quod à magistratibus reddi solet, bifariam diuisum est. Nā aut in supplicijs, quæ sumēda sunt de hominibus facinorosis, qui patriā aut ciuem aliquē insigni iniuria affecerint, uel in deos immortales impij extiterint, cōstitutum est. Aut positum est in causis forensibus iudicandis. Idcirco etiā Venetijs duo genera iudicum sunt, horum alterum causis forēsis, alterum uero iudicijs rerū capitalium præficitur. Primum itaq; de criminosorum hominū iudicijs, mox de forensibus dicemus. Delictorū quædam minutiora, uel suapte natura uel peccantium hominum conditione habentur. Nōnulla grauiora & maioris momenti, aut genere ipso peccati, aut peccantium nobilitate. qua de re duplices quoque sunt capitalium rerū magistratus instituti, ad horū alteros grauiores causæ & insigniora facinora deferuntur, ad alteros uero leuiora. Hac ergo ratione iudicia uniuersa in repub. Veneta perquam egregie diuisa atq; constituta uideri possunt; nos de insignioribus

bus primo, subinde de alijs dicemus. Præter delicta quæ Xuirum censuræ commissa esse supra diximus, grauiora omnia crimina Aduocatoribus referentibus collegioq; quadragintaui-  
 rali disceptante discerni solent: pœnaq; constitui his qui in eis deprehensi fue-  
 rint pro criminis qualitate. quadragin-  
 ta hi uiri, qui criminum causis præfecti  
 sunt, criminales uulgo appellari cōsue-  
 uerunt. Aduocatorius magistratus pri-  
 scis temporibus magnæ fuit autorita-  
 tis incredibilisq; exiſtimationis: cuius  
 præcipuum munus est, legū custodiā,  
 ne aliqua scilicet in parte legibus offi-  
 ciatur. Quamobrem quilibet eorum,  
 qui in eo sunt magistratu, eam propè  
 intercedendi potestatem habet, quam  
 apud Romanos tribuni plebis obtine-  
 bant: sed illi ut tuerentur libertatē ple-  
 bis Romanæ, nostri uero ut uim legū  
 tueantur: quare non immerito tribuni  
 legū uocari possent. Nos uero ne per-  
 spicuitati, cui præcipue operā damus,  
 ulla in parte officiamus, à communi u-  
 sitatoq; uocabulo non recedemus. Illi

ad populum seu plebem referebāt, nostri uero Aduocatores ad quadraginta uiros de leuioribus causis referunt. De maioribus aut ad senatū, & de maximis interdū, si ita eis uisum fuerit, ad maius consiliū referunt. Quamobrem antiquitus magna erat huius magistratus autoritas. Nunc uero quoniā Xuirū autoritas latius euagata est, ideo Aduocatorum existimatio obscurata est, eorū autoritate imminuta. Cæterū quū is magistratus tam amplam obtineat intercedendi potestatem, in omnibus, legūq; custodiā ad eum potissimū pertineat: atq; hi qui facinus aliquod perpetrarint, maxime contra leges fecisse uideant, præcipue illustres ciues, quorum interest præter alios reipublicæ cōseruandæ operā dare: idcirco peculiari quodam modo huiusmodi delicta censura Aduocatorū uisa sunt esse corrigenda, licet ipsi nullā habeant potestatem quippiam cōtra reos statuendi, præterquam in paruis quibusdam causis, cætera omnia de consilij sententia statuuntur. Hoc in loco non ab re futu-

futurum duco si omnem iudiciorū capitalium rationē explicuero, quæ Aduocatoribus referentibus fiunt; quandoquidem nullibi quod sciam modus hic seruari soleat: simulq; (ut arbitror) satis perspicuum faciemus, quam nam auctoritatem habeat hic Aduocatorius magistratus. Quum crimē aliquod ad Aduocatores delatum fuerit, si res digna censeatur eorum censura, cōfestim uel ab omnibus uel etiam ab uno tantum, nam tres ei muneri præfecti sunt; interdicitur, & reus efficitur ille, cuius nomen delatum sit. Deinde ab intercessore refertur de eo crimine ad consilium illud quod maluerit Aduocator qui intercesserit, quamuis plerunq; consulatur XLuirale collegium, quod iudicijs capitalium criminū præfectum est. Ibiq; causa recitata, de cōsiliij sententia decernitur, an reus sit in carcerem conijciendus, & quæstioni adhibendus, an potius solutus causam dicere debeat. Post id iuxta decretum consiliij accersitur reus, uel clam capitur ab apparitoribus Aduocatorū magistratus

gistratus: ibiq; siue solutus siue in uin-  
 culis coactus de eo crimine rogat, re-  
 spondet, testes utrinq; citantur, omnia  
 scriptis mandant, siue pro reo siue con-  
 tra reum faciunt. Hac ratione tota cau-  
 sa in codicem publicum relata, omni-  
 um quæ scriptis mandata sunt reo fit  
 copia: cōstituiturq; tempus, quo doce-  
 re causam possit aduocatos atq; orato-  
 res, quos sibi adhibuerit, illiq; possint  
 omnia diligenter perspicere, quæ reo  
 patrocinentur, necnon etiam cogitare  
 quo pacto obiectum crimen testimo-  
 niâq; reo aduersantia diluere possint.  
 tandem causa incipit agitari. Hac in  
 parte non est reticendus mos maiorū  
 ad nostra usq; tempora perductus. si e-  
 nim fortè quispiam reus factus tam te-  
 nui re familiari fuerit, ut sumptum fa-  
 cere nequeat in conducendis aduoca-  
 tis, qui partes suas tueantur, orator,  
 qui conductus reipub. stipendio est, id  
 munus habet, suscipit inopis illius rei  
 partes tuēdas. sic enim lege cautū est,  
 ne ullus indicta causa puniatur. Post-  
 quam uero satisfactum fuisse reo uide-  
 tur



tur, neq; ad sui defensionē quippiā amplius desiderandum fuerit, Aduocatores consiliū indicunt, diemq; reo cōstituūt, quo causam dicturus sit. Cōsilio coacto magistratus hic Aduocatorius accusatoris uice fungitur: eosq; qui in eo sunt magistratu maxime decet, ut accusatores acerrimos agāt, qualis (dū modo id assequi possint) fuit Cicero in Verrem, in M. Antonium, dum tamē illi maledicere parcant, neq; extra causam maledicēdo uagentur. Nam is qui maledictis indulget, potius inimici & prauī hominis officiū facere, quā rei publicæ causam agere uidetur. Hac enim parte apud Venetos longe secus res se habet, quā apud Romanos. Olim Romę quiuis ciuis alteri diē dicere poterat, eūq; quā acerrime accusabat apud iudices. Venetijs uero nemo priuatus hoc munus obire potest, sed ex reipublicæ lege officium illud est Aduicatorij magistratus. Qua in re magis naturam rerum imitati, sapientiusq; concordia ciuium consuluisse maiores nostri uideri solent q̃ Ro-

mani

mani. Nam quoniam qui facinus aliquod perpetravit, maxime leges & re publicam læsit, ideoq; præcipuè reipublicæ pœnas dare debet, iure magistratus is qui tuendis legibus præest, à facinoroso homine pœnas poscere, atq; ad id omni studio eniti debet. Contrà privati officiũ est illatas sibi iniurias obliuisci, facileq; reo concedere. Præterea nullus priuatus ciuis potest accusatoris personã sibi sumere absq; maxima inuidia & incredibili odio eius, cui diem dixerit: ex qua re facile seditiones oriuntur inter ciues: atq; id incõmodũ à nostris perquàm egregie uitatũ est, uniuerso hoc accusandi munere magistratui demandato, qui non priuata similitate ductus, sed ex legis instituto id agat. quo effectum est, ut nunquã ferè auditum sit Aduocatorum cuiuspiam uicio datum fuisse, quòd uehementius in reum sit inuectus, aut nimis acrem accusatorem se gesserit. imò qui acriter in hoc officio uersatur, magnam sibi laudem cõparat apud uniuersos ciues. Sed ad incoẽptam iudiciorũ rationem

nem redeamus. Agit ergo coacto consilio Aduocator partes accusatoris, orationemq; in reum habet acerrimam, crimina & facinora obijcit primū, deinde testibus obiecta confirmat ac uerisimilibus cōiecturis astruit. Postquā dicendi finem fecerit, agitur causa rei ab eo patrono, quem sibi asciuerit. deinde si Aduocatorum quispiam antequam iudices sententias rogentur, dicere uoluerit, locum dicendi habet: similiter aduocati rei respondendi & obiecta crimina diluendi facultatem habent; eaq; ratione causa utrinq; agitur, donec alter eorū, siue reus siue Aduocator, cui dicendi locus, succumbēs se amplius dicere nolle pronūciauerit. Perorata causa reus eiusq; patroni discedunt ē curia iudicū, cum iudicibus clauduntur in conclauē Aduocatores eorumq; scribæ, præterea nullus. Aduocatores primū de puniendo reo ad iudices referunt, sententiasq; rogant, an puniendus uideatur, nulla tamē adhuc cōstitutā certa pœna, quē morem Athenienses ferē seruabant. Athenis  
namq;

namq; iudices sententias duplices ferebant, primas an reum absoluerent aut condemnarent. secunda deinde, si priore condemnaretur, pœna constituebatur, ut ex Apologia Socratis apud Platonem perspicue intueri licet. Cōsimili iudiciorū ordine & propè pari mos utitur ratione. Refertur igitur primū ab Aduocatoribus, de condemnando reo iudices in suffragia eunt. omnia namq; consilia apud Venetos res omnes suffragijs decernunt. tres urnę deferuntur, quarū una reus condemnat, altera absoluit penitus absq; mūlcta, tertia colliguntur suffragia eorum quibus nondum liquet utrum sit statuendum. Prima urna qua cōdemnat reus albi coloris est, secunda qua absoluitur uiridis, tertia rubei. unusquisq; iudicum, siue causa disceptantibus XL uiris ( ut plerunq; ) agatur: siue senatus consulatur, quod raro accidit, in grauioribusq; causis tantum fieri solet: siue ad magnum consilium ab Aduocatoribus relatum sit, quod rarissime accidit, grauissimisq; in causis fieri cōsueuit

uit, clàm, ne quis uideatur, suffragium suum dimittit, seu pilulam lintheam in eam urnam, quam maluerit. Postea à præfectis consilij suffragia numerantur. Quòd si plures dimidijs reum absoluerint, confestim pronunciaturs absolutus: estq; Aduocatorum rogatio re pudiata. sin uero plures dimidijs damnauerint, ilico pronunciant damnatũ. At si neutri dimidium excedant, puta quòd multi sint iudicum quibus nondum liqueat, pronunciant reum comperendinatum fuisse, iudicesq; causam amplius discuti uelle. si absoluitur, nihil amplius negocij habet, sed euestigio liber dimittitur. si comperendinatur, iudicibus & reo dies statuitur, qua denuo causa Aduocatoribus accusantibus patronisq; obiecta crimina diluentibus agatur. Post dictam & peroratam causam iudicum suffragia repetuntur. Quòd si ex numero suffragiorum, qui in neutram uenerant partem dimidiũ summæ non excedant, nihilq; decretum sit, iterum pronunciat reum comperendinatũ, & tertio consilium

i      dicitur

dicitur. Cōstituta die, qua tertio quoq;  
causa eodem modo repetatur, demum  
in suffragia itur, nec tamen amplius ra-  
tio ulla eorū habetur, quibus nondum  
liqueat. Idcirco nisi paria fuerint suffra-  
gia, necesse est reum uel damnari uel  
absolui, si absoluator, iam dici nihil am-  
plius ei negocij esse. sin uero pronun-  
ciatur damnatus, decernit̃ quanā pœ-  
na in eum sit animaduertendum. de ge-  
nere pœnæ referūt, tum Aduocatores,  
tum præfecti collegio iudicum. mos ta-  
men est, ut Aduocatores eam pœnam  
proponant, quæ pro genere criminis  
uideatur acerbissima. etenim huius ma-  
gistratus officium est, ut ad seueritatem  
inclinet. Alij leuiiores pœnas propo-  
ne re consueuerunt, nisi crimen fuerit a-  
deò atrox ut clemētiae nullus sit locus,  
seu Aduocatores lenius egerint quàm  
eum magistratum deceat. propositis o-  
mnium sententijs eodem fermè modo  
decernitur pœna qua reus ille sit affici-  
endus, quo suprà diximus senatuscon-  
sultū fieri solere ubi præconsultorum  
sententiæ uariant. quam rationē si hoc  
in lo-

in loco repere uellem, importuneq; tedio afficere lectorem, merito ineptus haberi possem. hoc tamen dixisse satis est, eam sententiam iudicum pronunciari, quæ reiectis alijs plura dimidijs suffragia tulerit. Hoc in loco mihi uideor non ab re facturus, si bina instituta annotaui prudentissime à maioribus nobis tradita. Primum est quòd nullius rei seu iudicij quempiam magistratum ne dum ciuem sine prouocatione arbitrum esse uoluerunt, sed omni in re summum ius atq; arbitrium esse consilij seu collegij tributum. Alterū uero non minus utile superiori, quòd uolueret iudices non ore sententias dicere aut palàm statuere quidnā sentiant, sed clàm suffragijs discernere quod maluerint. utrumq; sanè meo iudicio prudentissime institutū. nam quod summa auctoritas nulli magistratui concessa sit, recte se habet. etenim tū periculosum est paucis ciuib; summam cuiusq; rei concedi & committi: tum illud cauet, ne si fortè res deliberata male cesserit, ciuitas de paucis ciuib; queri posset.

Quòd uero clàm decreta iudiciaq; fiāt non minore prudentia sancitū est. nam & iudices liberius iudicant. quòd si palàm sententiam dicerent, interdum uel ambitione abducerentur ab æquitate iudiciū, uel amici ac bene meriti de se curius offensionem uererentur, & quandoq; potentioris indignationem extimescerent. Illud quoq; prouisum est ut quisq; iudicum iudicio suo nitatur, nec ab alterius iudicis authoritate penderet: quod facile accidere posset si ille qui prior dixisset sententiam prudentissimus ac scientissimus haberet. quo circa nec etiam ab excellentissimis philosophis genus hoc iudiciorum omissum est. sed ad rem redeo. Postquam omnis iudiciorū ratio à nobis exposita est, ad XXXX. capitalium causarum iudices de quibus dicendum instituerā reuertar. Horum collegium à ciuitate nostra creatum est, ad quod Aduocatores de causis capitalibus referant: eoq; deliberante fontes puniuntur. Ideoq; non nisi causis grauissimis, ubi etiam reipublicæ intersit in utram partem iudicium cesserit



cesserit, Aduocatōres senatum consu-  
lunt. Verum omnes capitales causæ ad  
hoc quadragintauirole collegium de-  
feruntur : cuius sententia rata est nul-  
lusq̃ ab ea amplius est prouocationi  
locus. gerunt hi magistratum octime-  
stre, postquā sedecim menses exple-  
uerint in forensibus causis iudicandis.  
Tria nanq̃ collegia in republica Ve-  
neta sunt, quodlibet ex XXXX iudi-  
cibus constat. duo forensibus causis iu-  
dicandis præfecta sunt, tertiū de quo  
agitur capitalibus. hac tamen distribu-  
ta ratione sunt, ut quamprimum magi-  
stratu functi sunt capitales hi iudices  
ipsi in ordinem redigantur, alijsq̃ XL ui-  
ri magnis cōsilijs comitijs sufficiuntur.  
Non tamen hi suscepti confestim ad iu-  
dicandas capitales causas accedūt, sed  
collegium illud XXXX uirole quod  
urbanis causis decernendis octimestri  
eo temporis spatio præfectum fuit, su-  
bit in locum capitalium qui iam defun-  
cti sunt magistratu. his uero forēsis  
atque urbanis iudicibus tertij XXXX  
uiri, qui item eo octimestri interuallo

externorum causas iudicarunt, in eorumq; locum illi nuper suffecti subeunt. sicq; per uices iudē iudices & de forensibus causis tum urbanis tū exteris & de capitalibus decernunt, ac totū bienium in iudicijs ijs uersant. Tria hæc collegia iudicum proprias habent appellationes. Primum, ad quod exterae causæ deferunt, nouum nominat. Secundū, quod urbanis præficitur, uetus dicitur. Tertiū, quod de capite fontium iudicat, criminale à criminibus dicitur. hi quadraginta uiri criminales nuncupati præterquam quod in causis criminalibus siue capitalibus summā iudiciorum habent, admittuntur etiam in senatum & ius suffragij in eo ordine continent. Habēt præterea triumuiros ex suo ordine, qui singuli quibusq; binis mensibus sorte educunt, ac per uices semper assident duci & consiliarijs, paremque illis auctoritatem ad senatum referendi de quacumq; re uoluerint habent, necnon ad magnum consilium, eo tamen modo quo supra tetigi. nec absq; ratione **XXXX** hi iuniores uirise

ri senatoribus, qui plerunq; senes esse solent admixti sunt, ut scilicet naturalis senum frigiditas iuuenū calore temperetur. Non tamen iuniores hi senib. numero pares sunt, sed longe pauciores, tot tamen ut aliquod caloris uestigium in senatusconsultis apparere atq; inesse queat: quod quandoq; in rebus agendis perquam necessariū est. nec non etiā senatoria autoritate x x x x his uiris cōcessa reipublicæ administratio aliqua in parte inferioris notæ ciuib. communicata uideri potest, quales plerunq; hi sunt qui quadragintaui ratum gerunt, in quo ordine populari quadam lege maiores nostri usi sunt. Nam tribus his x x x x uirū collegiis singulis quibusque diebus quibus conueniunt certum ex ærario stipendium constitutum est. Ideoq; raro admodum diuites ciues hunc magistratum petunt, facileq; si petierint repulsam ferunt. uerum egenis ciuib., probis tamen hominibus, facilis est ad hunc honorem accessus. Qua ratione tum inopiæ proborum ciuium aliqua in parte

consulitur: tum etiam reipublicæ administratio non tantum diuitibus & insignioribus ciuibus, quod optimatiū est status & paucorum potentia, cōmissa est: uerum etiā aliqua in parte mediocri tamen, ciues inferioris ordinis ad rempublicā accessum habent: qui mos pertinet ad popularem statum. Ex his compertum cuilibet esse potest, in omni parte reipublicæ Venetæ temperationem illam apparere, quam in exordio opusculi huius iam pridē diximus: maiores nostros plurimum studuisse, ut scilicet popularis status ratio optimatiū gubernationi permixta esset: eo tamen temperamento adhibito, ut plures optimatium partes essent. satis itaq; iam a nobis cum de Aduocatoribus tum de XXXX uiris dictum arbitror qui criminales iudices dicuntur: & qui instituti sunt ut in crimina seu genere peccati seu peccantiū insigniora animaduertent. Nunc tempus postulat ut de nonnullis inferioribus magistratibus qui ulciscendis delictis & maleficijs præsumt, minutioribus & genere ipso

ipſo peccati & perſonæ fortuna, pauca quædam perſtringamus. Hi quoq; duplices ſunt, nam quidam ius capitis habent. unus uero omnium minimus de capite iudiciũ ferre non poteſt: ſed in uiliſſimos homines atq; meretrices animaduertit, atq; id genus hominum uel uirgis cædi iubet uel in carcerem conijci, prout quemque peccaſſe conſtiterit. Prior uero magiſtratus qui capitis iudiciũ ferre poteſt, bipartitus eſt. Nam non ijdem iudices quærunt de crimine & quæſtioni reum adhibent ac ſententiam ferunt, ſed priores noctis præfecti totam prius cauſam reorum agitant ac ſcriptis mandant quæ teſtes dixerint quæq; uel ſponte uel coacti tormentis rei confeſſi fuerint. Demum omnem cauſam ad iudices proprietatũ deferunt. Diuerſus à priori hic eſt magiſtratus, hiq; ſententiam ferũt, ubi de cauſa capitis agitur. quòd ſi leuius fuerit delictum ut tantum uirgis cædendus aut carcere aliquot mēſes coercendus reus eſſe uideatur, noctis præfecti totā cauſam expediunt, neq; collegium

quadraginta virale cōsulūt, siue cōiñcere quempiā in carcerem uoluerint, siue quæstioni adhibere: q̄ tamen Aduocatorius magistratus ius minime habet, uerū opus est ut prius collegium consulat, auctoritateq̄ illius decreti collegij nitatur. neq̄ sine magna ratiōe hoc ita institutū fuisse uidetur. Nā si pro quolibet crimine etiā reis hominibus qui nihili sunt cōsiliū cōsulendum esset, incredibile negotium reipublicæ administrationi facefferent: sōntibus etiā uiris maior peccandi licentia tributa esset, maiori impunitatis spe propofita. Vtergo iudicia huiusmodi expeditiora essent, Præfecti noctis etiā auctoritatem qua Aduocatores priuati sunt obtinent. Præfecti noctis sex sunt: sex item in minimo eo magistratū cui in infimos tantum homines leuibusq̄ criminibus ius est. Capita tribuum ciuitatis appellātur, hi qui eum magistratū gerunt: quoniā ex unaquaq̄ tribu, in sex enim tribus tota ciuitas diuisa est; tum eos præfectos noctis, tū caput tribus eligūt: quo more etiā in cōsiliarijs eligen

eligendis uti solemus, quod superius à nobis minime omissum fuit. Viriusq; præterea magistratus officium est, ut uicissim modo præfectus noctis, modo caput tribus, suam tribum circueant ad gallicinium usq; cum publicis stipatoribus & apparitoribus armatis, prouideantq; ne per nocturnas tenebras quæ maiorem licentiam præstare hominibus scelestis solent, cuiuspiam fiat iniuria: neue fur clam domum quampiam fodiat, aut ne latro ullas per uias grassetur in quenquam. In primis Venetæ urbis originib. uterq; hic magistratus magnæ æstimationis erat. Postmodum ad iunctis nouis reipublice magistratibus prout ratio temporum & comoditas exigebat, horum dignitas & autoritas est obscurata: summaq; potestate ad novos magistratus translata parua quedam & uiliora negotia uelut feces in eorum subsellijs residere. Hactenus de magistratibus qui capitales causas decernunt dixisse sufficiat. De forensibus in sequenti uolumine dicetur.

Libri tertij finis.

## CASPARIS CON

TARENI PATRICII VENE

ti, De magistratibus & repub-  
lica Venetorum, liber  
quartus.

M

o s ille in repub-  
lica Veneta perpe-  
tuus semper fuit  
ne quisquam ma-  
gistratus in maio-  
ribus causis sum-  
mam auctoritatem

haberet: sed summum illud ius collegio  
rū & consiliorū ut usitatus loquar esse  
uoluerunt. Ideo in forensib. quoq; cau-  
sis, quæ summam quinquagintaquinq;  
nummorū aureorū excefferint, nullus  
magistratus est à quo non sit prouoca-  
tio ad auditores urbanarum causarū,  
qui lingua uernacula ueteres appellan-  
tur, & ad collegia quadragintauirū de  
quibus suprà meminimus. At ut per-  
spicue tota hæc iudiciorū forensium ra-  
tio intelligat̃, ab auditoribus, qui qui-  
dem



dem duplices sunt, ordiemur. noui-  
tenim siue recentes atque ueteres sunt.  
Veteres à uetustate nomē sortiti, quòd  
hic magistratus apud Venetos multo  
uetustior sit quàm alter, qui non prius  
in hanc rempublicā inductus est quàm  
continentis imperium habuerit, mul-  
tis seculis post urbem conditam. Vete-  
res hi auditores eandem ferè autorita-  
tem obtinent in iudicijs causarum fo-  
rensiū quæ urbanis iudicijs disce-  
ptantibus dijudicantur, quam Aduoca-  
tores in plerisq; omnibus rebus, si qua  
in parte uiderentur officere legibus, in  
tercedendi inquam. cum ergo à iudici-  
bus urbanis contra aliquem sententia  
lata fuerit, licet illi ab eorum iudicio  
ad auditores prouocare. Causa ad eorū  
subsellia deducta, & ultro citroq; agita-  
ta ab his inter quos controuersia fue-  
rit, nisi summam excedat quinquagin-  
ta aureorum numūm, omnesq; iudices  
in eandem sententiam conuenerint,  
possunt ipsi absque quadraginta uirum  
collegio rem decernere. quòd si inter  
se dissenserint, uel eorum unus autori-  
tatem

tatē habet intercedendi : causaq; illa apud minimū quoddam collegiū agitatur, in quo uterq; auditorum magistratus tresq; alij iudices conueniunt : ibiq; minores hæ causæ dñjudicantur. Quòd si uniuersa causa eam summam excedebat, ante nostram ætatem non poterat ad Quadraginta uirū collegiū res deduci, nisi aliquis auditorum latæ sententiæ à iudicibus intercessisset, de eaque ad quadraginta uiros retulisset. Nostra uero tempestate lata lex est, qua conceditur illi contra quem priores iudices sententiam pronunciauerint, ut post tres exactos menses quamuis nullus auditorū intercesserit, possit diem aduersario dicere, & ad collegiū prouocare. qua lege auditorum authoritas ualde est imminuta, quamuis eius magistratus cum intercedunt nonnihil ad causam obtinendam ualeat. Nam neq; tres menses operiri oportet, eorumq; intercessio uelut prærogatiua iudici uideat̃ esse. Si auditor intercesserit, prioribus iudicibus diem dicit, collegiū quadraginta uirū adi-

tur.

tur. Ante nostram ætatem uterq; magistratus orabat coram collegio, sententiamq; uterq; suam tuebatur. sensim uero per segnitiam iudicum in desuetudinem abiit, ut priores iudices quorum sententiæ intercessum sit intersint quū apud quadraginta uiros causa agitat, ne dum orent; sed de eis per tabellionem dicto respondent ius fieri debere. Mos uero ille ut auditores primum referrent ad collegium de causa cui intercessissent, orationemq; haberēt, ad nostra usq; tēpora deductus est. Nūc uero penitus intercidit, sed patroni tantum eorum inter quos controuersia fuerit, hoc munus defunguntur, tuēturq; suorum clientum causas: quibus rebus effectum est, ut dignitas auditorij magistratus, quę diu illustis erat, nostris tēporibus obscura admodum & immiuta sit. Quadraginta hi urbanarū causarum iudices eundem ferē morem seruāt in iudicando, quē à iudicibus quadraginta capitalium causarum seruari solere diximus. hoc tantum discrimen est, quod in causis in quibus de ca  
 pite

pite agitur & fortunis reorū, nullū certum orandi tempus statutum est. In his uero urbanis litibus præscriptum est temporis interuallū ultra quod orationem protendere non possunt: id est hora cum dimidia tantū cui libet oranti cōcessa est. neq; in forēnsibus ijs causis iudicandis uariæ referuntur sententiæ ut eam collegium eligat quam maluerit, quemadmodū in sumendis pœnis à nequam hominibus fieri solere superius dictum est: sed tantū refertur an lata prius à iudicibus sententia cōfirmanda sit uel potius abroganda. de abrogatione refertur, si auditor quis intercesserit. q̃ si non fuerit intercessum, sed sine intercessore causa ad collegium fuerit deducta, præfecti collegij perorata utrinq; causa non de abroganda sed de confirmanda sententia lata referunt, Iurati iudices omnes in suffragia eunt. Tres itē urnæ deferuntur. uiridi abrogatur id de quo relatum fuerit, candida approbatur, rubea uero eis destinata est quibus nōdum liqueat, sed uelint causam ampliari. nihilq; decretum habetur nisi  
plures

plures quàm dimidiū abrogauerint aut approbauerint. quòd si tot iudiciis nondū liqueat, ut in neutram partem iudicium factū sit, causa ampliata pronuntiatur ad alterā diem, qua eadem fere repetunt. quòd si etiam eadem die iudicium pendeat, tertio cogitur collegium, causa repetitur. qua perorata utrinq; itur in suffragia, neq; amplius ulla eorum iudicium quibus nondum liqueat habet ratio. quare nisi paria fuerint suffragia, in alteram partem fit decretum, siue de abroganda siue de confirmanda sententia lata. Abrogata sententia nequaquā adimitur potestas actori, quin de eadem re iudicium repetere possit. Nihil enim abrogatione statuitur, sed tantum lata sententia antiquatur. Confirmatione uero & approbatione rata fit sententia quam priores iudices pronunciauerunt, neq; amplius prouocationi est locus, neq; iudicium repeti potest super eadem re, nisi causæ quippiā noui accedat. Atq; satis hactenus de auditoribus ueteribus dictum sit; nunc pauca de recentioribus per-

k stringa

stringamus. Hic magistratus in nostra repub. non fuit prius institutus, quàm in cōtinente æstuarijs ipsæ finitima Venetum imperium extendi cœpit. Ad hos à prætorū iudicijs prouocatio est, aliorum uel magistratuum qui extra urbem populis qui in nostram uenerunt societatem ius dicūt. Veteres enim auditores utrisq; urbanis scilicet & exteris, causis haudquaquā satisfacere poterant. Quamobrē eam appellationē etiam sortitus est, ut nouorum siue recentium diceretur. Nam post constitutam rempublicam imperiū Venetum extendi incepit in Venetiā oram, quæ ad ueteres dominos ueluti quodam postliminio uolens ac libens rediit. Et enim ut in exordio operis ostendimus, nobilissimi quiq; prouinciæ Venetæ barbarorum impetum Italiæq; totius deuastationem fugiētes se in nostra æstuariā receperunt, urbemq; hanc opulentissimam condidere. Cui etiam nomen Venetiæ indiderunt multitudinis numero: ut significatum posteris esset eò omnium ciuitatum Venetiæ regionis

his nobilitatis florem conuenisse. Igitur cum breui imperium Venetum creuisset in immensum, unus haudquam magistratus urbanis & exteris causis satis esse poterat. Idcirco nouus hic institutus est, nouumq; quadragintauirole collegium. Prouocatio quoq; quæ ab alijs qui extra ius dicunt fit, ad horum subsellia defertur. atq; hoc demum collegio disceptante omnes eiusmodi causæ discernuntur. eadem in omnibus ratio est, parq; modus huius magistratus & collegij, quem modo ab auditoribus ueteribus & collegio quadragintauiroli urbanarum causarum iudice seruari solere docuimus. illud tantum ius auditoribus recentibus additum est, quod in causis quæ summam quadraginta nummorum aureorum non excefferint latam sententiam, à qua ad eos sit prouocatum, moderari queunt, eiusq; partem si ita ipsi uideatur, abrogare, partem uero comprobare, dum modo omnes in eandem sententiam conueniant. quod ea de causa institutum, ne exteris homi-

nibus & aduenis, quorum præcipue rationē haberi debere summi philosophi tradidere, maius negociū fieret, sed sine magno rei familiaris dispendio litium exitum inuenirent. Hoc iure ueteres priuati sunt. necesse enim illis est ut aut totam sententiam approbēt, uel totam rescindant, atq; irritam faciant. Sic noui hi in intercedendo reliquis omissis parti intercedere possunt: at ueteres contrā, aut enim totī intercedunt, aut uniuersam integrā dimittūt. Hocq; pacto exterorum lites breuiori spacio dirimūtur, quā causæ urbanæ: quamuis patronorū & iuriconsultorum uersutia, quæ nihil etiam contra fas intactum relinquit, in immensum quæ uis lites protrahūtur. quod ubiq; gentium fieri solet, ubi nō temere sed statuto ordine iudicia fiunt. Explicata ferè à nobis est iudiciorū ratio, superest ut paucis perstringamus eos magistratus qui primī in causis urbanis ius dicūt, à quibus ad ueteres auditores prouocationes fiunt & ad collegium quadraginta uirorum; quorū iudicium sex sunt subsellia



sellia pro qualitate causarum & personarum distributa. nam aut lites sunt de mercatura rebusq; ad negotiatores spectantibus, uel de ædibus & fundis quæ intra æstuaria fuerint: aut de possessionibus & agris quæ in terra continenti sunt, aut de quibusuis alijs cōtractib. stipulationibusq; personæq; quæ lites inter se conferūt, aut sunt ciues, aut exteri, seu ciues cū exteris: uel demū cū pupillis res habet, aut agunt uiduæ fœminæ post obitū mariti de dotibus recuperandis. ne ergo inter tot diuersorum generum iudicia turbatio esset, nèue aliud aliq; impedimentum afferret, plura instituta fuere iudicum subsellia: ita ut quantum fieri posset unusquisq; pro ratione negocij & litis suos iudices cognosceret. quæ enim lites ad ædes siue fundos intra fines Venetiarū positos, id est in æstuarijs existētes pertinet, hæ omnes à iudicibus qui proprietatum nominantur dijudicantur: quos etiam adeunt uiduæ dotes ab hæredibus maritorum defunctorum repetere uolentes. Hancq; appellationem habuerunt.

quòd maiores nostri ea tantum ciuium  
suorum propria existimarunt, quæ in  
æstuarijs essent posita, utpote quæ ad  
alienos dominos non facile transferri  
possent. Cætera uero in continenti exi-  
stentia, siue agri siue domus fuissent,  
utpote quæ facile inuito à dominis pos-  
sent auferri, iniuriæq; magis exposita  
essent, mobilia dici uoluerunt. quòd si  
de fundis continentis oræ controuer-  
sia fuerit, iudices procuratorum sunt  
adeūdi. ñsdem iudicibus cum pupillis  
qui adhuc tutores habeant, contendas  
oportet. qua de re ñ iudices id quoque  
nomen obtinuerunt. nam apud Vene-  
tos curatores & tutores, & procurato-  
res appellari consueuerūt. Si item lis de  
mercimonijs interciderit & ad merca-  
turam spectet, subsellia iudicū adeun-  
tur qui ex ea re iudices seu cōsules mer-  
catorum nominantur. hi maiori quo-  
dam compendio iudicant quàm alijs fo-  
renses magistratus: quod ea ratione in-  
stitutum est, ne longioribus litibus im-  
pedimentum moræ fieret negocijs  
mercatorum, quæ assiduam quandam  
operam

operam exigūt. At si inter exteros homines lis fuerit, uel quispiam ciuiū hospiti diem dixerit, opus est accedat iudices qui ab aduenis nomen habent. Cæteræ uero omnes causæ contractus ac stipulatī, ex quibus quispiam ab alio sibi aliquid deberi contendat, idq̃ iudicio petat, iudicibus ueniūt qui petitionum nuncupantur: hiq̃ prætoris urbani uicem gerunt. Sunt præterea minimæ quædam, quibus dī iudicandis præfecti sunt iudices mobiliū dicti. Est & præter hos magistratus alius, qui si quid inuentum fuerit aut olim reconditum aut nuper amissum, an ad ærariū aut ad priuatum quempīā, an uero ad eum qui reperit, res ea pertineat decernit, omnesq̃ huiusmodi controuersias dī iudicat. Expedita uniuersa iudiciorū ratione ad eos magistratus accedamus qui ærarij curam habent, quibus uel pecuniæ publicæ administratio cōmissa est. Hi fortasse alicui plures esse uidebuntur quàm par sit, paucioribusq̃ uniuersæ rei pecuniariæ satisfieri posse. Verum hac in parte id est animaduertendum

dum patres nostros summam diligentiam adhibuisse ne in administrandis pecunijs publicis aliqua fraus fieret. arbitrati enim sunt ex ærario ueluti alimentum uniuerſis reipublicę partibus ſuppeditari, quo deficiente ſeu imminuto deficere quoq; rempublicam aut minui opus eſſe. Quocirca legē etiam fecerunt, qua ſancitum eſt, ut ſi quis ciuis peculatus damnatus fuerit, perpetua ignominia nota ſingulo quoq; anno repetita inurereſ. Maiori enim conſilio coaſto in concione ciuium omnium ſtatuta die ab Aduocatore omnes illo crimine damnati pronunciantur: ut qui tantum ſcelus auſi ſunt, perpetuę ignominiaę poenas luāt. Sed ne ab inſtituto longius digrediamur, magiſtratus qui ærarij curam habent, duorum ueluti generum ſunt. Qua ratione publicę quoq; pecuniaę diuiſæ ſunt. nã uel ex publicis uel ex uectigalibus in ærarium conferunt; uel interdum cum redditus reipublicę impenſis minime ſatisfacere poſſe uideatur, à ciuib; procuiuſq; cenſu ſoluitur, ſæpe etenim id neceſſum

neceſſum mari aut terra ingruentibus bellis, quibus ciuitas noſtra frequenter uexari ſolet: ſiue Turcis in noſtram ditionem irruentibus, quorū impetum non ſine maximo detrimento complures annos ſuſtinuimus, acerbiffimūq; hoſtē in uniuerſam rempublicam Chriſtianā ſequentē continuimus. Aut Chriſtianis principibus quibus imperij Veneti amplitudo quandoq; officiit, in perniciem noſtrā conſpirantibus: ut anno ab hinc X V. cum omnes ferē Chriſtiani principes inſito inter ſe ſœdere in exitium imperij noſtri conſpiraffent. ſed dñs bene iuuantibus impetus omnium ſunt reſpreſſi, reſq; pene collapſa in integrum reſtituta eſt. Duplex ergo cum ſit publicæ pecuniæ genus, duplices quoque magiſtratus ei rei ſunt præſecti. Quidam enim pecuniæ ex cenſu ciuium collatæ præficiuntur: alij uero redditibus & uectigalibus reipublicæ. Vectigalia quidem exiguntur ab his quæ exportantur ex urbe, aut in urbē importantur. Quædā uero ex ciuitatib. quæ in ſocietatem imperij Veneti ſunt ad-

scite. Urbana uectigalia cū propter maximam mercium copiam mercatorūq; conuentum, tum ob ingentem hominum multitudinem qui hāc ciuitatem incolunt, maiora sunt quā quæ sibi quis persuaferit. mercium rerūq; urbanarum uaria sunt genera: ideo diuersi quoq; magistratus sunt instituti, prout scilicet commodum uisum fuit his qui locandis exigendis hisce uectigalibus præsunt: quos si singulatim enumerare fastidio potius afficerē quā quod ex ea narratione aliquid uoluptatis essem allaturus. Illos etiā magistratus qui temporarij sunt, quod interdum tēporum ratio ita poscere uideatur, prætermittēdos esse duco. In summa, horum omnium magistratuū officium illud est, ut caueant ne per dolum aliquid pecunię publicæ auertatur, aut per inertiam pereat. Ipsi quoq; omnes controuersias quæ ad id genus pecuniæ pertinet dijudicant. Omnis uero ea pecunia quę ab hisce magistratibus exigitur, continuo ad gubernatores reddituū publicorum defertur. Eam namq; appellationem is  
magistra

magistratus obtinuit qui huic summæ præfectus est. Sed quoniam ea cura magni est momenti, nō nisi insignioribus ciuibus deferri solet. qui ut libētius hoc munus sibi peterent, aut ne demandatum reīcerent, magnū emolumentum oneri alioquin graui adiunctum est, auctoritas quoq; non contemnenda. hi etenim apparitores, uiatores, lictores, omneq; id genus ministrorum reipublicæ creant, quibus omnibus ex ære publico stipendium persoluitur. id uero quod reliquum fuerit, ad quæstores urbanos defertur. ad quem magistratum omnis tandē summa æris publici, à quibuscunq; quæstoribus extiterit siue magistratibus allata, qui seu extra urbem seu in urbe pecuniæ publicæ exigendæ curam habent, peruenit. at urbani hi quæstores eam pecuniā ex senatus decreto in usus publicos impendunt, in codicibusue suis & acceptum referunt & expensum ferunt. quod munus quū operosum laboris nō exigui sit, ideo ciuibus iunioribus committi consuevit: qui tamē tū nobilitate generis, tum in  
nocen

nocentia uitæ clari sunt, ne scilicet æs publicum quapiam ratione in rem priuatam auertatur. Quocirca urbanis quæstoribus ius senatoriũ datum, prope modum idem quod legitimi senatores habent, pecunia uero quæ in re publica angustijs ex censu à ciuibus confertur, quanuis tandem ad quæstores urbanos omnis confluat, proprios tamen quosdam magistratus habet. Interdum enim de conferenda ex censu pecunia ea ratione fit senatusconsultum, ut nulla mentio habeat neq; de restituendo eo ære, nec de aliquo emolumento ciuibus erogando, qui ex sua re priuata eam pecuniã cõtulerint. Quod tamen raro admodũ fieri consueuit; nam plerunq; imò potius semper nisi res cõtrarium postulet, senatus reipublicę ita consultũ esse uult, ut priuatorũ res non negligantur. Promulgato igitur senatusconsulto de pecunia ex censu conferẽda factõ, temporeq; quod commodum fuerit uisum cõstituto, unusquisque ciuium infra id tempus eam summam persoluit, quã ex censu debet. exigunt



gunt autem gubernatores reddituū de-  
ferūtq; ad quæstores urbanos. ſepenu-  
mero tamen ea ratione fit ſenatuscon-  
ſultum de pecuniā ex cenſu conferen-  
da, ut poſt certum temporis ſpatium ci-  
uibus qui eam perſoluerint reſtitui in-  
cipiat aliquo etiam emolumēto adiun-  
cto: certa q; in eam rem delegantur ue-  
ctigalia. Interdum uero ſenatusconſul-  
tum de collatiſia ex cenſu pecuniā ante  
noſtram tēpeſtatem fieri ſolebat, ut de  
reddenda nulla fieret mentio, neq; ullū  
certum tempus conſtitueretur niſi id  
commodum rei publicę fuiſſet. ſed ma-  
giſtratus qui præfectus mutuis diceba-  
tur, quod nomen adhuc quoq; retinet,  
acceptam ab uno quoq; ciuiū eam uim  
pecuniæ in codices referebat: interim q;  
donec reſtitueretur ſingulo quoq; an-  
no quinque nummi aurei pro centum  
collatis, ueluti in uicem redditus priua-  
tis ciuibus creditorib. numerabantur:  
in quem uſum multa uectigalia erant  
quoq; deſignata. Qua ratione priſcis  
bellis facilis erat pecuniæ exactio, quæ  
ex cenſu ſoluebatur. neq; iniquum exi-  
ſtimari

stimari debet, ciuibus qui rem familia-  
rem in temporibus reipublicæ necessa-  
rijs cōsumpserant, aut magna ex parte  
imminuerant, uicissim aliquid impen-  
di ex redditibus publicis. Nam quemad-  
modū partes totius incolumitati con-  
sulere debent, ita natura comparatum  
est ut totum curā habeat ne partes ma-  
gnū incommodum patiātur, sed pro-  
uiriūbus prouideat ut incolumes perdu-  
rent, alimentaꝫ impartiantur quibus  
reficiantur & cōseruentur. Verum no-  
stra ætate hoc æs alienum reipublicæ  
adeo ingēs erat, ut in eo emolumento  
quod diximus ciuibus erogari, trecen-  
ta ferè nummorum aureorum milia  
singulis quibusꝫ annis expenderen-  
tur. Quorum solutio proximis annis  
propter angustissima reipublicæ tem-  
pora quū intermissa fuisset, tandem  
quarto ab hinc anno, referentibus Do-  
minico Triuisano senatore amplissimo  
atꝫ Andrea Gritto, cuius ducis auspi-  
cijs nunc respublica Veneta regitur, sa-  
pientissimo atꝫ integerrimo senatore;  
factū est senatuscōsultum ut nulla am-  
plius

plius emolumentum erogandi mentio fieret, neque in codicibus publicis post id tempus id æris acceptum à ciuibus referretur. uerum ne omnino à republica fraudati esse uiderentur capitis restitutione, necnō etiā emolumentum quod ad eam diem eis debebatur, cum multa uectigalia designata sunt, tum reipublicæ possessiones omnes in agro Rodigiensi positæ sunt distributæ. Cuius muneris maxima parte nos functi sumus, qui illo tempore magistratum gerebamus, qui ante nostra tempora institutus præcipue fuerat ad huiusmodi æs alienum reipublicæ minuendum, aut si fieri posset extinguendum: de quo pauca intra dicemus. sicque magna pars ingentis ac incredibilis fere publici æris alieni imminuta fuit, necnō priuatorum ciuium facultatibus satis commode consultum: ita tamē ut prior ac potior semper fuerit reipub. ratio, quæ priuati commodi. quod institutum à maioribus nostris ad hæc usque tempora per manus deductum est. Vt ergo redeamus unde diuertit oratio, Præfecti mutui eā pecuniam

niam exigunt, quæ à priuatis ex censu in reipublicæ usus necessarios confer-  
tur: acceptâq; in suos codices referunt,  
ac demum urbanis quæstoribus nume-  
rant. Iidemq; præfecti curâ habent exi-  
gendi à quæstoribus urbanis eam sum-  
mam pecuniæ, quæ quotannis eroga-  
ri solebat, in uicem redditus ciuibus pri-  
uatis: eamq; & acceptam & expensam  
in suos codices referebant. Pecunia ue-  
ro quæ ea lege ex senatuscōsulto eroga-  
tur à priuatis ut certo tempore restitui  
debeat, à proprio quodam magistratu  
& exigi & restitui solebat. nūc uniuersum  
hoc munus gubernatoribus redi-  
tus demādatū est. Alius etiā præter hos  
est, pecuniarius magistratus minime  
prætereundus, qui in eam curâ incūbit,  
ut ciues ærarios factos, eosq; qui con-  
stitutā nō persoluerunt pecuniā quam  
ex censu debent, inuestiget: eorūq; bo-  
na publicet, & tandem sub hasta uen-  
dat. Nonnulli sunt præterea magistra-  
tus pecuniarij, à quib. ærarij ciues in-  
uestigantur: rationesq; in publicis co-  
dicibus priuatorum ac reipublicæ dili-  
genter

genter inspiciuntur, ne qua fraus publicis redditibus atq; ærario fieri possit: quos consulto prætereundos existimo ne tædio lectorem afficiam. neq; enim momenti quippiã habēt ad eam quam potissimum hoc opere mihi exponendam reipublicæ gubernationem institui. Præter hos magistratus nonnulli etiam sunt qui multum faciunt ad ciuitatis cōmodum, & ad bene beateq; uiuendū, ideoq; à nobis minime sunt omissendi. Primi nobis se offerunt monetæ aureæ argenteæq; præsides, quæ maxime ciuium commercia continentur cum externis hominibus, & secum uicissim. Dein annonæ triticeæ præfecti, itemq; salubritati Venetæ ciuitatis præfecti, sine quibus uita cōstare non potest. Necnon etiã præsides amplissimi naualis. Aediles quoq; qui uisarum pontium & huiusmodi rerū resarciendarum curam habent perquam necessarij sunt. Ac demum amplissimus magistratus, quem procuratorum Veneti appellant, maxime est ciuitati nostræ oportunus. De præfectis monetæ nihil

est quod amplius dicamus, nisi quòd eius magistratus interest providere, ne argentum aut aurum imperfectius aut impurius quàm id quod lex statuit cudi debere, aliquo pacto cudatur: néue excusi nūmi pondere sint minores quàm lex iubeat. quod sanctissime apud nos observatum fuit, quamobrem maximo in precio apud omnes nationes barbaras, nedum apud Christianos, Veneti nummi semper fuerunt, hodieq; sunt. Cæteri nanq; principes plerique omnes impurius aliquanto argentum & aurum cuderūt, ut facilius impensis satisfacere possent. At nostri constantissime semper hac in parte dignitatem à maioribus acceptam retinuerunt. Magistratus uero, qui annonæ triticeæ præfectus est, ciuitati Venetæ perquam nec cessarius est. etenim cum nulla propè frumenti uis ex agro Veneto colligat, quod omni ex parte urbs æstuarijs amplissimis ambiatur, ciuitasq; populosissima existat, opus est rei frumētariæ magnam haberi curam: ne quando populus, cuius commodo maiores nostri

maxi-

maxime consultum esse uoluerunt, rei frumentariæ inopia laboret, nimiaque annonæ charitate prematur. Idcirco rei frumentariæ tres sunt præfecti, q̄ xvi mensibus magistratum gerunt. horum est officium providere ne ciuitas unq̄ frumēti inopia laboret. quæ si quando timeatur, Principem Sapientumq̄ collegium adeunt, req̄ inter eos discussa decernunt quæ ad frumenti copiã comparandã præcipua esse uideant̃. Quandoq̄ etiam solet certa merces ex ærario his constitui, qui ex longinquioribus prouincijs frumentum Venetias aduexerint. Interdum ære publico triticum mercatur à negociatoribus, qui polliceantur certam uim frumenti statuto tempore ex destinatis etiam prouincijs se Venetias delaturos: quod nisi præstent, pecuniaria multa taxantur. Emitq̄ respub. magno precio, & uili uendit, ut commodo populi ac inopiæ consulatur: qua in re magnã interdum iacturam ærarium facit. De re frumentaria præterea plurimæ sunt leges pulcherrimaq̄ instituta: quæ si in præ-

sentia recenserem, longius quàm par sit ab instituto digrederer, sequit̃ magistratus is, cui urbis salubritas est curæ. huius præcipuum munus est, provide re ne aliquo pacto ex cõtagine tabes serpat in ciuitatem, quod si clàm quandoq; obrepserit, ut nonnunq; solet acci dere, sedulo operam dat, ne longius ua getur. Quæ de re ædes publicæ amplis simæ sunt ædificatæ in æstuarijs, inter uallo triũ milium passuũ ab urbe: quibus finitimi sunt horti pulchre consti tuti: in quas si quis ex plebe eo morbo ægrotare cœperit, confestim cum tota familia deferitur. hi uero qui cum ægro tante consuetudinem aliquam habue rant, opus est ne alios inficiant, ut pro prios lares deserant, cõcedantq; ad a lias ædes publicas, itidem extra urbem in eum usum conditas, regione à prio ribus longe diuersa. ibiq; XXXX dies detinentur, in quibus si sani perstite rint, ciuitati ac domesticis laribus resti tuuntur. supellectilis quoq; magna cu ra habetur, ne eius contagione quispiã inficiatur. hic quoq; magistratus proui det



det ne quid putridum aut quod incolu-  
 mitati ciuitatis officere possit uendaſ,  
 demum id sedulo curat ut quàm salu-  
 berrime Venetijs agaſ. Nam non mul-  
 to ante noſtrā tempeſtatem hoc præfe-  
 ctorum genus inſtitutum fuit; & cum  
 ſæpius antea ciuitas peſtilentia labo-  
 raſſet, adeò ut pleriq; omnes quandoq;  
 proprios deſeruiffent lares ob ingruen-  
 tem uim tabis, & in continentem pro-  
 ximam ſeceſſiffent: nunq; tamen poſt-  
 quam hæc cura nouo huic magiſtratu  
 demandata eſt diuino munere fauente  
 ciuitas hæc huiusmodi hoc morbo ue-  
 xata eſt grauius: licet interdum quod  
 in magna hominum undiq; cōuenien-  
 tium frequentia euitari nō potuit, non  
 nullæ domus fuerint infectæ: cura uero  
 huius magiſtratus atq; ope à deo præ-  
 ſtita malum latius uagari non potuit.  
 Nunc de ampliſſimi naualis præfectis  
 dicendum eſt: quod certè non ſolū Ve-  
 netæ urbi magno eſt ornamento, ſed  
 etiā uniuerſæ Italiæ, rei publicæ noſtrę  
 non mediocrem dignitatem affert. im-  
 menſum nāq; opus eſt & admiratione

dignissimum. Nam in ea urbis regione quæ præ alijs mari uicina est, & præterea maxime commoda, nauale ædificatum est, ac in tres sinus, seu si malueris recessus excavatū: intra quos mare recipitur unico tantum ostio tam lato ut etiam satis sit ad maximas triremes capiundas. Munitū est ostiū duabus turribus ex utraq; parte, suntq; hæ ponte sublicio iunctæ portisq; cācellatis, quæ nunquam referantur nisi quum opus sit triremes educere, seu in nauale inducere. nullibi etiā aditus ad interiora naualis patet, præterquam hoc uno ostio ingredientibus. Primus sinus occurrit omnium minimus, amplius tamen, hic undiq; circum tecta habet in fornicis modum ædificata cōtignationibus ac tegulis tecta. sub hæc triremes è mari subducuntur, ibiq; ab omni uentorum ac pluuiarum iniuria tutæ perdurant, quoad illis uti libeat, ea ratione multos annos incolumes & illæse permanent. Nouas item sub eisdē tectis ædificant, atq; ueteres subducunt & resarciunt: magnum sanē opus, quod & maximo  
orna

ornamento sit, & ad nauium fabricam  
 utilissimū. Post hunc sinū alius est inte-  
 rior amplissimus, circū omni ex parte  
 eiusmodi tectis ut dixi instructus: nec  
 ullum ex eis inspicias triremibus uacu-  
 um, sed binis si tecta fuerint latiora, aut  
 singulis si angustiora. Tertiū uero nō  
 minor secundo, paulo ante nostram æ-  
 tatem superioribus additus fuit, circū-  
 septusq; mœnibus pulcherrimis. in eo  
 autē plura sunt tecta ædificata, quam-  
 uis non sint omni adhuc ex parte per-  
 fecta: uerum summa cum diligentia o-  
 pera datur ut ei fabricæ extrema impo-  
 natur manus. Tres hi recessus inuicem  
 sunt peruñ, ac unico muro ambiuntur  
 nonnullis turribus distincto, in quibus  
 uigiles noctu excubias agunt, ne quid  
 detrimēti tam insigne opus uī ignis in-  
 iecti, seu dolo facinorosi cuiuspiā, seu  
 casu quopiā, ut interdū euenire solet,  
 accipiat. Intraq; mœnia tabernæ sunt  
 armamentorū amplissimæ, uniuersæq;  
 nauticæ supellectilis: ac fabri cuiuscun-  
 que generis quod ad rem naualē perti-  
 neat, suas officinas ibidem habent. Ibi

etiam æs funditur ad tormenta conficienda; magna quoq; ibidem fit tormentarij pulueris copia, adeò ut nihil quidem quod ad rem nauticã faciat, in eo nauali desiderari queat: ibidem uidere licet ingentẽ fabrorũ multitudinem, quorũ quisq; suo munere fungit̃. Sunt præterea nõnulla atria bene ampla in quibus ingens armorum uis, tormẽtorum scilicet ac telorum ad usus bellicos seruatur: nec non magna uelorum copia, remorum, armamentorumq; omnium, in suis quæq; cellis condita: ut cũ senatus armandam classẽ decreuerit, omnia in promptu sint, quæ ad eã rem requiruntur. His rebus officijsq; omnibus, de quo dicere institueram, præfectus est: omniacq; prouidet curatq; quæ in usum naualis fuerint. hic seligit fabros cum lignarios tum etiam ærarios cæterosq; opifices qui ad opus faciendum admitti debeant; diligentẽ quoq; impendit operam ne quispiam officio suo desit. Huic magistratui numeratur pecunia ex ærario in usus naualis, non prius tamen quàm collegiũ consulat,

ac ra-

ac rationes à patribus illis uideantur.  
 Apud maiores nostros, penes quos res  
 maritimæ magno in precio erant, hic  
 honos magnus habebatur: tēporibus  
 tamen nostris magistratus huius digni-  
 tas est imminuta, ac penè intercidit.  
 quo fit ut si quando opus fuerit in ea  
 re opera diligentiori, alios senatores  
 primæ existimationis ciues nauali se-  
 natus præficiat, qui ius in priores ha-  
 beant, eisq; ueluti ministris utātur. Po-  
 stremo loco sunt à nobis recensendi di-  
 uī Marci procuratores, amplissimus om-  
 nium præter ducē magistratus: quip-  
 pe qui præfinitum tempus nō habeat,  
 sed cum uita perduret. Huic honori cō-  
 iuncta est perpetua senatorij ordinis di-  
 gnitas, ac ius suffragij ferendi æquum  
 cum legitimis senatoribus. illud etiam  
 præ alijs omnibus magistratibus obti-  
 nuerunt. nam cum ceteris nō cedatur  
 à seniores ciuib; certisq; locis cer-  
 tisq; subsellijs, procuratoribus ubique  
 idem honor præstatur. quocunq; enim  
 loco sedeatur, illis semper ceditur, di-  
 gnioriq; sede semper honestantur: non

secus ac si quouis in loco magistratus eorum munere fungerentur. horū officium est tutelam pupillorū habere, quibus minori ætate existētibus nullus de functo parente ex testamento tutor est institutus. ueluti ergo publici quidam tutores à republica sunt instituti. hī diui Marci procuratores dicuntur, quod munus cum egregiā fidem ac sanctitatem uitæ præcipuā exigat, hī ciues huic officio delegantur qui iam publicis ferè omnibus muneribus defuncti sint, spectatæq; sunt probitatis: in quo uersantes tanquam milites emeriti perpetuam obtinent reipublicæ administrationē. Priscis temporibus tam magna fuit nō tantum Venetijs, uerum etiam apud exteras nationes, huius magistratus existimatio, ut pleriq; exteri homines, nedū indigenæ, testamēto suo hosce procuratores hæredum suorum tutores ac totius rei domesticæ curatores instituerint: quorum fidei magna pecuniæ uis pauperibus eroganda cōmissa fuerit. adeo ut nostris quoq; temporibus ingentes opes ab hoc magistratu  
admi-

administrentur, ac pro eorum arbitrio in usum pauperum distribuuntur. hic magistratus initio institutus fuit, ne hæreditates ciuium qui pro tuenda seu etiã pro amplificanda republica apud exterarum nationes excederent, aut studio rei familiaris negocijs ac mercimonijs occupati peregre morerentur, nulloque condito testamento, per fraudem quampiam ab hæredibus pupillis auerterentur. Qua de causa effectum est, ut ciuibz illis publice ea cura demandata sit, de quorum probitate omnibus cõpertum sit. Principio tres fuere. deinde aucta ciuitate tres alij additi, hac tamen ratione distributi, ut ueteres pupillorum, qui citra riuum magnũ qui urbem mediam interfluit habitant, curam habeant: tres item curent eos qui ultra riuum magnũ proprios habent lares: ut dimidiam urbem alteri, item dimidiam posteriores curent. Tres uero præter hos patroni sunt amplissimi atq; augustissimi templi, quod diuo Marco Euãgelistæ dicatum est, sub cuius numine Veneta respublica bonis legibz aucta est, di-

est, ditionēq; imperij creuit. ab his postremis tanquam à nobilioribus nomē in omnes deductum est, ut diui Marci procuratores appellētur. De structura huius templi impræsentiarū nihil dicere cōstitui, deq; marmorū copia, columnarū frequētia, ex porphyritide ac præsio lapide opere tessellato atq; aurato, quo tamen laquearia fornicesq; omnes tēpli cōfecti sunt, tum demū pauimentum uniuersum stratū: cum multi mortalium fereq; omnes fama perceperint. Tēpli huius instaurationi si qua in parte labascit, necnon sacerdotibus ipsius, hi tres procuratores præsunt, ac prouident ut pro ciuitatis dignitate & illustrissimī patroni nostri Marci Euāgelistæ Deus Optimus in eo templo pie colatur. hi sunt qui præter cæteros magistratus meo iudicio per quā necessarij uideri debēt ad bene beateq; uiuendū. Nam & monetæ cudendæ cura nequaquam negligenda est, qua omniū mercia ciuiū contineant, annonæq; triticeæ copia sedulo procuranda est: nec minor bonæ uoletudinis ciuium curā habent



habenda est: minimeq; prætereūda fuit  
 uiarum ac pontiū idq; genus ædificio-  
 rum instauratio. hæc cōmunia cuiq; ci-  
 uitati. ista uero ad Venetias magis atti-  
 nent, rei scilicet maritimæ procuratio  
 ac pupillorum tutela, cum multi ciuiū  
 cum propter publica negocia, tum pro-  
 pter mercaturæ industriā peregre pro-  
 fecti diem obeant. idcirco magistratus  
 qui his muneribus incumbant publice  
 instituti sunt, ut nulla in parte maiores  
 nostri cōmuni bono defuisse uideātur,  
 si quis diligēter omnem huius  
 reipublicæ institutionem  
 animaduertat.

Libri quarti finis.

## CASPARIS CON

TARENI PATRICII VENE

ti, De magistratibus, & repub/  
lica Venetorum, liber  
quintus.

P

O S T Q V A M  
omnis ferè ratio  
gubernatiõis rei  
publicæ à nobis  
expõsita est, om  
nesq; recēsi ma  
gistratus urbani,

non importunam alienámue ab operè  
rem facturus uidebor, si de magistra-  
tibus exteris uerba fecero: his scilicet  
quibus ciuitates quæ in nostram uene-  
runt societatem regi soleāt: necnon de  
militaribus imperiis, ac demum de mu-  
neribus aliorum ciuiũ, qui patricij non  
sunt ordinis. His etenim expõsitis ex-  
trema manus commode operi institu-  
to imposita uideri poterit. Insigniori-  
bus ciuitatibus quæ sub ditione nostra  
sunt, quatuor magistratus præficiũtur.

prætor

prætor unus omnibus ius dicit, & forenses lites dijudicat, atque in fontes animaduertit. habet is prætor in iudicijs proferendis assessores homines iuris peritos, quorum consilio utitur. & licet apud prætorem sit omnis autoritas, præter hunc est præfectus, qui militibus præest, qui urbem uel agros urbis coluerint. in hos nullum est ius prætoris, sed præfectus tantum ius in eos habet. Arcis præterea, mœnium portarumque cura præfecto est demandata, nec non uectigalium, ac credituum omnium, tum urbis, tum agri totius. præter hos quæstor unus, aut duo. hic magistratus pecuniam publicam administrat, impendit & exigit, habetque codices rationum publicarum. nihil tamen ferè agit nisi ex mandato præfecti. ac interdum utriusque, scilicet prætoris & præfecti. Ea enim ratio administrandæ utilior uisa est, quam si penes eundem esset & autoritas & administratio ærarij. facilius namqueliceret per fraudem ærarium perculari. id uero pecuniæ quod reliquum fuerit ab impensis, Venetias ad quæstor

res

res urbanos defertur, ad quos ut supra diximus undiq; pecuniæ publicæ conferuntur. Quartus qui in unaquaq; urbium magistratū obtineat, est custos arcī. alibi unus, alibi plures sunt: hiq; militibus præsidēt qui arcē tuētur, curāq; habent armorū, cōmeatus, & tormentorum quæ ad munitionē cōtra hostes in arce posita sunt. Neq; tamen custos ita præest arcī, quin præfecti imperio subiectus sit: cui quidem omne ius omnisq; potestas in huius generis rebus curandis tributū est. In minoribus uero ciuitatibus seu urbibus nullus est præfectus, sed prætor utriusque partes agit. in oppidis quoq; quæ in agris maiorū urbium frequētia sunt, solus prætor est qui ius oppidanis dicat, nullus præterea magistratus. nam quæstores ac præfecti principum urbium in uniuerso quoque agro ius obtinent. A prætoribus omnibus ad auditores novos prouocatio est. Aduocatores etiam quandoq; sententijs capitalibus prætorū intercedere solebant: sed queniā usu plerūq; euenire solitū erat ut iudicia prætraheren

herentur, neq; fontes criminū ac scele-  
rum pœnas darēt; lata fuit lex à decem-  
uirū collegio, minime id iuris Aduo-  
catoribus amplius in sentētīs esse, quę  
à prætōribus assidentibus iurisperitis  
quos secum comites ducunt, ut suprà  
dixi, pronunciatae essent. Et hæcenus  
quidem satis de magistratibus quibus  
respublica tum domi tum foris admi-  
nistratur. Verum quoniam non tan-  
tum pacis, sed etiam belli gerendi ratio  
habenda est, quam uniuersam qui ne-  
glexere, ut inquit Plato in Politico, ne-  
quaquā libertatem diutius tueri que-  
unt; ideo qui recte reip. institutionē po-  
steris tradiderūt, illud imprimis admo-  
nitos esse uoluerūt, ut ciues instituant  
ad utrunq; munus, ut scilicet bello ge-  
rendo idonei sint, & in pace domi sub-  
iecti legibus institutisq; patrīs in præ-  
clara aliqua functione uiuāt: ita tamen  
uirtutes artesq; bellicæ referant ad stu-  
dia pacis, tanq; ad potiora. unaquæq;  
etenim res eam habet à natura insitam  
uim, ut primū bonū sibi quisq; cōueni-  
ens appetat: deinde ut contrario obli-

m stat

stat, nitaturq; quantum possit à se iniuriã propulsare: quæ res in animante natura omnium perfectissima, dilucidius dignoscuntur. Nam unicuiq; animali tributa est uis appetendi, qua prosequatur id quod naturæ suæ consentaneum fuerit. præter hanc unicuiq; adiecta fuit uis irascendi, quã Plato in corde atq; in præcordiis collocauit, ut scilicet animal quodcunq;, eius uirtutis stimulis actum, cōtrarium naturæq; repugnās repelleret. Vtriusq; igitur partis uirtutes, quarū semina in animis hominum natura indidit, ciuilem uirum fouere oportet, & ad frugem perducere, sic ue & belli & pacis gerendæ rationem habere. Quæ ratio à maioribus nostris nō fuit neglecta, ut quibusdā uideri solet: sed quoniã initio in mari ædificata ciuitas, quæ multis annis imperiū contempsit continentis, terrestris belli studiis detineri nō potuit, uniuersam se ad maritimum bellum conuertit: in quo egregiam operam nauauit, & pro tuenda libertate & in hostibus ulciscendis: multaq; præclara Venetorum gesta priscis monu

monumentis memoriæ pdita sunt, plurimiq; triumphus ex deuictis hostibus et eorum classibus superatis reportati: ex quibus facile quicuis intellexerit Venetos in re maritima longe alijs præstitisse. Victa tandem post longum tempus pertinacia precibus finitimorum populorum, quorum quisq; sui reguli tyrannidē, quam diutius passus fuit, amplius tolerare nō poterat, adhibuit animū senatus ad cōtinentis imperiū: uniuersamq; Venetiæ regionē pulsas tyrānis, ac passim ciuibus deditiōnem facientibus ueluti postliminio recuperauit: quæ libenti animo redibat ad ueteres incolas, eiectionis & tyrannis exteris, qui ex reliquis barbarorum in tota regione confederant, durissimāq; seruitute uictos eos populos premebant. Prolato igitur imperio in continentem terrā præterquam quod bonis legibus, & pacis studijs ij populi erant recreandi, qui nuper uenerant in nostram societatem, danda etiam opera fuit ut tueri libertatem possent in quam se asseruerāt. Cæterum Venetæ urbis situs uirpote quæ

condita est in medijs æstuarijs, minime  
patiebatur nostros ciues impensius o-  
perã dare bello terrestri, illiusue studio  
diutius detineri, sine magno periculo  
seditionis ciuili. nam ciues illos qui ter-  
restris belli studijs addicti fuissent, ma-  
iorem anni partem agere in continen-  
ti, ibiq; & equos alere, & terrestribus  
certaminibus se exercere: quin ut peri-  
tiores rei militaris fierent, opus fuerat  
ut si quando domi ociũ ab armis fuisset  
externa bella adirent, in hisq; ani-  
mum pariter & corpora durarẽt, ut in  
ea functione cum laude uersari possent  
& patriæ prodesse: secus autem si fuisset,  
propemodum non tantum impe-  
ratores, uerum etiam milites futuri fue-  
rant. Hæc uero frequens consuetudo  
continẽtis urbanæq; intermissio factio-  
nem quandam ciuium facile paritura  
fuerat ab alijs ciuib; disiunctam. qua-  
propter proculdubio res Veneta bre-  
ui ad factiones ac bella ciuilia deducta  
fuisset. Omitto interim quàm magnos  
spiritus animi ciuium cõcepissent, cum  
plurimũ armis potuissent, habuissentq;  
frequen



frequentes adfectatores: ut hominum natura semper ad malitiā pronior est, quæ res, ut ex priscorum monumentis facile intelligi potest, semper Romanā rempublicā uexauit, contumacesq; nō paucos Romanos ciues reipublicæ legibus & senatus decretis reddidit, ac demum Iulium Cæsarem tyrannū Romanī imperij fecit. Ne ergo huiusmodi quispiam morbus in Venetam ciuitatem obreperet, satius maiores nostri esse statuerunt, ut continentis imperiū externo potius ac conducto milite q̃ Veneto defenderetur, stipendium uero illis statuit ex uestigalibus totius prouinciæ, æquum enim erat eius regionis impensis militem uiuere, qui ad eam tuendam accersitus fuerat. in quā militiam plurimī ciues ditionis nostræ focij adscripti sunt; quorū nonnulli ad summā imperij in nostro exercitu deuenere, atq; ob res egregie gestas Veneta ciuitate patricioque iure donati sunt. Viget adhuc nostra ætate nomen Bartholomæi Coionei Bergomensis uiri illustrissimi & summi imperatoris,

qui multa præclara bella cōfecit, ac Venetam ditionem auxit: quapropter erecta illi equestri statua in celebri urbis loco à republica honestatus fuit. Ciues igitur Veneti ea de causa, quam retuli, terrestris militiæ honoribus priuati sunt, omnesq; ad externos delati, cum lege cautum erat, nullum patriciū Venetum pluribus quàm XXV militibus præesse posse. hæc tamē lex nostra tempestate ob bella frequentia quibus vexati fuimus, in desuetudinem abiit. Cū tamen terrestre bellum ingruit, nōnulli patricij ordinis ciues in exercitū mittuntur; qui dum bellum urget temporarium magistratum gerūt. quæstores ij sunt, item legati, qui imperatori exercitus externo homini semper adstant: neq; ei quicquam aut facere aut decernere licet, nisi ex legatorum consilio. Bello finito utriq; magistratus domum reuertuntur ac in ordinem rediguntur, nec quicq; amplius iuris habent. hæc est belli terrestris uel militiæ ratio apud Venetos. Bello uero maritimo ac nauali ciuitas nostra magis idonea est natu-

ra, cuius studijs semper Veneti studue-  
re. nam in mari urbs condita parum ti-  
mere poterat terrestres copias, quæ ei  
negocium facerent: ac non tantum  
iniquum, sed etiam ualde incommodum  
erat, comparare exercitum ex ciuibus,  
quem in continentem trañcerent, ac fi-  
nitimos populos bello lacefferent. At à  
mari timeri iniuria poterat, tum etiam  
facile erat illatam ab exteris uindicare:  
quamobrem uniuersa ciuitas ad studia  
rei maritimæ conuersa est, atq; iuentu-  
tem legibus instituit, ac totius uitæ con-  
suetudine firmauit. hic enim mos insti-  
tuendi patricios homines semper fuit,  
ut à teneris annis usq; ad pubertatem  
sub pædagogi disciplina degerēt, ac la-  
tinis literis imbuerent pro cuiusq; ca-  
ptu: ab ea ætate, præter paucos quosdā  
qui literarū studijs se manciparant ge-  
nio naturaq; ducti, omnes ferè rei ma-  
ritimæ ac familiari operam darent. ac  
alij quidem nauigabant ad longinquas  
oras, ubi mercaturæ industria rem do-  
mesticam augebant, simulq; efficieban-  
tur periti morum ac consuetudinis le-

gumq; multorum hominū, plurimī con-  
scendebant trīremes armatas atq; à te-  
neris annis & corpus laboribus firma-  
bant, & animum excolebant rei mariti-  
mæ disciplīna, necnon naualis belli pe-  
ritia: quibus artibus semper Veneti ex-  
celluere. Quin lege cautū fuit, quæ ad  
usq; nostra tempora peruenit, ut in u-  
naquaq; trīremī armata stipendiū ex  
ære publico non exiguū dareēt duobus  
adolescentibus patricij ordinis: quo-  
rum officium nullum aliud esset, præ-  
terquā imbui disciplīna rei maritimæ:  
ac ut id facilius assequerentur, exigua  
quædā munera eis incumbunt, in quo-  
rum functione exercitantur ac profici-  
unt, sicq; idonei fiunt ad maiora capes-  
senda. In grauibus uero trīremibus seu  
ad classē & rem bellicā instructæ  
fuerint, siue priuatim ciuibus locatę ad  
mercaturā, octo iuuenes patricij quan-  
doq; destinati sunt; nec mediocre eis sti-  
pendiū constitutū, uel ex pecuniā pu-  
blica, uel ex ære priuato, tūc ad merca-  
tiones locantur, qui nauticis ac bellicis  
studijs in eis assuescant. Quin etiā pri-  
uato

uatorum nauibus hoc onus legibus impositum est ad publicam utilitatem, ut ex ære domini privati hominis uni seu duob. si nauis maior fuerit, patricijs adulescentibus stipendiū soluatur, quorum aliud nullum officium sit præterquā exerceri munijis nauticis. Cōcessa quoq; his adulescentibus facultas est, ut in triremibus onerarijs ac in nauibus priuatorum quibus adscripti sunt, ferre queant certam merciū summam nullo nauulo soluto: quam si non habeant, ius hoc suum alijs concedunt ac locant. Qua lege consultum fuit non solum exercitationi iuuentutis, uerum etiam utilitati tenuiorū ciuium, qui angustia rei familiaris premerētur. Quade re facile intelligi potest à quocunq; curam instituendæ iuuentutis minime à maioribus nostris præteritam fuisse, ut nōnullis uidetur: imò in ea nauium triremium copia ducēti & amplius nobilēs adulescētes legis istius beneficio alienis impensis ad rem nauticā instruēbantur: præterquam quod ciuili consuetudine ac more patrio quilibet pa-

tricius iuuenis aut literis aut studijs rei  
maritimæ operam dabat: in qua exerci  
tatione tum sibi plurimum, tum rei do  
mesticæ nonnihil consulebat ac prode  
rat. Hæ priscæ leges & huiusmodi insti  
tuta etiam nostra tempestate perdurāt,  
licet pleriq; adolefcētes ambitione aut  
luxu post ampliatum imperium corru  
pti patrias institutiōes neglexerint: ac  
civium copia adeo crevit ut nostra æta  
te ingruentibus bellis ac rerum dome  
sticarum stipendijs longe plures effecti  
sint pauperes, quàm quod satis consu  
li illis queat istius legis beneficio. Ita  
namq; natura comparatum est, ut nihil  
inter homines perpetuū esse possit: ue  
rum cuncta quāvis initio perfecte con  
stituta esse uideantur, post aliquot an  
nos natura in deterius labente instau  
ratione indigent: adeo ut quemadmo  
dum corpus prandio saturatum diuti  
us incolumitatē seruare non potest  
nisi post aliquot horas cœna succeffe  
rit: sic in unaquaq; re opitulari opor  
teat naturæ ad interitum labenti, atq;  
instaurationē adhibere. Huiusmodi ra  
tionem

tionē nos quoq; deo bene iuuante imi-  
tabimur, ac aliquod remedium excogi-  
tabimus. quo fit ut hac etiā in parte ni-  
hil sit in nostra republica desiderandū.  
sed de his haftenus. Nunc à nobis re-  
censendi sunt magistratus qui præfici-  
untur rei maritimę. Vnaqueq; triremis  
ad bellum instructa præfectum habet  
uirum patritium, qui in ea triremi om-  
niū potestatē obtinet præter quàm ulti-  
mi supplicij inferendi. ac ueluti in ter-  
restri militia Centurio ceu aciei præfe-  
ctus eorum curam habent qui fuerint  
in sua acie. Hic triremis præfectus nau-  
tas cunctaq; quæ in sua triremi sunt, &  
quæ ad eius apparatus faciunt diligen-  
ter curat. Quotānis quamuis nulla ne-  
cessitas sit, Veneti aliquot triremes ar-  
mant, quæ reddant mare tutum nauig-  
gantibus, securamq; nauigationē com-  
pressis piratis præstent uiris bonis qui  
res suas agunt sine alicuius iniuria. Pre-  
ter triremium præsides est totius clas-  
sis legatus, qui imperium habet in uni-  
uersam classem, ac in cunctos triremiū  
præfectos, hic ueluti legatus exercitus,  
nisi

nisi adsit imperator, ius habet & capite mulctandi quos uelit & dirigendi classem quò maluerit. hic quoque magistratus semper ferè etiam pacis tēpore creatur, præficiturque his triremibus, quæ armatæ sunt. Quòd si tēpora reipublicæ ita postulent ut magna classis paranda sit, tunc uniuersæ classi præficiunt imperatorē, qui tum in classe tum in cunctis prouincijs maritimis amplissimam potestatem habet, ac eam propè quam olim in Romana repub. Dictator retinebat, nisi quod omnibus in rebus paret authoritati senatus & reipublicę decretis. summum tamen illi ius tributum est, cum in classem, præfectos, legatōsue classis, tum in prætores ac magistratus omnes qui cum imperio sunt in locis insulisque maritimis, ac munus publicum exercēt: adeò ut cum classis imperator ad aliquam ciuitatem accesserit, cōtinuò ei sacerdotum clerus obuiam prodeat, clauēs portarum & arcium ei dentur, iura prætorum fileant, ab omnibus magistratib. ad imperatorem liceat prouocare. Quin si ita ei libuerit, potest



potest solus ius dicere, solus administra-  
re pecuniam publicam, ac deniq; solus  
omnium potestatem habet. Nullus est  
apud Venetos magistratus maioris au-  
toritatis, idcirco raro admodum classi  
imperator præficitur. Non enim teme-  
re nisi rerum necessitas ita exigat, ali-  
cui conceditur tam magna potestas ut  
omnia unius ciuis arbitrio pendeant.  
Hoc in loco ea lex non est à nobis præ-  
termittenda, imperatorem, legatum,  
præfectumue classis ullum non posse  
cum triremibus armatis ingredi Vene-  
tam urbem, neq; etiam tunc cum in pa-  
triam redit: sed cum primum Istriam  
peruenerit, quæ provincia cētum ferē  
milibus passuum ad urbe distat, stipen-  
dium nautis ex legis decretis solui de-  
bet, ibiq; omnes dimitti: deinde trire-  
mes à paucis Venetias deduci solebāt,  
ac in nauale subuehi sub tecta in eum  
usum ædificata, ubi tutæ seruātur à uen-  
torum & pluuiarū iniuria: nūc lex hæc  
non ita omni ex parte seruatur, quēad-  
modum patrum nostrorum temporī-  
bus seruabatur, Recensiti à nobis sunt  
omnes

omnes ferè magistratus, quibus uelut coronam & apicem maiores nostri imposuere eos, quos uernacula lingua à Græca appellatione educta, syndicos dicere consueuimus. nos eos appellamus recognitores, nouo fortasse uocabulo, sed satis idoneo ad idem munus explicandũ. Hi post quatuor quinque annos creari solent, ac mitti tum in cõ-  
tinentis oram nostræ ditionis, tum in regiões maritimas ac insulas: recognoscuntq; gesta omnium prætorum atque aliorum qui foris publicã potestatem habuerint. In quos animaduertunt ea propemodum authoritate quæ Aduocatoribus tributa est. Nam ut sapienter Aristoteles inquit, hi qui in potestate sunt, nisi ex alijs pendeant, ægrè in officio persistunt propter ingentiam cuiq; malitiam. Peregimus iam omnes patrítiorum hominũ magistratus, quibus respub. Veneta domi forisq; administratur: reliquum est, ut ea ratio à nobis referatur, qua prudentissimi homines maiores nostri semper in officio plebem ac uniuersum populum continue  
runt

runt, rem certè suprà omniū fidem, tot annos populum gubernationis publicæ expertem nunquam patritiorum imperium detrectasse aut ægrè tulisse, nec quippiam unquam molitum esse ut mutata reipublicæ forma ipse quoq; ad ius publicum admitteretur, imò semper amantissimum atq; obsequentissimum nobilitatis se præstitisse. Verum si quis præter situs opportunitatem ualde cōmodi ad rempublicam tuendam, moderationem nostram in regendo animi aduerterit, comperiet populum non omnino repudiatū fuisse: sed ad ea munera fuisse admissum, quæ ei committi poterant absq; rei communis detrimento. Ideoq; facile perspicere poterit id in hac republica temperamentum extitisse, quod ceteris hominibus tū priscis tum iunioribus semper defuit. Quamobrem euenisse etiam comperiet, ut in cunctis alijs tumultus populares frequenter fuerint excitati, qui tandem omnes respublicas euerterint. ecōtra in nostra ciuitate ob eam causam nullum unquam tumultum popularem aut seditionem

ditionem extitisse . necessarium nanq̃  
fuerat, ut in exordio operis dixi , si re-  
cte respub. instituenda erat, populum à  
gubernatione reip. excludi. qua in par-  
te maiores nostri non tantū autoritatē  
summorū philosophorū ac rationē se-  
cuti sunt , uerū etiam imitati sunt Seso-  
strim antiquissimum Aegyptiorū legis-  
latorem. qui ut in Politicis Aristoteles  
perhibet , genere distinctos uoluit eos  
qui armis regionē tuerentur, quiue de  
bono publico consultarent ac iudicia  
exercerent , ab agricolis mechanicasq̃  
artes exercētibus, ac mercenariam ope-  
ram locātibus. Verum institutum hoc  
facile euertere rempublicā poterat, ni-  
si temperatio ea adhibita fuisset, quam  
maiores nostri sapientissimi homines  
adhibuere. Primum ergo apud Vene-  
tos cōstantissime hoc obseruatum fuit,  
ut omnibus æquum ius esset, neq̃ ulli  
impune liceret uel hominē ex infima  
plebe iniuriā afficere, patriciū uero ho-  
minem contumeliā facere plebeio pro  
sacrilegio ac scelere maximo semper  
habitu fuit. Quòd si quis temerarius  
huius-

huiusmodi quippiam perpetrare ausus  
unquam fuit, nullus quoq; ei fuit impu-  
nitatis locus : sed tanto grauiores pœ-  
nas dedit, quanto maioris existimatio-  
nis dignitatis uē extitit. Præterea dili-  
genter à senatu consulitur tum annonę  
triticeæ, tum omnium rerū copię, quæ  
faciunt ad uictum ciuium & ad incolū  
mitatem totius populi : adeò ut magna  
interdum dispendia faciat publicū æra-  
rium, ne ciuitas penuriā laboret. quod  
exploratum cuilibet esse potest ex his  
quæ suprà à nobis dicta sunt, cum de-  
præfectis annonæ triticeæ ac de cura-  
toribus publicę salubritatis ageremus.  
Ac populi quidem hæc duo potissimū  
requirunt à rectoribus ciuitatū, ut sci-  
licet cōmode uiuant in rerū copia, neq;  
obnoxij sint iniuriæ potentissimorum  
ciuiū: quæ cū assecuti fuerint, res suas  
agunt ceterorū securi. Nihil uero à ma-  
ioribus nostris omissum fuit, qđ ad ea  
duo pertineret. quin potius multa præ-  
terea addita sunt, quibus mirifice cōsu-  
litur populi cōmodo, atq; eorum homi-  
num inopiæ qui in studijs honestis rei-

n

publicæ

publicæ utilibus uersant̃, aut olim uersati sunt, nec amplius per ætatem aut imbecillitatem ualetudinis id muneris obire queunt. Nam Venetijs innumera domus ædificatæ sunt satis idoneæ aptæq; rei domesticæ, quæ hominibus ijsce gratis cōceduntur, in quibus cum familia degant quoad uixerint sine rei familiaris dispendio. His adde quòd in nauali amplissimo, quod uicem oppidi obtinet, constitutū stipendium est non mediocri hominum multitudinĩ; qui tamen nil agunt seu propter senium seu ob incommodum acceptum, cum tamen tunc cum in florenti ætate essent suum munus in ædificādis triremibus aut in huiusmodi quopiam munere rei publicæ utili obierint. Præterea ueteri instituto in contractibus emptionis uenditionisq; mercium preciosarum alteruter, emptor scilicet aut uenditor, certum quippiam soluunt pro summa mercium: quod pauperibus nautis impartitur, qui amplius ei officio satisfacere minime possint propter ætatem, quam tamen in ea functione consumpserint

serint. Cæterum hæc optima instituta ad continendam plebem in officio rei publicæ nōnullasq; alias leges recensere bimus, quæ sapientissimè mihi à maioribus nostris inuentæ uideri solent; ut pro eorum hominum conditione satisfactum pulcherrimè sit ambitioni & honoris cupiditati, quæ in cunctorum animis natura insita est; nec tamē propterea gubernatio nobilitatis ulla in parte perturbetur. Vniuersus populus in duo genera est distributus, nam quidam honestioris sunt generis, alij uero ex infima plebe, ut artifices, & id genus hominum, quod ab Aristotele in Politicis seruorum publicorū esse perhibetur. utrisq; meo iudicio cōsultū est nec incommode nec inique. Nam plebeis hominibus qui suapte natura parum honori studēt, sed potius rei familiaris studio inserviunt, modicā etiā iura concessa sunt, suiq; honores. in tot enim classes distributi sunt, quot sunt artificia in quibus degunt, ac unicuiq; classi proprię quædam datę sunt leges, sub quibus sua quisq; exercet officia.

His præficiunt totius classis suffragiis ex eorū numero nonnulli, qui non incommode artificij illius præfecti appellari possunt. horū iussu multa præscribuntur, nonnullæq; leuiiores lites horū arbitrio dirimuntur. Quo fit ut pleriq; omnes artifices cum eius honoris compotes fuerint facti, in eo munere sibi placeant, putentq; se non parum dignitatis esse assequutos, cum eò peruenerint, ut à sui ordinis hominibus ea præfectura digni habiti fuerint. Sunt præterea in unaquaq; classe inferiores quidam præfectorum, qui tamen nonnullius existimationis sunt. hoc igitur modo magna in parte satis fit honoris cupiditati, quæ indita esse uidetur animis etiam plebeiorum hominum ac infime plebis. Alterum populi genus honestius in Veneta ciuitate honoratiorem quoq; locum habet, cui priuata quædam ac propria munera sunt constituta decora atq; honesta, quibus patrij ordinis uiri priuati sunt, nec ad ea ulla ratione accessum habent. quorum multa sunt, ut nec patriciū hominem tum  
propter



propter emolumentū tum honoris titulum eorū pœnitere possit. Scribarū ordo honestissimus est, qui magistratibus quibuscq; assident. id munus plebis tantum hominibus datur, patricio nulli: quod quamuis illustre non sit, est tamen honestum. eorū namq; fidei & solertiæ codices scriptaq; publica quibus res omnis priuata & publica continetur, cōmissa sunt. cui prouinciæ qui dignus habeatur, is iure optimo & probi uiri & industrij nomen habet, ac existimationem sibi uendicauerit. atq; id pleriscq; omnibus stipendij constitutum est, ut rei domesticæ non tantum tuendæ sed etiam amplificandæ satis sit. Ad hoc hi omnes, qui sunt à secretis senatus, ex populo sunt, patricius nullus. Hic ordo superiore honestior est, idcirco illi ex populo qui nobiliori genere orti sunt, eo munere fungi solent. reditus habent ex ære publico non mediocres, neq; ullum senatusconsultū hos latet. semper namq; intersunt & collegij ac senatus consultationibus, ex qua re in magno precio ab omnibus habent.

Ex his nonnulli feliguntur qui X uiris ministrant, eorumq; acta in codices referunt, ac conscij omnium sunt quæ ab collegio aguntur. quo in honore perdurant quoad uixerint, non per uices quemadmodum patricij uiri in suis magistratibus, quorum nullus præter procuratorium perpetuus est. Horū qui à secretis senatus sunt, unus primas partes tenet, ac Cancellarius Venetiarum nominatur, qui in maximo est honore. Nam à quouis patricio ei loco ceditur præterquam à procuratoribus. nullum is reipublicæ ignorat arcanum: magni quoq; sunt ei redditus ex ære reipublicæ constituti: ac cum diem obierit, funebri oratione honestatur: quæ dignitas nulli in Veneta ciuitate deferri consuevit, præterquam duci, aut cuipiam ciui qui sit extra aleā, ut dici solet, præterea memini, quasi Cancellarius ducem ex populo referat. hic unus creat comitijs magni consilij. Cæteri omnes qui à secretis sunt X uiris eliguntur, atque subduntur eorū censuræ, si quid in functione publica quam habent deliquerint

querint. Omnes etiã populares cœtus, ut artificum classes & cuiusq; artificij præfecti, nōnulliq; aliij de quibus infra dicemus, ex arbitrio X uirū pendent ac eorum ditioni subiecti sunt: illiusq; collegij authoritate & initio constituti fuere & nunc cōtinentur. Sapiens certe institutum, ut is magistratus prouideat, ne huiusmodi cœtus qui ad bonum publicum sunt instituti, quãdoq; simulatione officij aliquid in rempublicam molirent: qui ad eius morbi cautionem initio creatus fuit, ne qua scilicet malorū ciuiū cōspiratio faceretur negociū reipublicæ. Sunt præterea Venetijs quinq; societates initæ sub diuorum quorundam nomine & religione, innumeri homines sunt & plebei & patricij ordinis. Harū suas quæq; uestes habet suaq; insignia, quibus tamen nō semper ac passim utantur, sed cum simul coacti prodeunt, aut ad honestandum cuiuspiã funus, aut ad sacrū quodpiã munus. Festis diebus statutis cuncti ferè in suam societatem cogunt. ibi sacris primū intersunt, deinde inuisunt

templa deorum immortalium, deumq; optimū supplicationibus pompaq; solenni uenerantur. harum quæq; societatum propriā ædem habent, in qua amplum atrium ædificatum est, quò statutis diebus cōueniunt, ut exhibeāt officium religioni quod debēt. Etenim celebrāt quādoq; sacra mysteria, interdū simul coacti templum cuiuspiā diui inuisunt, sæpius exequias ac funus fratris exornāt, cum eorū quispiam diem extremum clauserit: cuius etiā delicta expiant sacrificio ac precibus identidē repetitis. Præter amplissima illa atria singulæ destinatū conclaue habent, in quod coguntur societatū præfecti, qui magistratus est annuus, atq; inter plebeios nō mediocris dignitatis. hi simul cōgregati de agendis cōsultant, dantq; operam ne qua in parte desint bono societatis. eorū quoq; fidei magna uis pecuniæ pauperibus erogandæ cōmissa est. nam priscis temporibus tam ingentis fuerūt existimationis hæ societates, ut plurimi qui rem suam testamento legauerant in usum pauperū distribuendam

dam, hos potissimum tutores fecerint, quorū arbitrio ea pecunia erogaretur, quo effectum est ut harum societatum aliquæ copia facultatum quę in hos usus erogandæ sunt, quotannis procuratoribus diui Marci concedant; qui magistratus patricius amplissimus est. Ad hunc honorē, præfecturā scilicet istam societatum, patricijs uiris nullus est accessus, quāuis sint è numero fratrum: sed plebei tantum homines illius dignitatis compotes esse queunt, ut hac etiā in parte populus nobilitatem æmularetur. hi namq; societatum præfecti quodammodo in populo referunt procuratoriam dignitatē. Verum ne qua ratione huiusmodi societates atq; hi præfecti reipublicæ officerēt, omnes sub potestate Xuirū continentur, ut ne quid immutare queant, aut in unū cogi præter tempora statuta, nisi ex eorum arbitrio ac potestate à decē uiris impetrata. Huiusmodi honores in nostra republ. uiris plebeis utriusq; ordinis constituti sunt, ut omnino expertes non essent iuris publici ac ciuiliū munerum, sed

cupiditati honoris ambitionisue hac ratione satis facerent, nō sollicitato perturbatione statu nobilium. Quo gubernationis temperamento id est respublica nostra consequuta, quod prisca- rum nulla alioquin illustriū. nam à primis initijs usq; ad hæc tempora mille ac ducentis annis tuta perseverauit, non tantum ab exteriorū hominum dominatu, uerumetiā à ciuili seditione quæ fuerit alicuius momenti. quod adepta est non ui ulla aut armatis satellitibus seu munita arce, sed æqua ac temperata ratione regendi: adeo ut populus libenti animo pareat nobilitati: neq; ullam mutationem rerum optet, quin potius egregie sit affectus nobilibus. Quæ res nostra tempestate potuit esse cōpertissima. Nam cum omnes Christiani principes cōspirassent in perniciem atq; exitium nominis Veneti, fususq; noster exercitus fuisset à Ludouico Gallorū rege iuxtà Cassanū oppidū agri Cremonensis ingenti clade accepta, imminerentq; inde Germani, hinc Iulius Romanus pontifex, ac uniuersa penè con-  
tinentis

tinentis ora ab imperio Veneto descis-  
uisset: ea rerū angustia perturbatus Ve-  
netus populus, adeò nihil in nobilita-  
tem est molitus, ut lachrymātes omnes  
se suaq; obtulerint ad reipublicæ defen-  
sionem, req; ipsa præstiterint. Nam Pa-  
tauio urbe propter incolarū animum  
erga nos egregie propensum nullo ne-  
gocio recuperata, cum Maximilianus  
Imperator undiq; cōtractis auxilijs in-  
genti exercitu eam urbem obsedisset,  
quàm plurimi non tantum patricij ue-  
rum etiam plebei ordinis sponte cum  
militibus stipendio eorum priuato con-  
ductis ad tuendam illam ciuitatē profe-  
cti sunt, egregiamq; in ea expeditione  
operam nauarunt: adeò ut imperator  
coactus fuerit reducere exercitum ex-  
pugnatione urbis non tentata. nec mi-  
nori negotio aliæ quoq; ciuitates recu-  
peratæ sunt, maximo populorum om-  
nium fauore ex alieno imperio ad Ve-  
netum uelut ad portum tutissimū con-  
fugientium. Euidens certè argumentū  
iustæ dominationis cū uolentibus im-  
peratur, quod non absq; ratione conti-  
gisse

gisse, si quis bene attēderit facile com-  
periet. Cuiq; etiam ciuitati quę in socie-  
tatem Veneti imperij uenit, municipa-  
les leges relictae sunt, multisq; honori-  
bus ciues in sua quaq; ciuitate potun-  
tur, nonnulla oppida in agris urbium  
sita eorum ratione gubernantur. His  
adde quod prātoribus ciuitatum qui  
illustres sunt, assident cum ius populo  
dicant homines iurisperiti; quibuscum  
consultant antequam quippiam decer-  
nant. qui honos est nō exiguus, nec mo-  
dicum inde emolumentū ad eos uenit.  
huius generis magistratibus fungi pa-  
tricij Veneti nō possunt, sed uel ex Ve-  
neto populo, uel, ut plerunq;, ex socijs  
ciuitatibus deliguntur. Ex quibus faci-  
le quiuis intelliget, eam adhibitā fuisse  
in hac republica moderationē, quā ma-  
xime uideatur rerum naturam imita-  
ri. Nam in animantis corpore uidendi  
officiū respiciendiq; munus solis ocu-  
lis est attributum, reliqua uero mune-  
ra ignobiliora cæteris membris relicta  
sunt, quæ usu uidendi careāt, sed pare-  
ant, nec aliquo pacto obaudiāt his quę  
ab ocu-




ab oculis ita esse nunciata fuerint, nèue aliò ferantur quàm quò oculi ea direxerint: sicq; optime uniuersum corpus cōsistit & conseruatur. Non dissimili ratione in republica Veneta summa rerum gubernatio patritio ordini est demandata, ueluti quibusdam oculis ciuitatis, ignobiliora officia cæteris ex populo: sicq; tanquam bene compactum corpus Veneti felicissime uiuūt, cum oculi reipublice non sibi tantum sed uniuersis membris prospiciunt: cæteræ uero ciuitatis partes, nō tantum sui habeāt rationem, uerum etiam hisce oculis ueluti potioribus membris reipublicæ libentissime obtemperent. Quòd si in quapiam republica eò insanix uenerint ciues, quod in plerisq; cōtingit, ut populus uidendi munere fungi uelit ac ~~oculi~~ officium usurpet, continuo uniuersam rempublicam necesse est eueri. Quòd si etiam patricij ciues sibi tantum prospexerint, alia uero ciuitatis membra contempserint, irritato populo ad perniciem nobilitatis proculdubio reipublicæ male successerit. No  
stri

stri maiores naturam imitati utriq; in-  
cōmodo prouidēre, illamq; præstiterē  
moderationē, ut nullus nisi inuidus lo-  
cum habeat obtrectandi tam legitimæ  
quàm optimæ institutiōi. Quam deum  
optimum precamur diu seruet incolu-  
mem. si enim quippiam boni à deo im-  
mortali hominibus prouenire est cre-  
dibile, hoc præcipue diuinitus

Venete urbi obtigisse per  
sualissimū esse  
debet.

CASPARIS CONTARENI DE  
republica & magistratibus Vene-  
torum libri ultimi finis.



BASILEAE APVD

~~et~~ & ~~Francisci~~ Anno

M D XLVII.



